



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

### Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

### About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>

KC

16840



HN 64SJ B



KC 16840

# HARVARD COLLEGE LIBRARY



FROM THE LIBRARY OF  
**ALBERT ANDREW HOWARD**  
POPE PROFESSOR OF LATIN

THE GIFT OF HIS SON  
**HERMANN HAGEN HOWARD**  
Class of 1916

RECEIVED OCTOBER 15, 1929.





JUVENALIS,  
PERSII  
ET  
SULPICIAE  
SATYRAE



D. JUNII  
JUVENALIS  
AQUINATIS  
SATYRAE

---

EX RECENSIONE  
HENRICI CHRISTIANI HENNINII,

---



MANNHEIM,  
Cura & Sumptibus Societatis literatae  
MDCCLXXXI.



KC 16840

~~LC 13.164~~

✓

HARVARD COLLEGE LIBRARY  
FROM THE LIBRARY OF  
PROF. ALBERT ANDREW HOWARD  
OCT. 15, 1929



# D. JUNII JUVENALIS SATYRAE.

---

## SATYRA I.

**S**emper ego auditor tantum? nunquamne reponam,  
Vexatus toties rauci Theseide Codri?  
Impune ergo mihi recitaverit ille togatas,  
Hic elegos? impune diem consumserit ingens  
Telephus? aut summi plena jam margine libri  
Scriptus & in tergo necdum finitus Orestes?

Nota magis nulli domus est sua, quam mihi lucus  
Martis: & Aeoliis vicinum rupibus antrum  
Volcani. Quid agant venti, quas torqueat umbræ  
Aeacus: unde alius furtivæ devehat aurum  
Pelliculae, quantas jaculetur Monychus ornos:  
Frontonis platani, convulsaque marmora clamant  
Semper, & assiduo ruptae lectore columnae.  
Exspectes eadem a summo minimoque poeta.

Et nos ergo manum ferulae subduximus, & nos  
Consilium dedimus Sullae, privatus ut altum

Dormiret? Stulta est clementia, cum tot ubique  
Vatibus occurras, periturae parcere chartae.

Cur tamen hoc potius libeat decurrere campo,  
Per quem magnus equos Auruncae flexit alumnus:  
Si vacat & placidi rationem admittitis, edam.  
Cum tener uxorem ducat spado, Maevia Tuscum  
Figat aprum, & ruda teneat venabula mamma:  
Patricios omneis opibus quum provocet unus,  
Quo tondente gravis juveni mihi barba sonabat:  
Cum pars Niliacae plebis, cum verna Canopi  
Crispinus, Tyrias humero revocante lacernas,  
Ventilet aestivum digitis sudantibus aurum,  
Nec sufferre queat majoris pondera gemmae:  
Difficile est satyram non scribere. Nam quis iniquae  
Tam patiens urbis, tam ferreus, ut teneat se?  
Causfidici nova cum veniat lectica Mathonis  
Plena ipso; post hunc magni delator amici,  
Et cito rapturus de nobilitate comesa,  
Quod superest, quem Massa timet, quem munere palpat  
Carus, & a trepido Thymele summissa Latino:  
Cum te summoveant, qui testamenta merentur  
Nectibus, in coelum quos evehit optima summi

Nunc via processus, vetulae vesica beatæ?  
Unciolam Proculeius habet, sed Gillo deuncem:  
Parteis quisque suas ad mensuram inguinis heres  
Accipiat sane mercedem sanguinis, & sic  
Palleat, ut nudis pressit qui calcibus anguem,  
Aut Lugdunensem rhetor dicturus ad aram.  
Quid referam, quanta flocum jecur ardeat ira,  
Cum populum gregibus comitum premit hic spoliator  
Pupilli prostantis? & hic damnatus inani  
Judicio (Quid enim salvis infamia nummis?)  
Exsul ab octava Marius bibit, & fruitur Dis  
Iratis: at tu victrix provincia ploras.  
Haec ego non credam Venusina digna lucerna?  
Haec ego non agitem? sed quid magis Heracleas,  
Aut Diomedeeas, aut mugitum Labyrinthi,  
Et mare percussum puero, fabrumque volantem:  
Cum lene accipiat moechi bona, si capiendi  
Jus nullum uxori, doctus spectare lacunar,  
Doctus & ad calicem vigilanti stertere naso:  
Cum fas esse putet curam sperare cohortis,  
Qui bona donavit praesepibus, & caret omni  
Majorum censu, dum pervolat axe citato.

Flaminiam : puer Automedon nam lora tenebat,  
Ipse lacernatae cum se jactaret amicae.

Nonne libet medio ceras implere capaces

Quadrivio : cum jam sexta cervice feratur  
Hinc atque inde patens, ac nuda paene cathedra,  
Et multum referens de Maecenate supino  
Signator falso, qui se lautum, atque beatum  
Exiguis tabulis, & gemma fecerat uda?

Occurrit matrona potens, quae molle Calenum  
Porrectura viro miscet sitiente rubetam,

Instituitque rudes melior Locusta propinquas  
Per famam & populum nigros efferre maritos.

Aude aliquid brevibus Gyaris & carcere dignum,  
Si vis esse aliquis: PROBITAS laudatur, & alget.  
Criminibus debent hortos, praetoria, mensas,  
Argentum vetus, & stantem extra pocula caprum.

Quem patitur dormire nurus corruptor avarae,  
Quem sponsae turpes, & praetextatus adulter?  
Si natura negat, facit indignatio versum,  
Qualemcumque potest: qualeis ego, vel Cluvienus.

Ex quo Deucalion nimbis tollentibus aequor  
Navigio montem ascendit, sorteisque poposcit,

Paulatimque anima caluerunt mollia saxa,  
Et maribus nudas ostendit Pyrrha puellas:  
Quidquid agunt homines, votum, timer, ira, voluptas,  
Gaudia, discursus, nostri est farrago libelli.  
Et quando uberior vitiorum copia? quando  
Major avaritiae patuit sinus? alea quando  
Hos animos? neque enim oculis comitantibus itur  
Ad casum tabulae, posita sed luditur arca.  
Praelia quanta illic dispensatore videbis  
Armigero! simplexne furor festertia centum  
Perdere, & horrenti tunicam non reddere fervo?  
Quis totidem erexit villas? quis fercula septem  
Secrete coenavit avus? nunc sportula primo  
Limine parva sedet, turbae rapienda togatae.  
Ille tamen faciem prius inspicit, & trepidat, ne  
Suppositus venias, ac falso nomine poscas.  
Agnitus accipies, jubet a praecone vocari  
Ipsos Trojugenas. Nam vexant limen & ipsi  
Nobiscum: da Praetori, da deinde Tribuno.  
Sed libertinus prior est: prior, inquit, ego adsum.  
Cur timeam? dubitemve locum defendere: quamvis  
Natus ad Euphratem, molles quod in aure fenestras

Arguerint, licet ipse negem? sed quinque tabernae  
 Quadringenta parant. Quid confert purpura major  
 Optandum, si Laurenti custodit in agro  
 Conductas Corvinus ovis? ego possideo plus  
 Pallante, & Licinis. Exspectant ergo Tribuni:  
 Vincant Divitiae: sacro nec cedat honori,  
 Nuper in hanc urbem pedibus qui venerat albis:  
 Quandoquidem inter nos sanctissima divitiarum  
 Majestas: et funesta Pecunia templo  
 Nondum habitas, nullas nummorum ereximus aras,  
 Ut colitur Pax, atque Fides, Victoria, Virtus,  
 Quaeque salutato crepidat Concordia nido.

Sed cum summus honor finito computet anno,  
 Sportula quid referat, quantum rationibus addat:  
 Quid facient comites, quibus hinc toga, calceus

hinc est,

Et panis, fumusque domi? densissima centum  
 Quadranteis lectica petit, sequiturque maritum  
 Languida, vel praegnans, & circumducitur uxor.  
 Hic petit absenti, nota jam callidus arte,  
 Ostendens vacuam, & clausam pro conjuge fellam.  
 Galla mea est, inquit. Citius dimitte. Moraris?

Profer Galla caput. Noli vexare, quiescite

Ipse dies pulchro distinguitur ordine rerum:

Sportula, deinde forum, jurisque peritus Apollo,

Atque triumphales, inter quas ausus habere

Nescio quis titulos Aegyptius, atque Arabarches:

Cujus ad effigiem non tantum mejere fas est.

Vestibulis abeunt veteres, lassique clientes,

Votaque deponunt, quanquam longissima, coenae,

Spes homini. Caulis miseris, atque ignis emendus.

Optima silvarum interea, pelagique vorabit

Rex horum, vacuisque toris tantum ipse jacebit.

Nam de tot pulcris, & latis orbibus, & tam

Antiquis, una comedunt patrimonja mensa.

Nullus jam parasitus erit. Sed quis feret istas

Luxuriae sordes? quanta est gula, quae sibi totos

Ponit apros, animal propter convivia natum!

Poenā tamen praesens, cum tu deponis amictus

Turgidus, & crudum pavonem in balnea portas.

Hinc subitae mortes, atque intestata senectus.

It nova, nec tristis per cunctas fabula coenas:

Ducitur iratis plaudendum funus amicis.

Nil erit ulterius, quod nostris moribus addat



Posteritas: eadem cupient, facientque minores.

Omne in praecipiti vitium stetit. Utere velis:

Totos pande sinus. Dicas heic forsitan, unde

Ingenium par materiae? unde illa priorum,

Scribendi quodcunque animo flagrante liberet,

Simplicitas, cujus non audeo dicere nomen.

Quid refert dictis ignoscat Mutius, an non?

Pone Tigellinum: taeda lucebit in illa,

Qua stantes ardent, qui fixo gutture fumant,

Et latum media fulcum deducet arena.

Qui dedit ergo tribus patruis aconita, vehatur

Penfilibus plumis, atque illinc despiciet nos:

Cum veniet contra, digito compeſce labellum:

Accusator erit, qui verbum dixerit, hic est.

Securus licet Aeneam, Rutilumque ferocem

Committas: nulli gravis est percussus Achilles,

Aut multum quaesitus Hylas, urnamque secutus.

Ense velut stricto, quoties Lucilius ardens

Infremuit, rubet auditor, cui frigida mens est

Criminibus, tacita sudant praecordia culpa.

Inde irae, & lacrymae. Tecum prius ergo voluta

Haec, animo ante tubas: galeatum fero duelli

Poenitet. Experiar, quid concedatur in illos,  
Quorum Flaminia tegitur cinis, atque Latina.

---

## S A T Y R A II.

Vltra Sauromatas fugere hinc libet, & glaciale  
Oceanum, quoties aliquid de moribus audent,  
Qui Curios simulant, & Bacchanalia vivunt,  
Indocti primum: quanquam plena omnia gypso  
Chryssippi invenies. Nam perfectissimus horum est,  
Si quis Aristotelem similem, vel Pittacon emit,  
Et jubet archetypos pluteum servare Cleanthas.  
FRONTIS nulla fides. Quis enim non vicus abundat  
Tristibus obscenis? castigas turpia, cum sis  
Inter Socraticos notissima fossa cinaedos:  
Hispidam membra quidem; & duras per brachia setas  
Promittunt atrocem animum: sed podice laevi  
Caeduntur tumidae, medico ridente, mariscae.  
Rarus sermo illis, & magna lubido tacendi,  
Atque supercilio brevior coma. Verius ergo,  
Et magis ingenue Peribomius: hunc ego fatis

Imputo, qui vultu morbum, incessuque fatetur.  
Horum simplicitas miserabilis, his furor ipse  
Dat veniam: sed peiores, qui talia verbis  
Herculis invadunt, & de virtute locuti  
Clunem agitant. Ego te ceventem, Sexte, verebor?  
Infamis Varillus ait: quo deterior te?  
Loripedem rectus derideat, Aethiopem albus.  
Quis tulerit Gracchos de seditione querenteis?  
Quis coelum terris non misceat, & mare coelo,  
Si fur displiceat Verri? homicida Miloni?  
Clodius accuset moechos? Catilina Cethegum?  
In tabulam Sullae si dicant discipuli tres?  
Qualis erat nuper tragico pollutus adulter  
Concubitu: qui tunc leges revocabat amaras  
Omnibus, atque ipsis Veneri Martique timendas,  
Cum tot abortivis foecundam Julia vulvam  
Solveret, & patruo simileis effunderet offas?  
Nonne igitur jure ac merito vitia ultima fictos  
Contemnunt Scauros, & castigata remordent?  
Non tulit ex illis torvum Laronia quendam  
Clamantem toties. Ubi nunc lex Julia? dormis?  
Atque ita subridens: Felicia tempora, quae te

Moribus opponunt. Habeat jam Roma pudorem.  
Tertius e coelo cecidit Cato. Sed tamen unde  
Haec emis, hirsuto spirant opobalsama collo  
Quae tibi? ne pudeat dominum monstrare tabernae.  
Quod si vexantur leges, ac jura: citari  
Ante omneis debet Scantinia. Respice primum  
Et scrutare viros: faciunt hi plura; sed illos  
Defendit numerus, junctaeque umbone phalanges.  
Magna inter molleis concordia. Non erit ullum  
Exemplum in nostro tam detestabile sexu.  
Taedia non lambit Cluviam, nec Flora Catallum:  
Hippo subit juvenes, & morbo pallet utroque.  
Nunquid nos agimus causas, civilia jura  
Novimus, aut ullo strepitu fora vestra movemus?  
Luctantur paucae: comedunt coliphia paucae.  
Vos lanam trahitis, calathisque peracta refertis  
Vellera: vos tenui praegnantem stamine fufum  
Penelope melius, levius torquetis Arachne,  
Horrida quale facit residens in codice pellex.  
Notum est, cur solo tabulas impleverit Hister  
Liberto, dederit vivus cur multa puellae.  
Dives erit, magno quae dormit tertia lecto.

Tu nube, atque tace: donant arcana cylindros.  
De nobis posthaec tristis sententia fertur.  
DAT veniam corvis, vexat censura columbas.  
Fugerunt trepidi vera, ac manifesta canentem  
Stoicidae. Quid enim falsi Laronia? sed quid  
Non facient alii, cum tu multicia sumas  
Cretice? & hanc vestem populo mirante perores  
In Proculas, & Pollitas? est moecha Fabulla.  
Damnetur, si vis, etiam Carfinia: talem  
Non fumet damnata togam. Sed Julius ardet,  
Aestuo. Nudus agas: minus est insania turpis.  
En habitum, quo te leges, ac jura ferentem  
Vulneribus crudis populus modo victor, & illud  
Montanum positus audiret vulgus aratris.  
Quid, non proclames, in corpore Judicis ista  
Si videas? quaero, an deceant multicia testem?  
Acer, & indomitus, liberatisque magister  
Cretice perluces! DEDIT hanc contagio labem,  
Et dabit in plureis: sicut grex totus in agris  
Unius scabie cadit, & porrigine porci,  
UVAQVE conspecta livorem ducit ab uva.  
Fodius hoc aliquid quandoque audebis amictu:

NEMO repente fuit turpissimus. Accipient te  
Paulatim, qui longa domi redimicula fumunt  
Frontibus, & toto posuere monilia collo,  
Atque Bonam tenerae placant abdomine porcae,  
Et magno cratere Deam: sed more sinistro  
Exagitata procul non intrat foemina limen.  
Solis ara Deae maribus patet. Ite profanae!  
Clamatur: nullo gemit heic tibicinà cornu.  
Talia secreta coluerunt Orgia taeda  
Cecropiam soliti Baptae lassare Cotytto.  
Ille supercilium madida fuligine tactum  
Obliqua producit acu, pingitque trementeis  
Attollens oculos: vitreo bibit ille Priapo,  
Reticulumque comis auratum ingentibus implet,  
Coerulea indutus scutulata, aut galbina rafa,  
Et per Junonem domini jurante ministro.  
Ille tenet speculum, pathici gestamen Othonis,  
Actoris Aurunci spolium: quo se ille videbat  
Armatum, cum jam tolli vexilla juberet.  
Res memoranda novis annalibus, atque recenti  
Historia, speculum civilis sarcina belli.  
Nimirum summi ducis est occidere Galbam,

Et curate cūtem summi constantia civis;  
Bebriaci campo spoliū affectare Palati;  
Et pressum in facie digitis extendere panem:  
Quod nec in Assyrio pharetrata Semiramis orbe,  
Mœsta nec Aethiaca fecit Cleopatra carina.  
Heic nullus verbis pudor, aut reverentia mensae.  
Heic turpis Cybeles, & fracta voce loquendi  
Libertas, & crisse senex phanaticus albo  
Sacrorum Antistes, rarum, ac memorabile magni  
Gutturis exemplum, conducendusque magister.  
Quid tamen expectant: Phrygio quos tempus erat jam  
More supervacuam cultris abrumpere carnem?  
Quadringenta dedit Gracchus sestertia, dotem  
Cornicini; sive hic recto cantaverat aere.  
Signatae tabulae: dictum FELICITER! ingens  
Coena sedet: gremio jacuit nova nupta mariti.  
O proceres, censoris opus est, an haruspice nobis?  
Scilicet horreres, majoraque monstra putares,  
Si mulier vitulum, vel si bos ederet agnum?  
Segmenta, & longos habitus, & flammae sumit,  
Arcano qui sacra ferens nutantia loro  
Sudavit clypeis ancilibus. O pater Urbis,

Unde nefas tantum Latiis pastoribus? unde  
Haec tetigit, Gradive, tuos urtica nepotes?  
Traditur ecce viro clarus genere, atque opibus vir;  
Nec galeam quassas, nec terram cuspide pulsas,  
Nec quereris patri? vade ergo, & cede severi  
Jugeribus campi, quem negligis. Officium cras  
Primo sole mihi peragendum in valle Quirini.  
Quae caussa officii? quid quaeris? nubit amicus,  
Nec multos adhibet. Liceat modo vivere: fient,  
Fient ista palam, cupient & in acta referri.  
Interea tormentum ingens nubentibus haeret,  
Quod nequeunt parere, & partu retinere maritos,  
Sed melius, quod nil animis in corpora juris  
Natura indulget. Steriles moriuntur, & illis  
Turgida non prodest condita pyxide Lyde,  
Nec prodest agili palmas praebere Luperco.  
Vicit & hoc monstrum tunicati fuscina Gracchi,  
Lustravitque fuga mediam gladiator arenam,  
Et Capitolinis generosior, & Marcellis,  
Et Catulis, Paullique minoribus, & Fabiis, &  
Omnibus ad podium spectantibus. His licet ipsum  
Admoveas, cujus tunc munere retia misit.



Esse aliquos Maneis, & subteranea regna,  
Et pontum, & Stygio ranas in gurgite nigras,  
Atque una transire vadum tot millia cymba,  
Nec pueri credunt, nisi qui nondum aere lavantur.  
Sed tu vera puta. Curius quid sentit, & ambo  
Scipiadae? quid Fabricius, manesque Camilli?  
Quid Cremerae legio, & Cannis consumpta juventus,  
Tot bellorum animae; quoties hinc talis ad illos  
Umbra venit? cuperent lustrari, si qua darentur  
Sulfura cum taedis, & si foret humida laurus.  
Illuc, heu! miseri traducimur. Arma quidem ultra  
Littora Jubernae promovimus, & modo captas  
Orcadas, ac minima contentos nocte Britannos:  
Sed quae nunc Populi fiunt victoris in Urbe,  
Non faciunt illi, quos vicimus: & tamen unus  
Armenius Zalates cunctus narratur ephebis  
Mollior ardenti sese indulgisse Tribuno.  
Adspice, quid faciant commercia: venerat obfes,  
Heic fiunt homines. Nam si mora longior Urbem  
Indulgit pueris, non unquam deerit amator:  
Mittentur braccæ, cultelli, fraena, flagellum.  
Sic praetextatos referunt Artaxata mores.

## SATYRA III.

Quamvis digressu veteris confusus amici,  
Laudo tamen, vacuis quod sedem figere Cumis  
Destinet, atque unum civem donare Sibyllae.  
Janua Bajarum est, & gratum littus amoeni  
Secessus. Ego vel Prochytam praepono Suburrae.  
Nam quid tam miserum, tam solum vidimus, ut non  
Deterius credas horrere incendia, lapsus  
Testorum assiduos, ac mille pericula saevae  
Urbis, & Augusto recitanteis mense poetas?  
Sed dum tota domus rheda componitur una,  
Substitit ad veteres arcus, madidamque Capenam:  
Heic, ubi nocturnae Numa constituebat amicae:  
Nunc sacri fontis nemus, & delubra locantur  
Judaeis: quorum cophinus foenumque suppellex.  
Omnis enim populo mercedem pendere iussa est  
Arbor, & ejectis mendicat sylva Camoenis.  
In vallem Egeriae descendimus, & speluncas  
Diffimileis veris. Quanto praestantius esset  
Numen aquae, viridi si margine cluderet undas

Herba, nec ingenuum violarent marmora tophum?  
Heictunc Umbricius: Quando artibus, inquit, honestis  
Nullus in urbe locus, nulla emolumenta laborum,  
Res hodie minor est, here quam fuit, ac eadem cras  
Deteret exiguis aliquid: proponimus illuc  
Ire, fatigatas ubi Daedalus exiit alas,  
Dum nova canities, dum prima, & recta senectus,  
Dum superest Lachesi, quod torqueat, & pedibus me  
Porto meis, nullo dextram subeunte bacillo.  
Cedamus patria: vivant Artorius istic  
Et Catulus: maneant, qui nigrum in candida vertunt,  
Queis facile est aedem conducere, flumina, portus,  
Siccandam eluviem, portandum ad busta cadaver,  
Et praebere caput domina venale sub hasta.  
Quondam hi cornicines, & municipalis arenae  
Perpetui comites, notaeque per oppida buccae,  
Munera nunc edunt, & verso pollice vulgus,  
Quum libet, occidunt populariter: inde reversi  
Conducunt foricas. Et cur non omnia? cum sint,  
Qualeis ex humili magna ad fastigia rerum  
Extollit quoties voluit fortuna jocari.  
Quid Romae faciam? mentiri nescio: librum,

Si malus est, nequeo laudare, & poscere: motus  
Astrorum ignoro: funus promittere patris  
Nec volo, nec possum: ranarum viscera nunquam  
Inspexi. Ferre ad nuptam, quae mittit adulter,  
Quae mandat, norunt alii: me nemo ministro  
Fur erit, atque ideo nulli comes exeo, tanquam  
Mancus, & extinctae corpus non utile dextrae.  
Quis nunc diligitur, nisi conscius, & cui fervens  
Aestuat occultis animus, semperque tacendis?  
Nil tibi se debere putat, nil conferet unquam,  
Participem qui te secreti fecit honesti.  
Carus erit Verri, qui Verrem tempore, quo vult,  
Accusare potest. Tanti tibi non sit opaci  
Omnis arena Tagi, quodque in mare volvitur aurum,  
Ut somno careas, ponendaque praemia sumas  
Tristis, & a magno semper timearis amico.

Quae nunc divitibus gens acceptissima nostris,  
Et quos praecipue fugiam, properabo fateri,  
Nec pudor obstabit. Non possum ferre, Quirites!  
Graecam urbem, quamvis quota portio faecis Achaei?  
Jam pridem Syrus in Tiberim defluxit Orontes,  
Et linguam, & mores, & cum tibicine chordas

Obliquas, nec non gentilia tympana secum  
Vexit, & ad Circum jussas prostare puellas.  
Ite, quibus grata est picta lupa Barbara mitra.  
Rusticus ille tuus sumit trechedipna, Quirine,  
Et ceromatico fert niceteria collo.  
Hic alta Sicyone, ast hic Amydone relicta,  
Hic Andro, ille Samo, hic Trallibus, aut Alabandis.  
Esquilias, dictumque petunt a vimine collē,  
Viscera magnarum domuum, dominique futuri.  
Ingenium velox, audacia perdita, sermo  
Promptus, & Isaeo torrentior. Ede, quid illum  
Esse putes? quem vis hominem, secum attulit ad nos:  
Grammaticus, rhetor, geometres, pictor, aliptes,  
Augur, schoenobates, medicus, magus: omnia novit.  
Graeculus esuriens in coelum, jusseris, ibit.  
Ad summam, non Maurus erat, neque Sarmata, nec

Thrax,

Qui sumsit pennas, mediis sed natus Athenis.  
Horum ego non fugiam conchylia? me prior ille  
Signabit, fultusque thoro meliore recumbet  
Adventus Romam, quo pruna, & coctona vento?  
Usque adeo nihil est, quod nostra infantia coelum

Hauſit Aventini bacca nutrita Sabina?

Quid, quod adulandi gens prudentiſſima laudat

Sermonem indocti, faciem deformis amici,

Et longum invalidi collum cervicibus aequat

Herculis, Antaeum procul a tellure tenentis?

Miratur vocem anguſtam, qua deterius nec

Ille ſonat, quò mordetur gallina marito.

Haec eadem licet & nobis laudare: ſed illis

Creditur, an melior cum Thaïda ſuſtinet, aut cum

Uxorem comoedus agit, vel Dorida nullo

Cultam palliolo? mulier nempe ipſa videtur,

Non perſona loqui: vacua, & plana omnia dicas

Infra ventriculum, & tenui diſtantiâ rima.

Nec tamen Antiochus, nec erit mirabilis illic

Aut Stratocles, aut cum molli Demetrius Haemo.

Natio comoeda eſt. Rides? majore cachinno

Concutitur: ſlet, ſi lacrymas conſpexit amici,

Nec dolet: igniculum brumae ſi tempore peſcas,

Accipit endromidem: ſi dixeris, aeſtuo, ſudat.

Non ſumus ergo pares: melior, qui ſemper, & omni

Noſte, dieque poteſt alienum ſumere vultum,

A facie jaſtare manus, laudare paratus,

Si bene rufcavit, fi rectum minxit amicus,  
Si trulla inverfo crepitum dedit aurea fundo.  
Praeterea fanctum nihil eft, & ab inguine tutum :  
Non matrona Laris, non filia virgo, neque ipfe  
Sponfus laevis adhuc, non filius ante pudicus.  
Horum fi nihil eft, aviam refupinat amici.  
Scire volunt secreta domus, atque inde timeri.

Et quoniam coepit Graecorum mentio, tranſi  
Gymnafia, atque audi facinus majoris abollae.  
Stoicus occidit Baream delator amicum,  
Discipulumque fenex, ripa nutritus in illa,  
Ad quam Gorgonei delapſa eft pinna caballi.  
Non eft Romano cuiquam locus heic, ubi regnat  
Protogenes aliquis, vel Diphilus, aut Hermarcus :  
Qui, gentis vitio, nunquam partitur amicum,  
Solut habet. Nam, cum facilem ſtillavit in aurem  
Exiguum de naturae patriaeque veneno,  
Limine ſummoveor: perierunt tempora longi  
Servitii: nuſquam minor eft jaſtura clientis.  
Quod porro officium, ne nobis blandiar; aut quod  
Pauperis heic meritum: fi curet nocte togatus  
Currere, cum praetor liſtorem impellat, & ire

Praecipitem jubeat dudum vigilantibus orbis,  
Ne prior Albinam & Modiam collega salutet?  
Divitis heic servi cludit latus ingenuorum  
Filius: alter enim, quantum in legione tribuni  
Accipiunt, donat Calvinae, vel Catienae,  
Ut semel, atque iterum super illam palpitet: at tu,  
Cum tibi vestiti facies scorti placet, haeres,  
Et dubitas alta Chionem deducere fella.  
Da testem Romae tam sanctum, quam fuit hospes  
Numinis Idaei: procedat vel Numa, vel qui  
Servavit trepidam flagranti ex aede Minervam:  
Protinus ad censum, de moribus ultima fiet  
Quaestio: quot pascit servos? quot possidet agri  
Jugera? quam multa, magnaeque paropside coenat?  
QUANTUM quisque sua nummorum servat in arca,  
Tantum habet & fidei. Jures licet & Samothracum,  
Et nostrorum aras; contemnere fulmina pauper  
Creditur, atque Deos, DIIs ignoscentibus ipsis.  
Quid, quod materiam praebet caussasque jocorum  
Omnibus hic idem, si foeda & scissa lacerna,  
Si toga sordidula est, & rupta calceus alter  
Pelle patet: vel si confuto vulnere crassum,



Atque recens linum ostendit non una cicatrix?  
NIL habet infelix paupertas durius in se,  
Quam quod ridiculos homines facit. Exeat, inquit,  
Si pudor est, & de pulvino surgat equestri,  
Cujus res legi non sufficit, & sedeant heic  
Lenonum pueri quocunque in fornice nati.  
Heic plaudat nitidi praeconis filius inter  
Pinnirapi cultos juvenes, juvenesque lanistae.  
Sic libitum vano, qui nos distinxit, Othoni.  
Quis gener heic placuit censu minor, atque puellae  
Sarcinulis impar? quis pauper scribitur haeres:  
Quando in consilio est aedilibus? agmine facto  
Debuerant olim tenues migrasse Quirites.  
HAUD facile emergunt, quorum virtutibus obstat  
Res angusta domi; sed Romae durior illis  
Conatus: magno hospitium miserabile, magno  
Servorum ventres, & frugi coenula magno.  
Fistilibus coenare pudet, quod turpe negavit  
Translatus subito ad Marfos, mensamque Sabellam:  
Contentusque illic veneto, duroque cucullo.

Pars magna Italiae est, si verum admittimus, in qua  
Nemo togam sumit, nisi mortuus. Ipsa dierum

Festorum herboſo colitur ſi quando theatro  
Majeſtas; tandemque redit ad pulpita notum  
Exodium, cum perſonae pallentis hiatum  
In gremio matris formidat ruſticus infans.  
Aequaleis habitus illic, ſimileiſque videbis  
Orcheſtram, & populum: clari velamen honoris,  
Sufficiunt tunicae ſummis aedilibus albae.  
Heic ultra vireis habitus nitor: heic aliquid plus,  
Quam fatiſ eſt, interdum aliena ſumitur arca.  
Commune id vitium eſt. HEIC vivimus ambitioſa  
Paupertate omnes. Quid te moror? OMNIA Romae  
Cum pretio. Quid das, ut Coſſum aliquando ſalutes:  
Ut te reſpiciat clauſo Vejento labello?  
Ille metit barbam, crinem hic deponit amati.  
Plena domus libis genialibus: accipe, & iſtud  
Fermentum tibi habe: praestare tributa clientes  
Cogimur, & cultis augere peculia fervis.  
Quis timet, aut timuit gelida Praeneste ruinam,  
Aut poſitis nemoroſa inter juga Volſiniis, aut  
Simplicibus Gabeis, aut proni Tiburis arce?  
Nos urbem colimus tenui tibicine fultam  
Magna parte ſui. Nam ſic labentibus obſtat

Villicus, & veteris rimae contextit hiatum,  
Securos pendente jubet dormire ruina.  
Vivendum est illic, ubi nulla incendia, nulli  
Nocte metus. Jam poscit aquam, jam frivola transfert  
Ucalegon: tabulata tibi jam tertia fumant:  
Tu nescis. Nam si gradibus trepidatur ab imis;  
Ultimus ardebit, quem tegula sola tuetur  
A pluvia, molles ubi reddunt ova columbae.  
Lectus erat Codro Procula minor; urceoli sex,  
Ornamentum abaci; nec non & parvulus infra  
Cantharus; & recubans sub eodem marmore Chiron;  
Jamque vetus Graecos servabat cista libellos,  
Et divina Opici rodebant carmina mures.  
Nil habuit Codrus. Quis enim negat? & tamen illud  
Perdidit infelix totum nihil: ultimus autem  
Aerumnae cumulus, quod nudum, & frustra rogantem  
Nemo cibo, nemo hospitio, tectoque juvabit.  
Si magna Asturici cecidit domus: horrida mater,  
Pullati procures, differt vadimonia praetor.  
Tunc gemimus casus Urbis, tunc odimus ignem.  
Ardet adhuc? & jam accurrit, qui marmora donet;  
Conferat impensas: Hic nuda, & candida signa;

Hic aliquid praeclarum Euphranoris, & Polycleti;  
Haec Agianorum vetera ornamenta Deorum,  
Hic libros dabit, & forulos, mediamque Minervam,  
Hic modium argenti: meliora, & plura reponet  
Perficus orborum lautissimus, & merito jam  
Suspectus, tanquam ipse suas incenderit aedes.  
Si potes avelli Circensibus, optima Sorae,  
Aut Fabrateriae domus, aut Frusinone paratur,  
Quanti nunc tenebras unum conducis in annum!  
Hortulus heic, puteusque brevis, nec recte movendus,  
In tenueis plantas facili defunditur haustu.  
Vive bidentis amans, & culti villicus horti:  
Unde epulum possis centum dare Pythagoraeis.  
Est aliquid, quocunque loco, quocunque recessu,  
Unius sese dominum fecisse lacertae.

Plurimus heic aeger moritur vigilando: sed illum  
Languorem peperit cibus imperfectus, & haerens  
Ardenti stomacho. Nam quae meritoria somnum  
Admittunt? magnis opibus dormitur in Urbe.  
Inde caput morbi: rhedarum transitus arcto  
Vicorum inflexu; & stantis convicia mandrae  
Eripiunt somnum Druso, vitulisque marinis.

Si vocat officium, turba cedente vehetur  
Dives, & ingenti curret super ora liburno,  
Atque obiter leget, aut scribet, vel dormiet intus.  
Namque facit somnum clausa lectica fenestra.  
Ante tamen veniet: nobis properantibus obstat  
Unda prior: magno populus premit agmine lumbos,  
Qui sequitur; ferit hic cubito, ferit affere duro  
Alter: at hic tignum capiti incutit, ille metretam.  
Pinguia crura luto, planta mox undique magna  
Calcor, & in digito clavus mihi militis haeret.

Nonne vides, quanto celebretur sportula fumo?  
Centum convivae: sequitur sua quemque culina.  
Corbulo vix ferret tot vasa ingentia, tot res  
Impositas capiti, quas recto vertice portat  
Servulus infelix, & cursu ventilat ignem.  
Scinduntur tunicae sartae: modo longa coruscat  
Sarraco veniente abies, atque altera pinum  
Plaustra vehunt, nutant altae, populoque minantur.  
Nam si procubuit, qui saxa Ligustica portat  
Axis, & eversum fudit super agmina montem,  
Quid superest de corporibus? quis membra, quis ossa  
Invenit? obtritum vulgi perit omne cadaver.

More animae. Domus interea secura patellas  
Jam lavat, & bucca foculū excitat, & sonat unctis  
Strigilibus, pleno componit lintea gutto.  
Haec inter pueros varie properantur: at ille  
Jam sedet in ripa, tetrumque novicius horret  
Porthmea, nec sperat coenosi gurgitis alnum  
Infelix, nec habet quem porrigat ore trientem.

Respice nunc alia, ac diversa pericula noctis:  
Quod spatium testis sublimibus, unde cerebrum  
Testa ferit, quoties rimosa, & curta fenestris  
Vasa cadunt; quanto percussū pondere signent,  
Et laedant filicem. Possis ignavus haberi,  
Et subiti casus improvidus, ad coenam si  
Intestatus eas. Adeo tot fata, quot illa  
Nocte patent vigiles, te praetereunte, fenestrae.  
Ergo optes, votumque feras miserabile tecum,  
Ut sint contentae patulas defundere pelveis.

Ebrius ac petulans, qui nullū forte cecidit,  
Dat poenas, noctem patitur lugentis amicum  
Peleidae, cubāt in faciem, mox deinde supinus:  
Ergo non aliter poterit dormire? quibusdam  
Somnum rixa facit: sed, quamvis improbus annis,

Atque mero fervens, cavet hunc, quem coccina laena  
Vitari jubet, & comitum longissimus ordo:

Multum praeterea flammarum, & aenea lampas.

Me, quem Luna solet deducere, vel breve lumen

Candelae, cujus dispenso & tempero filum,

Contemnit. Miserae cognosce prooemia rixae,

Si rixa est, ubi tu pulsas, ego vapulo tantum.

Stat contra, 'starique jubet; parere necesse est.

Nam quid agas: cum te furiosus cogat, & idem

Fortior? unde venis, exclamat? cujus aceto,

Cujus conche tumes? quis tecum festile porrum

Sutor, & elixi vervecis labra comedit?

Nil mihi respondes? aut dic, aut accipe calcem:

Ede, ubi consistas, in qua te quaero profeucha?

Dicere si tentes aliquid, tacitusve recedas,

Tantundem est: feriunt pariter: vadimonia deinde

Irati faciunt. Libertas pauperis haec est:

Pulsatus rogat, & pugnīs concisus adorat,

Ut liceat paucis cum dentibus inde reverti.

Nec tamen haec tantum metuas: nam, qui spoliēt te,

Non deerit, clausis domibus postquam omnis ubique

Fixa catenatae siluit compago tabernae.

Interdum & ferro subitus grassator agit rem,  
Armato quoties tutae custode tenentur  
Et Pomptina palus, & Gallinaria pinus.  
Sic inde huc omnes, tanquam ad vivaria currunt.  
Qua fornace graves, qua non incude catenae?  
Maximus in vinclis ferri modus, ut timeas, ne  
Vomer deficiat, ne marrae, & farcula desint,  
Felices proavorum atavos, felicia dicas  
Secula, quae quondam sub Regibus, atque Tribunis.  
Viderunt uno contentam carcere Romam.

His alias poteram, & plureis subnectere causas:  
Sed jumenta vocant, & sol inclinat: eundum est.  
Nam mihi commota jam dudum mulio virga  
Adnuit: ergo vale nostri memor, & quoties te  
Roma tuo refici properantem reddet Aquino,  
Me quoque ad Helvinam Cererem, vestramque Dianam  
Converte a Cumis: satyrarum ego, ni pudet illas,  
Adjutor gelidos veniam caligatus in agros.





## SATYRA IV.

**E**cce iterum Crispinus, & est mihi saepe, vocandus  
Ad parteis, monstrum nulla virtute redemptum  
A vitiis, aeger, solaque libidine fortis :  
Delicias viduae tantum spernatur adulter.  
Quid refert igitur, quantis jumenta fatiget  
Porticibus, quanta nemorum vestetur in umbra,  
Jugera quot vicina foro, quas emerit aedes?  
NEMO<sup>1</sup> malus felix; minime corruptor, & idem  
Incestus, cum quo nuper vittata jacebat  
Sanguine adhuc vivo terram subitura sacerdos.  
Sed nunc de factis levioribus, & tamen alter  
Si fecisset idem, caderet sub iudice morum.  
Nam quod turpe bonis, Titio Sejoque; decebat  
Crispinum. Quid agas: cum dira, & foedior omni  
Crimine persona est? Mullum sex millibus emit,  
Aequantem sane paribus sestertia libris,  
Ut perhibent, qui de magnis majora loquuntur.  
Consilium laudo artificis, si munere tanto  
Praecipuam in tabulis ceram senis abstulit orbi.

Est

Est ratio ulterior, magnae si misit amicae,  
Quæ vehitur clauso latis specularibus antro.  
Nil tale exspectes: emit sibi. Multa videmus,  
Quæ, miser & frugi, non fecit Apicius: hoc tu  
Succinctus patria quondam, Crispine, papyro.  
Hoc pretio squamæ? potuit fortasse minoris  
Piscator, quam piscis, emi. Provincia tanti  
Vendit agros: sed majores Apulia vendit.  
Qualeis tunc epulas ipsum glutisse putamus  
Induperatorem? cum, tot sestertia, partem  
Exiguam, & modicæ sumtam de margine coenæ  
Purpureus magni ructarit scurra Palati;  
Jam princeps equitum, magna qui voce solebat  
Vendere municipales pacta mercede siluros!  
Incipe Caliope, licet & confidere: non est  
Cantandum, res vera agitur. Narrate puellæ  
Pierides: prosit mihi vos dixisse puellas.

Cum jam semianimum laceraret Flavius orbem  
Ultimus, & calvo serviret Roma Neroni,  
Incidit Adriaci spatium admirabile rhombi  
Ante domum Veneris, quam Dorica sustinet Ancon,  
Implevitque sinus: neque enim minor hæserat illis,

Quos operit glacies Maeotica, ruptaque tandem  
Solibus effundit torpentis ad ostia ponti  
Desidia tardos, & longo frigore pinguis.  
Destinat hoc monstrum cymbae linique magister  
Pontifici summo. Quis enim proponere talem,  
Aut emere auderet? cum plena & littora multo  
Delatore forent: dispersi protinus algae  
Inquisitores agerent cum remige nudo,  
Non dubitaturi fugitivum dicere piscem,  
Depastumque diu vivaria Caesaris: inde  
Elapsum veterem ad dominum debere reverti?  
Si quid Palfurio, si credimus Armillato,  
Quidquid conspicuum, pulcrumque est aequore toto,  
Res fisci est, ubicunque natat: donabitur ergo,  
Ne pereat, jam lethifero cedente pruinis  
Autumno: jam quartanam sperantibus aegris.  
Stridebat deformis hiems, praedamque recentem  
Servabat: tamen hic properat, velut urgeat Auster.  
Utque lacus suberant, ubi, quanquam diruta, servat  
Ignem Trojanum, & Vestam colit Alba minorem,  
Obstitit intranti miratrix turba parumper,  
Ut cessit: facili patuerunt cardine valvae.

Exclusi spectant admissa opsonia patres.  
Itur ad Atreidem. Tum Picens: accipe, dixit,  
Privatis majora focus; genialis agatur  
Iste dies, propera stomachum laxare faginis,  
Et tua servatum consume in secula rhombum.  
Ipse capi voluit. Quid apertius? & tamen illi  
Surgebant cristae. NIHIL est, quod credere de se  
Non possit, cum laudatur Dis aequa potestas.  
Sed deerat pisci patinae mensura. Vocantur  
Ergo in consilium proceres, quos oderat ille;  
In quorum facie miserae, magnaeque sedebat  
Pallor amicitiae. Primus, clamante Liburno:  
Currite: jam sedit; rapta properabat abolla  
Pegasus, attonitae positus modo villicus Urbi:  
Anne aliud tunc Praefecti? quorum optimus, atque  
Interpres legum sanctissimus, omnia quanquam  
Temporibus diris tractanda putabat inermi  
Iustitia. Venit & Crispi jucunda senectus,  
Cujus erant mores, qualis facundia, mite  
Ingenium. Maria, ac terras, populosque regenti  
Quis comes utilior; si clade, & peste sub illa  
Saevitiam damnare, & honestum afferre liceret

Consilium? sed quid violentius aure tyranni:

Cum quo de pluviis, aut aestibus, aut nimboſo

Verè locuturì fatum pendebat amici?

Ille igitur nunquam direxit brachia contra

Torrentem, nec civis erat, qui libera poſſet

Verba animi proferre, & vitam impendere vero.

Sic multas hiemes, atque octogefima vidit

Solstitia. His armis, illa quoque tutus in aula,

Proximus ejusdem properabat Acilius aevi

Cum juvene, indigno, quem mors tam faeva maneret,

Et domini gladiis tam festinata: sed olim

Prodigio par est cum nobilitate senectus:

Unde fit, ut malim fraterculus esse Gigantis.

Profuit ergo nihil misero, quod cominus urſos

Figebat Numidas, Albana nudus arena

Venator. Quis enim jam non intelligat ærteis

Patricias? quis priscum illud miratur acumen,

Brute, tuum? facile est barbato imponere regi.

Nec melior vultu, quamvis ignobilis, ibat

Rubrius, offensæ veteris reus, atque tacendæ,

Et tamen improbior satyram scribente cinaedo.

Montani quoque venter adest abdomine tardus,

Et matutino ludans Crispinus amomó,  
Quantum vix redolent duo funera. Saevior ille  
Pompejus tenui jugulos aperire fufurro,  
Et, qui vulturibus servabat viscera Dacis,  
Fuscus, marmorea meditatus praelia villa:  
Et cum mortifero prudens Vejento Catullo,  
Qui nunquam visae flagrabat amore puellae:  
Grande & conspicuum nostro quoque tempore mon-  
strum!

Coecus adulator; dirusque a ponte satelles,  
Dignus Aricinos qui mendicaret ad axeis,  
Blandaue devexae jactaret basia rhedae.  
Nemo magis rhombum stupuit: nam plurima dixit  
In laevum conversus: at illi dextra jacebat  
Bellua: sic pugnas Cilicis laudabat, & ictus,  
Et pegma, & pueros inde ad velaria raptos.  
Non cedit Vejento: sed, ut fanaticus, oestro  
Percussus, Bellona, tuo divinat, &, ingens  
Omen habes, inquit, magni, clarique triumphi.  
Regem aliquem capies, aut de temone Britanno  
Excidet Arviragus. Peregrina est bellua. Cernis  
Erectas in terga fudes? hoc defuit unum

Fabricio, patriam ut rhombi memoraret, & annos.

Quidnam igitur censes? conciditur? Absit ab illo

Dedecus hoc, Montanus ait. Testa alta paretur,

Quae tenui muro spatiosum colligat orbem.

Debetur magnus patinae subitusque Prometheus.

Argillam, atque rotam citius properate: sed ex hoc

Tempore jam, Caesar, figuli tua castra sequantur.

Vicit digna Viro sententia: noverat ille

Luxuriam imperii veterem, nocteisque Neronis

Jam medias, aliamque famem, cum pulmo Falerno

Arderet. Nulli major fuit usus edendi

Tempestate mea. Circeis nata forent, an

Lucrinum ad saxum, Rutupinove edita fundo

Ostrea, callebat primo deprendere morsu;

Et semel adspecti littus dicebat echini.

Surgitur, & misso procures exire jubentur

Concilio, quos Albanam Dux magnus in arcem

Traxerat attonitos, & festinare coactos,

Tanquam de Cattis aliquid, torvisque Sicambriis

Dicturus, tanquam & diversis partibus orbis

. Anxia praecipiti venisset epistola pinna.

Atque utinam his potius nugis tota illa dedisset

Tempora faevitiae, claras quibus abstulit Urbi,  
Illustresque animas impune, & vindice nullo!  
Sed periit, postquam cerdonibus esse timendus  
Cooperat: hoc nocuit Lamiarum caede madenti.

---

## SATYRA V.

Si te propositi nondum pudet, atque eadem est mens,  
Ut bona summa putes, aliena vivere quadra;  
Si potes illa pati, quae nec Sarmentus iniquas  
Caesaris ad mensas, nec vilis Galba tulisset,  
Quamvis jurato metuum tibi credere testi.  
Ventre nihil novi frugalius: hoc tamen ipsum  
Defecisse puta, quod inani sufficit alvo.  
Nulla crepido vacat: nusquam pons, & tegetis pars,  
Dimidia brevior. Tantine injuria coenae?  
Tam jejuna fames? quin poscis? honestius illic  
Et tremere, & fordes farris mordere canini.  
Primo fige loco, quod tu discumbere jussus  
Mercedem solidam veterum capis officiorum.  
Fructus amicitiae magnae, cibus: imputat hunc rex,



Et, quamvis rarum, tamen imputat. Ergo duos post

Si libuit menſeis neglectum adhibere clientem,

Tertia ne vacuo ceſſaret culcita lecto:

Una ſimus, ait. Votorum ſumma: quid ultra

Quaeris? habet Trebius, propter quod rumpere  
ſomnum

Debeat, & ligulas dimittere, ſollicitus, ne

Tota ſalutatrix jam turba peregerit orbem

Sideribus dubiis, aut illo tempore, quo ſe

Frigida circumagunt pigri ferraca Bootae.

Qualis coena tamen? vinum, quod ſuccida nolit

Lana pati: de conviva Corybanta videbis.

Jurgia proludunt: ſed mox & pocula torques

Saucius, & rubra deterges vulnera mappa.

Inter vos quoties, libertorumque cohortem

Pugna Saguntina fervet commiſſa lagena:

Ipſe capillato diffuſum conſule potat,

Calcatamque tenet bellis ſocialibus uvam,

Cardiaco nunquam cyathum miſſurus amico.

Cras bibet Albanis aliquid de montibus, aut de

Setinis, cujus patriam, titulumque ſenectus

Delevit multa veteris fuligine teſtae:

Quale coronati Thrasea Helvidiusque bibebant,  
Brutorum & Cassi natalibus. Ipse capaces  
Heliadum crustas, & inaequalis beryllo  
Virro tenet phialas: tibi non committitur aurum;  
Vel, si quando datur, custos affixus ibidem,  
Qui numeret gemmas, ungueisque observet acutos.  
Da veniam: praeclara ille laudatur jaspis.  
Nam Virro, ut multi, gemmas ad pocula transfert  
A digitis, quas in vaginae fronte solebat  
Ponere Zelotypo juvenis praelatus Hiarbae.  
Tu Beneventani futoris nomen habentem  
Siccabis calicem nasorum quatuor, ac jam  
Quassatum, & rupto poscentem sulfura vitro,  
Si stomachus Domini fervet vinoque, ciboque:  
Frigidior Geticis petitur decocta pruinis.  
Non eadem vobis poni modo vina querebar:  
Vos aliam potatis aquam. Tibi pocula curfor  
Gaetulus dabit, aut nigri manus ossea Mauri,  
Et cui per mediam nolis occurrere noctem,  
Clivosae veheris dum per monumenta Latinae.  
Flos Asiae ante ipsum precio majore paratus,  
Quam fuit & Tulli census pugnacis, & Anci:

Et, ne te teneam, Romanorum omnia regum  
Frivola. Quod cum ita sit, tu Gaetulum Ganymedem  
Respice, cum sities. Nescit tot millibus emptus  
Pauperibus miscere puer: sed forma, sed aetas  
Digna supercilio. Quando ad te pervenit ille?  
Quando vocatus adest calidae gelidaeque minister?  
Quippe indignatur veteri parere clienti,  
Quodque aliquid poscas, & quod se stante recumbas.  
MAXIMA quaeque domus servis est plena superbis.  
Ecce aliis quanto porrexit murmurē panem  
Vix fractum, solidae jam mucida frusta farinae,  
Quae genuinum agitent non admittentia morsum.  
Sed tener, & niveus, mollique filigine factus  
Servatur domino. Dextram cohibere memento.  
Salva sit artoptae reverentia: finge tamen te  
Improbulum, superest illic, qui ponere cogat.  
Vis tu consuetis audax conviva canistris  
Impleri, panisque tui novisse colorem?  
Scilicet hoc fuerat, propter quod, saepe relicta  
Conjuge, per montem adversum gelidasque cucurri  
Esquillas, fremeret saeva cum grandine vernus  
Jupiter, & multo stillaret paenula nimbo!

Adspice, quàm longo distendat pectore lancem,  
Quae fertur domino, squilla, & quibus undique septa  
Asparagis, qua despiciat convivia cauda,  
Cum venit excelsi manibus sublata ministri.  
Sed tibi dimidio constrictus cammarus ovo  
Ponitur, exigua feralis coena patella.  
Ipse Venafrano piscem perfundit: at hic, qui  
Pallidus adfertur misero tibi caulis, olebit  
Laternam: illud enim vestris datur alveolis, quod  
Canna Micipsarum prora subvexit acuta;  
Propter quod Romae cum Bocchare nemo lavatur,  
Quod tutos etiam facit a serpentibus Afros.  
Mullus erit domini, quem misit Corsica, vel quem  
Tauromenitanae rupes, quando omne peractum est,  
Et jam defecit nostrum mare, dum gula saevit  
Retibus assiduis penitus scrutante macello  
Proxima, nec patimur Tyrrhenum crescere piscem.  
Instruit ergo focum provincia: sumitur illinc  
Quod captator emat Lenas, Aurelia vendat.  
Virroni muraena datur, quae maxima venit  
Gurgite de Siculo: nam, dum se continet Auster,  
Dum sedet, & siccat madidas in carcere pennas,

Contemnunt mediam temeraria lina Charybdim.  
Vos anguilla manet longae cognata colubrae,  
Aut glacie aspersus maculis Tiberinus, & ipse  
Vernula riparum pinguis torrente cloaca,  
Et solitus mediae cryptam penetrare Suburae.  
Ipsi pauca velim, facilem si praebeat aurem;  
Nemo petit, modicis quae mittebantur amicis  
A Seneca, quae Piso bonus, quae Cotta solebat  
Largiri: namque & titulis, & fascibus olim  
Major habebatur donandi gloria: solum  
Poscimus, ut coenes civiliter. Hoc face, & esto,  
Esto, ut nunc multi, dives tibi, pauper amicis.  
Anseris ante ipsum magni jecur, anseribus par  
Altilis, & flavi dignus ferro Meleagri  
Fumat aper: post hunc tradentur tubera, si ver  
Tunc erit, & facient optata tonitrua coenas  
Majores: tibi habe frumentum, Alledius inquit,  
O Libye; disjunge boves, dum tubera mittas.  
Structorem interea, ne qua indignatio desit,  
Saltantem spectes, & cheironomonta volanti  
Cultello, donec peragat dictata magistri  
Omnia; nec minimo sane discrimine refert,

Quo gestu lepores, & quo gallina fecetur.  
Ducris planta, velut ictus ab Hercule Cacus,  
Et ponere foris, si quid tentaveris unquam  
Hiscere, tanquam habeas tria nomina. Quando pro-  
pinat

Virro tibi, sumitque tuis contacta labellis  
Pocula? quis vestrûm temerarius usque adeo, quis  
Perditus, ut dicat regi, bibe? PLURIMA sunt, quae  
Non audent homines pertusa dicere laena.  
Quadringenta tibi si quis Deus, aut similis Dis  
Et melior fatis donaret homuncio: quantus  
Ex nihilo fieres, quantus Virronis amicus!  
Da Trebio, pone ad Trebium. Vis frater ab ipsis  
Illibus? o nummi, vobis hunc praestat honorem,  
Vos estis fratres. Dominus tamen, & domini rex  
Si vis tu fieri, nullus tibi parvulus aula  
Luserit Aeneas, nec filia dulcior illo:  
Jucundum, & carum sterilis facit uxor amicum.  
Sed tua nunc Mycale pariat licet, & pueros treis  
In gremium patris fundat simul; ipse loquaci  
Gaudebit nido: viridem thoraca jubebit  
Auferrî, minimasque nuces, assemque rogatum,

Ac mensam, quoties parasitus venerit infans.  
Vilibus ancipites fungi ponentur amicis,  
Boletus domino: sed qualeis Claudius edit  
Ante illum uxoris, post quem nil amplius edit.  
Virro sibi, & reliquis Virronibus illa jubebit  
Poma dari, quorum solo pascaris odore:  
Qualia perpetuus Phaeacum autumnus habebat,  
Credere quae possis surrepta sororibus Afris:  
Tu scabie frueris malî, quod in aggere rodit,  
Qui tegitur parma, & galga, metuensque flagelli  
Discit ab hirsuta jaculum torquere capella.  
Forsitán impensae Virronem parcere credas:  
Hoc agit, ut doleas. Nam quae comoedia, mimus  
Quis melior plorante gula? ergo omnia fiunt,  
Si nescis, ut per lacrymas effundere bilem  
Cogaris, pressoque diu stridere molari.  
Tu tibi liber homo, & regis conviva videris:  
Captum te nidore suae putat ille culinae:  
Nec male conjectat. Quis enim tam nudus, ut illum  
Bis ferat, Etruscum puero si contigit aurum,  
Vel nodus tantum, & signum de paupere loro?  
Spes bene coenandi vos decipit. Ecce dabit jam

Semefum leporem, atque aliquid de clunibus apri.  
Ad nos jam veniet minor altilis; inde parato,  
Intactoque omnes & stricto pane tacetis.  
Ille sapit, qui te sic utitur: omnia ferre  
Si potes, & debes; pulsandum vertice raso  
Praebebis quandoque caput, nec dura timebis  
Flagra pati, his epulis, & tali dignus amico.

---

## S A T Y R A VI.

Credo pudicitiam Saturno rege moratam  
In terris, visamque diu: cum frigida parvas  
Praeberet spelunca domos; ignemque, Laremque,  
Et pecus, & dominos communi clauderet umbra:  
Silvestrem montana torum cum sterneret uxor  
Frondis & culmo, vicinarumque ferarum  
Pellibus: haud similis tibi, Cynthia, nec tibi, cujus  
Turbavit nitidos extinctus passer ocellos:  
Sed potanda ferens infantibus ubera magnis,  
Et saepe horridior glandem ructante marito.  
Quippe aliter tunc erbe novo, coeloque recenti



Vivebant homines: qui ruptò robore nati,  
Compositive luto nullos habuere parentes.  
Multa pudicitiae veteris vestigia forsan,  
Aut aliqua exstiterint, & sub Jove; sed Jove nondum  
Barbato, nondum Graecis jurare paratis  
Per caput alterius, cum furem nemo timeret  
Caulibus, & pomis; sed aperto viveret horto.  
Paullatim deinde ad Superos Astraea recessit,  
Hac comite atque duae pariter fugere sorores.  
Antiquum & vetus est alienum, Posthume, lectum  
Concutere, atque sacri genium contemnere fulcri.  
Omne aliud crimen mox ferrea protulit aetas.  
Viderunt primos argentea saecula moechos.  
Conventum tamen, & pactum, & sponsalia nostra  
Tempestate paras, jamque a tonsore magistro  
Pectus, & digito pignus fortasse dedisti.  
Certe sanus eras! uxorem, Posthume, ducis?  
Dic, qua Tisiphone, quibus exagitare colubris?  
Ferre potes dominam salvis tot testibus ullam,  
Cum pateant altae caligantesque fenestrae:  
Cum tibi vicinum se praebeat Aemilius pons?  
Aut si de multis nullus placet exitus, illud

Nonne

Nonne putas melius, quod tecum pufio dormit;  
Pufio, qui noctu non litigat, exigit a te  
Nulla jacens illic munuscula, nec queritur, quod  
Et lateri parcas, nec, quantum jussit, anheles.  
Sed placet Urfidio lex Julia: tollere dulcem  
Cogitat haeredem cariturus turture magno,  
Mullorumque jubis, & captatore macello.  
Quid fieri non posse putes, si jungitur ulla  
Urfidio? si moechorum notissimus olim  
Stulta maritali jam porrigit ora capistro;  
Quam toties texit perituri cista Latini:  
Quid, quod & antiquis uxor de moribus illi  
Quaeritur? o medici, mediam pertundite venam:  
Delicias hominis! Tarpejum limen adora  
Pronus, & auratam Junoni caede juvencam,  
Si tibi contigerit capitis matrona pudici.  
Paucae adeo Cereris vittas contingere dignae,  
Quarum non timeat pater oscula. Necte coronam  
Postibus, & denfos per limina tende corymbos.  
Unus Iberinae vir sufficit? ocys illud  
Extorquebis, ut haec oculo contenta sit uno.  
Magna tamen fama est cujusdam rure paterno

Viventis: vivat Gabiis, ut vixit in agro:

Vivat Fidenis, & agello cedo paterno.

Quis tamen affirmat, nil actum in montibus, aut in  
Speluncis? adeo senuerunt Jupiter & Mars?

Porticibusne tibi monstratur foemina voto  
Digna tuo? cuneis an habent spectacula totis  
Quod securus ames, quodque inde excerpere possis?  
Cheironomon Ledam molli saltante Bathyllo  
Tuccia vesicae non imperat: Appula gannit,  
Sicut in amplexu: subitum, & miserabile, longum  
Attendit Thymele; Thymele tunc rustica discit.  
Ast aliae, quoties aulaea recondita cessant,  
Et vacuo clausoque sonant fora sola theatro  
Atque a Plebejis longe Megalesia; tristes  
Personam, thyrsūque tenent, & subligar Acci.  
Urbibus exodio risum movet Atellanae  
Gestibus Autonoes; hunc diligit Aelia pauper.  
Solvitur his magno Comœdi fibula; sunt, quae  
Chrysgonum cantare verent. Hispulla tragoedo  
Gaudet; an exspectas, ut Quintilianus ametur?  
Accipis uxorem, de qua citharoedus Echion,  
Aut Glaphyrus fiat pater, Ambrosiusque choraules.

Longa per angustos figamus pulpita vicos:  
Ornentur postes, & grandi janua lauro,  
Ut testudineo tibi, Lentule, conopeo  
Nobilis Euryalum mirmillonem exprimat infans.  
Nupta senatori comitata est Hippiæ Ludium  
Ad Pharon, & Nilum, famosæque moenia Lagi,  
Prodigia & mores Urbis damnante Canopo.  
Immemor illa domus, & conjugis, atque sororis  
Nil patriæ indulget; plorantibusque improba gnatos,  
Utque magis stupeas, ludos Paridemque reliquit.  
Sed, quanquam in magnis opibus, plumaque paterna  
Et segmentatis dormisset parvula cunis,  
Contempsit pelagus; famam contemserat olim,  
Cujus apud molleis minima est jactura cathedras.  
Tyrrhenos igitur fluctus, lateque sonantem  
Pertulit Jonium constanti pectore, quamvis  
Mutandum toties esset mare. Justa pericli  
Si ratio est, & honesta; timent, pavidoque gelantur  
Pectore, nec tremulis possunt insistere plantis:  
Fortem animum præstant rebus, quas turpiter audent.  
Si jubeat conjux; durum est conscendere navim,  
Tunc sentina gravis, tunc summus vertitur aer:

Quae moechum sequitur, stomacho valet. Illa maritum  
Convomit: haec inter nautas & prandet, & errat  
Per puppem, & duros gaudet tractare rudenteis.  
Qua tamen exarsit forma, qua capta juventa  
Hippia? quid vidit, propter quod Ludia dici  
Sustinuit? nam Sergiolus jam radere guttur  
Cooperat, & festo requiem sperare laerto.  
Praeterea multa in facie deformia; sicut  
Attritus galea, mediisque in naribus ingens  
Gibbus, & acre malum semper stillantis ocelli.  
Sed gladiator erat; facit hoc illos Hyacinthos:  
Hoc pueris, patriaeque, hoc praetulit illa forori,  
Atque viro; ferrum est, quod amant; hic Sergius idem  
Accepta rude coepisset Vejento videri.  
Quid privata domus, quid fecerit Hippia curas?  
Respice rivaleis Divorum: Claudius audi  
Quae tulerit. Dormire virum cum senserat uxor,  
Ausâ Palatino tegetem praeferre cubili,  
Sumere nocturnos meretrix Augusta cucullos,  
Linquebat comite ancilla non amplius una;  
Sed, nigrum flavo crinem abscondente galero,  
Intravit calidum veteri centone lupanar,

Et cellam vacuam, atque suam; tunc nuda papillis  
 Constitit auratis, titulum mentita Lyciscae,  
 Ostenditque tuum, generose Britannice, ventrem.  
 Excepit blanda intranteis, atque aera poposcit;  
 Et resupina jacens multorum absorbuit ictus.  
 Mox, lenone suas jam dimittente puellas,  
 Tristis ablit: &, quod potuit, tamen ultima cellam  
 Clausit, adhuc ardens rigidae tentigine vulvae,  
 Et lassata viris, necdum fatiata recessit:  
 Obscurisque genis turpis, fumoque lucernae  
 Foeda lupanaris tulit ad pulvinar odorem.  
 Hippomanes, carmenque loquar, coctumque venenum,  
 Privignoque datum? faciunt graviora coactae  
 Imperio sexus, minimumque libidine peccant.  
 Optima sed quare Cefennia, teste marito?  
 Bis quingenta dedit, tanti vocat ille pudicam,  
 Nec Veneris pharetris macer est, aut lampade fervet:  
 Inde faces ardent, veniunt a dote sagittae.  
 Libertas emitur: coram licet innuat, atque  
 Rescribat, vidua est, locuples quae nupsit avaro.  
 Cur desiderio Bibulae Sertorius ardet?  
 Si verum excutias, facies, non uxor amatur.

Tres rugae subeant, & se cutis arida laxet,  
Fiant obscuri dentes, oculique minores  
Collige sarcinulas, dicet libertus, & exi:  
Jam gravis es nobis, & saepe emungeris, exi  
Ocyus, & propera: sicco venit altera naso.  
Interea calet, & regnat, poscitque maritum  
Pastores, & ovem Canusinam, ulmosque l'alernas.  
Quantulum in hoc? pueros omneis, ergastula tota,  
Quodque domi non est, & habet vicinus, ematur.  
Mense quidem brumae, quo jam mercator Jason  
Clausus, & armatis obstat casa candida nautis,  
Grandia tolluntur crySTALLINA, maxima rursus  
Myrrhina, deinde adamas notissimus, & Beronices  
In digito factus preciosior: hunc dedit olim  
Barbarus incestae, dedit hunc Agrippa forori,  
Observant ubi festa mero pede sabbata reges,  
Et vetus indulget senibus clementia porcis.

Nullane de tantis gregibus tibi digna videtur?  
Sit formosa, decens, dives, foecunda, vetustos  
Porticibus disponat avos, intactior omni  
Crinibus effusis bellum dirimente Sabina:  
Rara avis in terris, nigroque simillima cygno.

Quis feret uxorem, cui constant omnia? malo,  
Malo Venusinam, quam te, Cornelia mater  
Gracchorum; si cum magnis virtutibus adfers  
Grande supercilium, & numeras in dote triumphos.  
Tolle tuum, precor, Hannibalem, victumque Syphacem  
In castris, & cum tota Carthagine migra.

Parce, precor, Paeon, & tu dea pone sagittas.

Nil pueri faciunt, ipsam configite matrem!

Amphion clamat: sed Paeon contrahit arcum.

Extulit ergo greges natorum, ipsumque parentem,

Dum sibi nobilior Latonae gente videtur,

Atque eadem scrofa Niobe foecundior alba.

Quae tanti gravitas, quae forma, ut se tibi semper

Imputet? hujus enim rari, summiq; voluptas

Nulla boni, quoties animo corrupta superbo

Plus aloes, quam mellis habet. Quis deditus autem

Usque adeo est, ut non illam, quam laudibus effert,

Horreat, inque diem septenis oderit horis?

Quaedam parva quidem: sed non toleranda maritis.

Nam quid rancidius, quam quod se non putat ulla

Formosam, nisi quae de Tusca Graecula facta est?

De Sulmonensi mera Cecropis? omnia Graece,



Cum sit turpe magis nostris nescire Latinae.

Hoc sermone pavent, hoc iram, gaudia, curas,

Hoc cuncta effundunt animi secreta; quid ultra?

Concumbunt Graece; dones tamen ista puellis:

Tunc etiam, quam sextus & octogesimus annus

Pulsat, adhuc Graece? non est hic sermo pudicus

In vetula, quoties lascivum intervenit illud:

ΖΩΗ ΚΑΙ ΨΥΧΗ· modo sub lodece relictis

Uteris in turba. Quod enim non excitet inguen

Vox blanda, & nequam? digitos habet; ut tamen omnes

Subsidant pennae; dicas haec mollius Aemo,

Quanquam & Carpophoro; facies tua computat annos.

Si tibi legitimis pactam junctamque tabellis

Non es amaturus; ducendi nulla videtur

Causa: nec est, quare coenam, & mustacea perdas,

Labente officio, crudis donanda: nec illud,

Quod prima pro nocte datur; cum lance beata

Dacicus, & scripto radiat Germanicus auro.

Si tibi simplicitas uxoria, deditus uni

Est animus: summitte caput, cervice parata

Ferre jugum: nullam invenies, quae parcat amanti.

Ardeat ipsa licet, tormentis gaudet amanti,

Et spoliis. Igitur longe minus utilis illi  
Uxor, quisquis erit bonus optandusque maritus.  
Nil unquam invita donabis conjuge: vendes  
Hac obstante nihil: nihil, haec si nolet, emetur.  
Hac dabit affectus: ille excludatur amicus  
Jam senior, cujus barbam tua janua vidit.  
Testandi cum sit lenonibus, atque lanistis  
Libertas, & juris idem contingat arenae;  
Non unus tibi rivalis dictabitur haeres.  
Pone crucem servo; meruit quo crimine servus  
Supplicium? quis testis adest? quis detulit? audi,  
Nulla unquam de morte hominis cunctatio longa est.  
O demens, ita servus homo est? nil fecerit, esto.  
Hoc volo, sic jubeo, sit pro ratione voluntas.

Imperat ergo viro: sed mox haec regna relinquit,  
Permutatque domos, & flammae conterit: inde  
Advolat, & spreti repetit vestigia lecti.  
Ornatas paullo ante fores, pendentia linquit  
Vela domus, & adhuc virideis in limine ramos.  
Sic crescit numerus; sic fiunt octo mariti,  
Quinque per autumnos: titulo res digna sepulcri.  
Desperanda tibi salva concordia secru:

Illa docet spoliis nudi gaudere mariti:  
Illa docet, missis a corruptore tabellis,  
Nil rude, nec simplex rescribere: decipit illa  
Custodes, aut aere domat: tunc corpore sano  
Advocat Archigenem, onerosaque pallia jactat.  
Abditus interea latet arcessitus adulter,  
Impatientsque morae filet & praeputia ducit.  
Scilicet exspectas, ut tradat mater honestos,  
Atque alios mores, quam quos habet? utile porro  
Filiolam turpi vetulae producere turpem.

Nulla fere causa est, in qua non foemina litem  
Moverit; accusat Manilia, si rea non est.  
Componunt ipsae, per se, formantque libellos,  
Principium atque locos Celso dictare paratae.

Endromidas Tyrias, & foemineum ceroma  
Quis nescit? vel quis non vidit vulnera pali?  
Quem cavat assiduis fudibus, scutoque laceffit,  
Atque omneis implet numeros, dignissima prorsus  
Florali matrona tuba; nisi, si quid in illo  
Pectore plus agitet, veraeque paratur arenae.  
Quem praestare potest mulier galeata pudorem,  
Quae fugit a sexu? vires amat; haec tamen ipsa.

Vir nollet fieri; nam quantula nostra voluptas!  
Quale decus rerum, si conjugis auctio fiat,  
Balteus, & manicae, & cristae, crurisque sinistri  
Dimidium tegmen: vel si diversa movebit  
Praelia, tu felix ocreas vendente puella.  
Hae sunt, quae tenui sudant in cyclade, quarum  
Delicias & panniculus bombycinus urit.  
Adspice, quo fremitu monstratos perferat ictus,  
Et quanta galeae curetur pondere, quanta  
Poplitibus sedeat, quam denso fascia libro,  
Et ride, positis scaphium cum sumitur armis.  
Dicite vos neptes Lepidi, coecive Metelli,  
Gurgitis aut Fabii, quae ludia sumserit unquam  
Hos habitus? quando ad palum gemat uxor Asylli?  
Semper habet liteis, alternaque jurgia lectus,  
In quo nupta jacet; minimum dormitur in illo.  
Cum gravis illa viro, tunc orba tigride peior.  
Cum simulat gemitus occulti conscia facti,  
Aut odit pueros, aut ficta pellice plorat  
Uberibus semper lacrymis, semperque paratis  
In statione sua, atque exspectantibus illam,  
Quo jubeat manare modo: tu credis amorem,

Tu tibi tunc curruca places, fletumque labellis  
Exforbes; quae scripta, & quas lecture tabellas,  
Si tibi zelotypae retegantur scrinia moechae!  
Sed jacet in fervi complexibus, aut equitis; dic,  
Dic aliquem, sodes, heic Quintiliane colorem.  
Haeremus; dic ipsa: olim convenerat, inquit,  
Ut faceres tu, quod velles: nec non ego possem  
Indulgere mihi: clames licet, & mare coelo  
Confundas, homo sum. Nihil est audacius illis  
Deprensus: iram, atque animos a crimine sumunt.  
Unde haec monstra tamen, vel quo de fonte requiris?  
PRAESTABAT castas humilis fortuna Latinas  
Quondam, nec vitiis contingi parva sinebant  
Testa labor, somnique breves, & vellere Tusco  
Vexatae duraeque manus, ac proximus Urbi  
Hannibal, & stantes Collina turre mariti.  
Nunc patimur longae pacis mala: saevior armis  
Luxuria incubuit, victumque ulciscitur orbem.  
Nullum crimen abest, facinusque libidinis, ex quo  
Paupertas Romana perit: hinc fluxit ad istos,  
Et Sybaris colleis: hinc & Rhodos, & Miletos,  
Atque coronatum & petulans madidumque Tarentum.

Prima peregrinos obſcoena pecunia mores  
Intulit: & TURPI fregerunt ſecula luxu  
Divitiae molles. Quid enim Venus ebria curat?  
Inguinis, & capitis quae ſint discrimina, neſcit;  
Grandia quae mediis jam noctibus oſtrea mordet,  
Cum perfuſa mero ſpumant unguenta Falerno,  
Cum bibitur concha, cum jam vertigine teſtum  
Ambulat, & geminis exſurgit menſa lucernis.  
I nunc, & dubita, qua ſorbeat aëra ſanna,  
Tullia quid dicat notae Collacia Maurae,  
Maura Pudicitiae veterem cum praeterit aram.  
Noctibus heic ponunt lecticas, miſturiunt heic,  
Effigiemque deae longis ſiphonibus implent,  
Inque vices equitant, ac luna teſte moventur.  
Inde domos abeunt: tu calcas luce reverſa  
Conjugis urinam magnos viſurus amicos.  
Nota Bonae ſecteta deae, cum tibia lumbos  
Incitat, & cornu pariter vinoque feruntur  
Attonitae, crinemque rotant, ululantque Priapi  
Maenades. O quantus tunc illis mentibus ardor  
Concubitus! quae vox ſaltante libidine? quantus  
Ille meri veteris per crura madentia torrens!

Lenonum ancillas posita Saufeja corona  
Provocat, attollit pendentis praemia coxae.  
Ipsa Medullinae fluctum crissantis 'adorat.  
Palnam inter dominas virtus natalibus aequat.  
Nil ibi per ludum simulabitur: omnia fient  
Ad verum, quibus incendi jam frigidus aevo  
Laomedontiades, & Nestoris hernia possit.  
Tunc prurigo morae impatiens, tunc foemina simplex,  
Et toto pariter repetitus clamor ab antro:  
Jam fas est; admitte viros; jam dormit adukter.  
Illa jubet sumto juvenem properare cucullo.  
Si nihil est, fervis incurritur; abstuleris spem  
Servorum, venit & conductus aquarius; hic si  
Quaeritur, & desunt homines: mora nulla per ipsam,  
Quo minus imposito clunem summittat asello.  
Atque utinam ritus veteres, & publica saltem  
His intacta malis agerentur sacra: sed omnes  
Noverunt Mauri, atque Indi, quae psalteria penem  
Majorem, quam sunt duo Caesaris Anticatones,  
Illuc, testiculi sibi conscius unde fugit mus,  
Intulerit, ubi velari pictura jubetur,  
Quaecunque alterius sexus imitata figuram est.

Et quis tunc hominum contemtor numinis? aut quis  
Sympuvium ridere Numae, nigrumque catinum,  
Et Vaticano fragileis de monte patellas  
Ausus erat? sed nunc ad quas non Clodius aras?

Audio, quid veteres olim moneatis amici:  
Pone seram: cohibe; sed quis custodiet ipsos  
Custodes? cauta est, & ab illis incipit uxor.  
Jamque eadem summis pariter minimisque libido,  
Nec melior, filicem pedibus quae conterit atrum,  
Quam quae longorum vehitur cervice Syrorum.

Ut spectet ludos, conducit Ogulnia vestem,  
Conducit comites, fellam, cervical, amicas,  
Nutricem, & flavam, cui det mandata, puellam.  
Haec tamen argenti superest quodcunque paterni  
Laevibus athleticis, ac vasa novissima donat.  
Multis res angusta domi: sed nulla pudorem  
Paupertatis habet, nec se metitur ad illum,  
Quem dedit haec, posuitque modum; tamen utile  
quid sit.

Prospiciunt aliquando viri: frigusque, famemque  
Formica tandem quidam expavere magistra.  
Prodiga non sentit pereuntem foemina censum:



At, velut exhausta redivivus pullulet arca  
 Nummus, & e pleno tollatur semper acervo,  
 Non unquam reputant, quanti sibi gaudia constant.

Sunt, quas eunuchi imbelles, ac mollia semper  
 Oscula delectent, & desperatio barbae,  
 Et quod abortivo non est opus. Illa voluptas  
 Summa tamen, quod jam calida matura juventa  
 Inguina traduntur medicis, jam pestine nigro.  
 Ergo spectatos, ac iustos crescere primum  
 Testiculos, postquam coeperunt esse bilibres,  
 Tonforis damno tantum rapit Heliodorus.  
 Conspicuus longe, cunctisque notabilis intrat  
 Balnea, nec dubie custodem vitis & horti  
 Provocat, a domina factus spado; dormiat ille  
 Cum domina; sed tu jam durum, Posthume, jamque  
 Tundendum eunucho Bromium committere noli.

Si gaudet cantu: nullius fibula durat  
 Vocem videntis praetoribus: organa semper  
 In manibus: densi radiant testudine tota  
 Sardonyches: crispo numerantur pestine chordae,  
 Quo tener Hedymeles operas dedit: hunc tenet, hoc se  
 Solatur, gratoque indulget basia plectro.

Quaedam de numero Lamiarum ac nominis alti,  
Et farre & vino Janum Vestamque rogabat,  
An Capitolinam deberet Pollio quercum  
Sperare, & fidibus promittere; quid faceret plus  
Aegrotante viro? medicis quid tristibus erga  
Filiolum? stetit ante aram, nec turpe putavit  
Pro cithara velare caput: dictataque verba  
Pertulit, ut mos est, & aperta palluit agna.  
Dic mihi nunc, quaeso, dic antiquissime divum,  
Respondes his Jane pater? magna otia coeli,  
Non est, ut video, non est, quod agatur apud vos.  
Haec de comoedis te consulit: illa tragoedum  
Commendare vqlet, varicosus fiet haruspex.

Sed cantet potius, quam totam pervolet urbem  
Audax, & coetus possit quae ferre virorum,  
Cumque paludatis ducibus, praesente marito,  
Ipsa loqui recta facie, strictisque mamillis.  
Haec eadem novit, quid toto fiat in orbe,  
Quid Seres, quid Thraces agant: secreta novercae  
Et pueri: quis amet, quis diripiatur adulter.  
Dicet, quis viduam praegnantem fecerit, & quò  
Mense: quibus verbis concumbat quaeque, modis quot.

Instantem regi Armenio, Parthoque cometën  
Prima videt: famam, rumoresque illa recenteis  
Excipit ad portas: quosdam facit Iffe Niphatem  
In populos, magnoque illic cuncta arva teneri  
Diluvio: nutare urbes, subsidere terras,  
Quocunque in trivio, cuicunque est obvia, narrat.  
Nec tamen id vitium magis intolerabile, quam quæ  
Vicinos humileis rapere, & concidere loris  
Exorata solet; nam si latratibus alti  
Rumpuntur somni: fustes huc ocyus, inquit,  
Adferre, atque illis dominum jubet ante feriri,  
Deinde canem: gravis occurfu, teterrima vultu  
Balnea nocte subit: conchas, & castra moveri  
Nocte jubet: magno gaudet sudare tumultu,  
Cum lassata gravi ceciderunt bracchia massa,  
Callidus & cristæ digitos impressit aliptes,  
Ac summum dominae femur exclamare coëgit.  
Convivæ miseri interea somnoque, fameque  
Urgentur; tandem illa venit rubicundula, totum  
Oenophorum sitiens, plena quod tenditur urna  
Admotum pedibus, de quo sextarius alter  
Ducitur ante cibum, rabidam facturus orexim,

Dum redit, & loto terram ferit intestino.

Marmoribus rivi properant, aurata Falernum

Pelvis olet: nam sic, tanquam alta in dolia longus

Deciderit serpens, bibit, & vomit; ergo maritus

Nauseat, atque oculis bilem substringit opertis.

Ille tamen gravior, quae cum discumbere coepit,

Laudat Virgilium, periturae ignoscit Elisae,

Committit vates & comparat; inde Maronem,

Atque alia parte in trutina suspendit Homerum.

Cedunt grammatici, vincuntur rhetores, omnis

Turba tacet, nec caussidicus, nec praeco loquatur,

Altera nec mulier; verborum tanta cadit vis:

Tot pariter pelves, tot tintinnabula dicas

Pulsari; jam nemo tubas, nemo aera fatiget:

Una laboranti poterit succurrere lunae.

Imponit finem sapiens & rebus honestis.

Nam quae docta nimis cupit, & facunda videri,

Crure tenuis medio tunicas succingere debet,

Caedere Silvano porcum, quadrante lavari.

Non habeat matrona, tibi quae juncta recumbit,

Dicendi genus, aut curvum sermone rotato

Terqueat enthymema, nec historias sciat omneis:

Sed quaedam ex libris & non intelligat. Odi  
Hanc ego, quae repetit, volvitque Palaemonis artem,  
Servata semper lege & ratione loquendi,  
Ignotosque mihi tenet antiquaria versus,  
Nec curanda viris opicae castigat amicae  
Verba. Soloecismum liceat fecisse marito.

Nil non permittit mulier sibi, turpe putat nil,  
Cum virideis gemmas collo circumdedit, & cum  
Auribus extentis magnos commisit elenchos.  
Intolerabilius nihil est, quam foemina dives.

Interea foeda adspectu, ridendaque multo  
Pane tumet facies, aut pinguis Poppaeanæ  
Spirat, & hinc miseri viscantur labra mariti.  
Ad moechum lota veniunt cute; quando videri  
Vult formosa domi? moechis foliata parantur.  
His emitur, quidquid graciles huc mittitis Indi.  
Tandem aperit vultum, & testoria prima reponit:  
Incipit agnosci, atque illo lacte fovetur,  
Propter quod secum comites educit asellas,  
Exul Hyperboreum si dimittatur ad axem.  
Sed quae mutatis inducitur, atque fovetur  
Tot medicaminibus, coctaeque filiginis offas

Accipit, & facies madidae dicetur, an ulcus?

Est precium curae penitus cognoscere toto  
Quid faciant, agitentque die; si nocte maritus  
Aversus jacuit: periit libraria, ponunt  
Cosmetae tunicas, tarde venisse Liburnus  
Dicitur, & poenas alieni pendere fomni  
Cogitur, hic frangit ferulas, rubet ille flagello,  
Hic scutica: sunt, quae tortoribus annua praestent:  
Verberat, atque obiter faciem linat; audit amicas,  
Aut latum pictae vestis considerat aurum,  
Et caedit; longi relegit transversa diurni,  
Et caedit, donec lassis caedentibus, EXI  
Intonet horrendum, jam cognitione peracta.

Praefectura domus Sicula non mitior aula.  
Nam si constituit, solitoque decentius optat  
Ornari, & properat, jamque expectatur in hortis,  
Aut apud Isiacae potius sacrae lenae;  
Disponit crinem laceratis ipsa capillis  
Nuda humero Pfecas infelix, nudisque mamillis.  
Altior hic quare cincinnus? taurea punit  
Continuo flexi crimen facinusque capilli.  
Quid Pfecas admisit? quaenam est heic culpa puellae,

Si tibi displicuit nasus tuus? altera laevum  
Extendit, pectitque comas, & volvit in orbem.  
Est in consilio matrona, admotaque lanis  
Emerita quae cessat acu: sententia prima  
Hujus erit; post hanc aetate, atque arte minores:  
Censebunt, tanquam famae discrimen agatur,  
Aut animae: tanta est quaerendi cura decoris.  
Tot premit ordinibus, tot adhuc compagibus altum  
Aedificat caput. Andromachen a fronte videbis:  
Post minor est: credas aliam; cedo, si breve parvi  
Sortita est lateris spatium, breviorque videtur  
Virgine Pygmaea, nullis adjuta cothurnis,  
Et levis erecta confurgit ad oscula planta.

Nulla viri cura interea, nec mentio fiet  
Damnorum: vivit tanquam vicina mariti.  
Hoc solo propior, quod amicos conjugis odit.  
Et servos, gravis est rationibus. Ecce furentis  
Bellonae, matrisque Deum chorus intrat, & ingens  
Semivir, obscuro facies reverenda minori,  
Mollia qui rapta secuit genitalia testa  
Jam pridem, cui rauca cohors, cui tympana cedunt  
Plebeja, & Phrygia vestitur bucca tiara;

Grande sonat, metuique jubet Septembris, & Austri  
Adventum, nisi se centum lustraverit ovis,  
Et xerampelinas veteres donaverit ipsi,  
Ut quidquid subiti, & magni discriminis instat,  
In tunicas eat, & totum semel expiet annum.  
Hibernum fracta glacie descendet in amnem,  
Ter matutino Tiberi mergetur, & ipsis  
Vorticibus timidum caput abluet: inde Superbi  
Totum regis agrum nuda ac tremebunda cruentis  
Erepet genibus: si candida jusserit Io,  
Ibit ad Aegypti finem, calidaque petitas  
A Meroe portabit aquas, ut spargat in aedem  
Isidis, antiquo quae proxima surgit ovili.  
Credid enim ipsius dominae se voce moneri:  
En animam & mentem, cum qua DI nocte loquantur!  
Ergo hic praecipuum summumque meretur honorem,  
Qui grege linigero circumdatus, & grege calvo  
Plangentis populi currit derisor Anubis.  
Ille petit veniam, quoties non abstinet uxor  
Concubitu sacris observandisque diebus,  
Magnaue debetur violato poena cadurco.  
Et movisse caput visa est argentea serpens:



Illius lacrimae, meditataque murmura praestant,  
Ut veniam culpa non abnuat, anferre magno  
Scilicet & tenui popano corruptus Osiris.

Cum dedit ille locum: cophino, foenoque relicto,  
Arcanam Judaea tremens mendicat in aurem,  
Interpres legum Solymarum, & magna sacerdos  
Arboris, ac summi fida internuncia coeli;  
Implet & illa manum, sed parcius aere minuto.  
Qualiacunque voles Judaei somnia vendunt:  
Spondet amatorem tenerum, vel divitis orbi  
Testamentum ingens, calidae pulmone columbae  
Tractato: Armenius, vel Commagenus Haruspex  
Pectora pullorum rimabitur, exta catelli,  
Interdum & pueri: faciet, quod deferat ipse.

Chaldaeis sed major erit fiducia: quidquid  
Dixerit astrologus, credent a fonte relatum  
Hammonis; quoniam Delphis oracula cessant,  
Et genus humanum damnat caligo futuri.  
Praecipuus tamen est horum, qui saepius exsistit,  
Cujus amicitia, conducendaque tabella  
Magnus civis oblit, & formidatus Othoni.  
Inde fides artis, sonuit si dextera ferro,

Laevaue si longo castrorum in carcere manfit.  
Nemo mathematicus genium indemnatus habebit:  
Sed qui paene perit, cui vix in Cyclada mitti  
Contigit, & parva tandem caruisse Seripho.  
Consultit iſtericae lento de funere matris,  
Ante tamen de te, Tanaquil tua: quando forem  
Efferat, & patruos: an fit victurus adulter  
Poſt ipſam? quid enim majus dare Numina poſſunt?  
Haec tamen ignorat, quid fidus triſte minetur  
Saturni, quo laeta Venus ſe proferat aſtro,  
Qui menſis damnis, quae dentur tempora lucro.

Illius occurſus etiam vitare momento,  
In cujus manibus, ceu pingua ſuccina, tritas  
Cernis ephemeridas: quae nullum conſulit, & jam  
Conſulitur: quae caſtra viro, patriamque petente  
Non ibit pariter numeris revocata Thraſylli.  
Ad primum lapidem veſtari cum placet, hora  
Sumitur ex libro: ſi prurit friſtus ocelli  
Angulus, inſpecta geneſi collyria poſcit.  
Aegra licet jaceat, capiendò nulla videtur  
Aptior hora cibo, niſi quam dederit Petofyris.

Si mediocris erit: ſpatium luſtrabit utrinque

Metarum, & forteis ducet, frontemque, manumque  
Praebeat vati crebrum poppyfina roganti

Divitibus responsa dabunt Phryx augur, & Indus  
Conductus, dabit astrorum, mundique peritus,  
Atque aliquis senior, qui publica fulgura condit.  
Plebejum in circo positum est, & in aggere fatum,  
Quae nudis longum ostendit cervicibus aurum,  
Consult ante phalas, delphinorumque columnas,  
An saga vendenti nubat caupone relicto?

Hae tamen & partus subeunt discrimen, & omnes  
Nutricis tolerant fortuna urgente labores;  
Sed jacet aurato vix ulla puerpera lecto.  
Tantum artes hujus, tantum medicamina possunt,  
Quae sterileis facit, atque homines in ventre necandos.

Conducit: gaude infelix, atque ipse bibendum  
Porrigere, quidquid erit: nam si distendere vellet,  
Et vexare uterum pueris salientibus, esses  
Aethiopis fortasse pater: mox decolor haeres  
Impleret tabulas, nunquam tibi mane videndus.

Transeo suppositos, & gaudia, votaue saepe  
Ad spurcos decepta lacus, atque inde petitos

Pontifices Salios, Scaurorum nomina falso  
Corpore laturos. Stat fortuna improba noctu  
Arridens nudis infantibus; hos fovet omneis,  
Involvitque sinu: domibus tunc porrigit ætis,  
Secretumque sibi mimum parat; hos amat, his se  
Ingerit, utque sup̄s ridens producit alumnos.

Hic magicos adfert cantus, hic Theffala vendit  
Philtrā, quibus valeat mentem vexare mariti,  
Et solea pulsare nates. Quod desipis, inde est,  
Inde animi caligo, & magna oblivio rerum,  
Quas modo gessisti; tamen hoc tolerabile, si non  
Et furere incipias, ut avunculus ille Neronis,  
Cui totam tremuli frontem Caesonia pulli  
Infudit. Quae non faciet, quod Principis uxor?  
Ardebant cuncta, & fracta compage ruebant,  
Non aliter, quam si fecisset Juno maritum  
Infantum. Minus ergo nocens erit Agrippinae  
Boletus: siquidem unius praecordia pressit  
Ille senis, tremulumque caput descendere jussit  
In coelum, & longa manantia labra saliva.  
Haec poscit ferrum, atque igneis, haec potio  
torquet:

Haec lacerat mixtos equitum cum sanguine patres.

Tanti partus equae! quanti una venefica constat? -

Oderunt natos de pellice: nemo repugnet,

Nemo vetet: jam jam privignum occidere fas est.

Vos ego, pupilli, moneo, quibus amplior est res,

Custodite animas, & nulli credite mensae.

Livida materno fervent adipata veneno.

Mordeat ante aliquis, quidquid porrexerit illa,

Quae peperit, timidus praegustet pocula papas.

Fingimus haec, altum Satyra fumente cothurnum,

Scilicet, & finem egressi legemque priorum,

Grande Sophocleo carmen bacchamur hiatu,

Montibus ignotum Rutulis, coeloque Latino.

Nos utinam vani! sed clamat Pontia: feci,

Confiteor, puerisque meis aconita paravi,

Quae deprensa patent; facinus tamen ipsa peregi.

Tunc duos una, saevissima vipera, coena?

Tunc duos? septem, si septem forte fuissent.

Credamus tragicis, quidquid de Colchide saeva

Dicitur, & Procne; nil contra conor: & illae

Grandia monstra suis audebant temporibus; sed

Non propter nummos; minor admiratio summis



Respexit, cum jam celebres, notique poetas  
Balneolum Gabiis, Romae conducere furnos  
Tentarent: nec foedum alii, nec turpe putarent  
Praecones fieri, cum, desertis Aganippes  
Vallibus, esuriens migraret in atria Cleio.  
Nam, si Pieria quadrans tibi nullus in umbra  
Ostendatur, ames nomen victumque Machaerae,  
Et vendas potius, commissa quod auctio vendit  
Stantibus: oenophorum, tripodes, armaria, cistas,  
Alcyonem Bacchi, Thebas & Terea Fausti.  
Hoc satius, quam si dicas sub iudice: vidi,  
Quod non vidisti. Faciant equites Asiani,  
Quanquam & Cappadoces faciant, equitesque Bithyni,  
Altera quos nudo traducit Gallia talo.  
Nemo tamen studiis indignum ferre laborem  
Cogetur posthac, nescit quicumque canoris  
Eloquium vocale modis, laurumque momordit.  
Hoc agite, o juvenes: circumspicit, & stimulat vos,  
Materiamque sibi ducis indulgentia quaerit.  
Si qua aliunde putas rerum spectanda tuarum  
Praesidia, atque ideo croceae membrana tabellae  
Impletur: lignorum aliquid posce ocyus, &, quae

Cōponis, donā Veneris, Thelesine, marito;  
Aut clude, & positos tinea pertunde libellos,  
Frange miser calamos, vigilataque praelia dele,  
Qui facis in parva sublimia carmina cella,  
Ut dignus venias hederis, & imagine macra.  
Spes nulla ulterior: didicit jam dives avarus  
Tantum admirari, tantum laudare disertos,  
Ut pueri Junonis avem. Sed defluit aetas  
Et pelagi patiens, & cassidis, atque ligonis.  
Taedia tunc subeunt animos, tunc seque, suamque  
Terpsichoren odit facunda & nuda senectus.  
Accipe tunc arteis, ne quid tibi conferat iste,  
Quem colis, & Musarum, & Apollinis aede relicta:  
Ipse facit versus, atque uni cedit Homero  
Propter mille annos; & si dulcedine famae  
Succensus recites, Maculonis commodat aedeis;  
Haec longe ferrata domus servire jubetur,  
In qua sollicitas imitatur janua portas.  
Scit dare libertos extrema in parte sedenteis  
Ordinis, & magnas comitum disponere voces.  
Nemo dabit regum, quanti subsellia consent,  
Et quae conducto pendent anabathra tigillo,



Quaeque reportandis posita est orchestra cathedris.  
 Nos tamen hoc agimus, tenuique in pulvere fulcos  
 Ducimus; & littus sterili versamus aratro.

Nam si discedas, laqueo tenet ambitiosi  
 Consuetudo mali: tenet insanabile multos  
 Scribendi cacoethes, & aegro in corde senescit.  
 Sed vatem egregium, cui non sit publica vena,  
 Qui nihil expositum soleat deducere, nec qui,  
 Communi feriat carmen triviale moneta:

Hunc, qualem nequeo monstrare, & sentio tantum,  
 Anxietate carens animus facit, omnis acerbi  
 Impatiens, cupidus sylvarum, aptusque bibendis  
 Fontibus Aonidum: neque enim cantare sub antro  
 Pierio, thyrsumve potest contingere moesta  
 Paupertas, atque aeris inops, quo nocte dieque  
 Corpus eget: satur est, cum dicit Horatius: Heu ohe!  
 Quis locus ingenio: nisi cum se carmine solo  
 Vexant, & Dominis Cyrrhae, Nyssaeque feruntur  
 Pectora vestra, duas non admittentia curas?

Magnae mentis opus, nec de Iodice paranda  
 Attonitae, currus, & equos, faciesque deorum,  
 Adspicere, & qualis Rutulum confundat Erinnyes.

Nam,

Nam, si Virgilio puer & tolerabile deesset  
Hospitium, caderent omnes a crinibus hydri:  
Surda nihil gemeret grave buccina. Poscimus, ut sit  
Non minor antiquo Rubrenus Lappa cothurno,  
Cujus & alveolos, & laenam pignorat Atreus.  
Non habet infelix Numitor, quod mittat amico:  
Quintillae quod donet, habet, nec defuit illi,  
Unde emeret multa pascendum carne leonem  
Jam domitum: constat leviori bellua sumtu  
Nimirum, & capiunt plus intestina poetae:  
Contentus fama jaceat Lucanus in hortis  
Marmoreis: at Serrano, tenuique Saleio  
Gloria quantalibet, quid erit, si gloria tantum est?  
Curritur ad vocem jucundam, & carmen amicae  
Thebaidos, laetam cum fecit Statius Urbem,  
Premisitque diem. Tanta dulcedine captos  
Afficit ille animos, tantaque libidine vulgi  
Auditur: sed, cum fregit subfellia versu,  
Esurit, intactam Paridi nisi vendat Agaven.  
Ille & militiae multis largitur honorem,  
Semestri vatum digitos circumligat auro.  
Quod non dant procures, dabit histrio; tu Camerinos,

Et Baream, tu nobilium magna atria curas!

Praefectos Pelopeja facit, Philomela tribunos.

Haud tamen invidas vati, quem pulpita pascunt.

Quis tibi Maecenas? quis nunc erit aut Proculejus,

Aut Fabius? quis Cotta iterum? quis Lentulus alter?

Tunc par ingenio precium: tunc utile multis

Pallere, & vinum toto nescire decembri.

Vester perro labor foecundior, historiarum

Scriptores: petit hic plus temporis, atque olei plus:

Namque oblita modi millefima pagina surgit

Omnibus, & crescit multa damnosa papyro,

Sic ingens rerum numerus jubet, atque operum lex.

Quae tamen inde seges? terrae quis fructus apertae?

Quis dabit historico, quantum daret acta legenti?

Sed genus ignavum, quod lecto gaudet & umbra.

Dic igitur, quid caussidicis civilia praestent

Officia, & magno comites in fasce libelli?

Ipsi magna sonant: sed tunc, cum creditor audit,

Praecipue, vel si tetigit latus acrior illo,

Qui venit ad dubium grandi cum codice nomen,

Tunc immensa cavi spirant mendacia folles,

Conspuiturque sinus. Veram deprendere messem

**Si libet: hinc centum patrimonia caussidicorum,  
Parte alia solum ruffati pone Lacernae.  
Confedere duces: surgis tu pallidus Ajax  
Dicturus dubia pro libertate, bubulco  
Judice; rumpe miser tensum jecur, ut tibi lasse  
Figantur virides, scalarum gloria, palmae.  
Quod vocis precium? ficcus petasunculus, & vas  
Pelamydum: aut veteres Maurorum epimenia, bulbi:  
Aut vinum Tiberi devectum, quinque lagenae.**

**Si quater egisti, si contigit aureus unus,  
Inde cadunt partes ex foedere pragmaticorum.  
Aemilio dabitur, quantum licet, & melius nos  
Egimus: hujus enim stat currus aeneus, alti  
Quadrijuges in vestibulis, atque ipse feroci  
Bellatore sedens curvatum hastile minatur  
Eminus, & statua meditatur praelia lusca.  
Sic Pedo conturbat, Matho deficit: exitus hic est  
Tongilli, magno cum rhinocerote lavari  
Qui solet, & vexat lutulenta balnea turba,  
Perque forum juvenes longo premit assere Medos  
Emturus pueros, argentum, murrhina, villas.  
Spondet enim Tyrio stalaria purpura filo.**

Et tamen est illis hoc utile: purpura vendit  
 Caussidicum, vendunt amethystina: convenit illis  
 Et strepitu, & facie majoris vivere census.  
 Sed finem impensae non servat prodiga Roma.  
 Fidimus eloquio? Ciceroni nemo ducentos  
 Nunc dederit nummos, nisi fulserit annulus ingens.  
 Respicit haec primum, qui litigat, an tibi servi  
 Octo, decem comites, an post te sella, togati  
 Ante pedes? ideo conducta Paullus agebat  
 Sardonyche, atque ideo pluris, quam Gallus agebat,  
 Quam Basilus. RARA in tenui facundia panno.  
 Quando licet Basilo flentem producere matrem?  
 Quis bene dicentem Basilum ferat? accipiat te  
 Gallia, vel potius nutricula caussidicorum  
 Africa, si placuit mercedem ponere linguae.

Declamare doces, o ferrea pectora Vetti;  
 Cum perimit saevos classis numerosa tyrannos.  
 Nam quaecunque sedens modo legerat, haec eadem  
 stans

Perferet, atque eadem cantabit versibus Isdem.  
 Occidit miseros crambe repetita magistros.  
 Quis color, & quod sit causae genus, atque ubi summa

Quaestio, quae veniant diversae forte sagittae,  
Nosse velint omnes, mercedem solvere nemo.  
Mercedem appellas? quidenim scio? culpa docentis  
Scilicet arguitur, quod laeva in parte mamillae.  
Nil falit Arcadico juveni, cujus mihi sexta  
Quaque die miserum dirus caput Hannibal implet.  
Quidquid id est, de quo deliberat, an petat Urbem  
A Cannis, an post nimbos, & fulmina cautus  
Circumagat madidas a tempestate cohorteis.  
Quantum vis stipulare, & protinus accipe, quod deo,  
Ut totiens illum pater audiat. Haec alii sex,  
Vel plures uno conclamant ore sophistae,  
Et veras agitant liteis, raptore relicto,  
Fusa venena silent, malus ingratusque maritus,  
Et quae jam veteres sanant mortaria coecos.  
Ergo sibi dabit ipse rudem, si nostra movebunt  
Consilia, & vitae diversum iter ingreditur,  
Ad pugnam qui rhetorica descendit ab umbra,  
Summa illa ne pereat, qua vilis tesserâ venit  
Frumenti; quippe haec merces lautissima. Tenta,  
Chrysogonus quanti doceat, vel Pollio quanti  
Lautorum pueros, artem scindens Theodori.

Balnea sexcentis, & pluris porticus, in qua  
Gestetur dominus, quoties pluit; anne serenum  
Exspectet, spargatque luto jumenta recenti?  
Heic potius: namque heic mundae nitet ungula mulae.  
Parte alia longis Numidarum fulta columnis  
Surgat, & algentem rapiat coenatio solem.  
Quanticunque domus, veniet, qui fercula docte  
Componat; veniet, qui pulmentaria condit.  
Hos inter sumtus festertia Quintiliano,  
Ut multum, duo sufficient: res nulla minoris  
Constabit patri, quam filius; unde igitur tot  
Quintilianus habet saltus? exempla novorum  
Fatorum transi: felix, & pulcer, & acer:  
Felix, & sapiens, & nobilis, & generosus  
Adpositam nigrae lunam subtexit alutae:  
Felix, orator quoque maximus, & jaculator.  
Et si perfrixit, cantat bene; distat enim, quae  
Sidera te excipiant modo primos incipientem  
Edere vagitus, & adhuc a matre rubentem.  
Si fortuna volet, fies de rhetore consul;  
Si volet haec eadem, fies de consule rhetor.  
Ventidius quid enim? quid Tullius? anne aliud, quam

Sidus, & occulti miranda potentia fati?  
Servis regna dabunt, captivis fata triumphum.  
Felix ille tamen corvo quoque rarior albo.  
Poenituit multos vanae, sterilisque cathedrae,  
Sicut Thrasymachi probat exitus, atque Secundi  
Carrinatis; & hunc inopem vidistis Athenae,  
Nil praeter gelidas ausae conferre cicutas.  
DI majorum umbris tenuem, & sine pondere terram,  
Spiranteisque crocos, & in urna perpetuum ver,  
Qui praeceptorem sancte voluere parentis  
Esse loco. Metuens virgae jam grandis Achilles  
Cantabat patriis in montibus: & cui non tunc  
Eliceret risum citharoedi cauda magistri?  
Sed Rufum, atque alios caedit sua quaeque juvenus.  
Rufum, qui toties Ciceronem Allobroga dixit.

Quis gremio Celadi, doctique Palaemonis adfert,  
Quantum grammaticus meruit labor? & tamen ex hoc,  
Quodcunque est (minus est autem, quam rhetoris aera)  
Discipuli custos praemordet Acoenonaetus,  
Et, qui dispensat, frangit sibi. Cede Palaemon,  
Et patere inde aliquid decrescere: non aliter, quam  
Institor hibernae tegetis, niveique cadurci:



Dum modo non pereat, mediae quod noctis ab hora  
Sedisti, qua nemo faber, qua nemo federet,  
Qui docet obliquo lanam deducere ferro:  
Dum modo non pereat totidem olfecisse lucernas,  
Quot stabant pueri, cum totus decolor esset  
Flaccus, & haereret nigro fuligo Maroni.  
Rara tamen merces, quae cognitione tribuni  
Non egeat. Sed vos saevas imponite leges,  
Ut praeceptori verborum regula constet,  
Ut legat historias, auctores noverit omneis,  
Tanquam ungueis, digitosque suos, ut forte rogatus  
Dum petit aut thermas, aut Phoebi balnea, dicat  
Nutricem Anchisae: nomen, patriamque novercae  
Archemori: dicat, quot Acestes vixerit annos,  
Quot Sículus Phrygibus vini donaverit urnas?  
Exigite, ut mores teneros ceu pollice ducat,  
Ut si quis cera vultum facit: exigite, ut sit  
Et pater ipsius coetus, ne turpia ludant,  
Ne faciant vicibus. Non est leve tot puerorum  
Observare manus, oculosque in fine trementeis.  
Haec, inquit, cura, sed cum se verterit annus,  
Accipe, victori populus quod postulat, aurum.

## SATYRA VIII.

**S**temmata quid faciunt, quid prodest, Pontice, longo  
Sanguine cenferi, pictosque ostendere vultus  
Majorum, & stanteis in curribus Aemilianos,  
Et Curios jam dimidios, humerosque minorem  
Corvinum, & Galbam auriculis nasoque carentem?  
Quis fructus generis tabula jactare capaci  
Corvinum, posthac multa contingere virga  
Fumosos equitum cum dictatore magistris,  
Si coram Lepidis male vivitur? effigies quo  
Tot bellatorum, si luditur alea perniox  
Ante Numantinos? si dormire incipis ortu  
Luciferi, quo signa duces, & castra movebant?  
Cur Allobrogicis, & magna gaudeat ara  
Natus in Herculeo Fabius Lare, si cupidus, si  
Vanus, & Euganea quantumvis mollior agna:  
Si tenerum attritus Catinenſi pumice lumbum  
Squalenteis traducit avos, emtorque veneni  
Frangenda miseram funestat imagine gentem?  
Tota licet veteres exornent undique ceræ

Atria, NOBILITAS sola est atque unica virtus.  
Paullus, vel Cossus, vel Drusus moribus esto :  
Hos ante effigies majorum pone tuorum :  
Praecedant ipsas illi te consule virgas :  
Prima mihi debes animi bona; sanctus haberi,  
Justitiaeque tenax factis dictisque mereris,  
Agnosco procerem; salve Getulice, seu tu  
Silanus, quocunque alio de sanguine rarus,  
Civis, & egregius patriae contingis ovanti.  
Exclamare libet, populus quod clamat, Osiri  
Inventô; quis enim generosum dixerit hunc, qui  
Indignus genere, & praeclaro nomine tantum  
Insignis? nanum cujusdam, Atlanta vocamus:  
Aethiopem, cycnum: parvam extortamque puellam,  
Europen: canibus pigris scabieque vetusta  
Laevis, & siccae lambentibus ora lucernae,  
Nomen erit pardus, tigris, leo, si quid adhuc est,  
Quod fremat in terris violentius. Ergo cavebis,  
Et metues, ne tu sis Creticus, aut Camerinus.

His ego quem monui? tecum est mihi sermo, Rubelli  
Plaute; tumes alto Drusorum stemmate, tanquam  
Feceris ipse aliquid, propter quod nobilis esses,

Ut te conciperet, quae sanguine fulget Juli;  
Non quae ventoso conducta sub aggere textit.  
Vos humiles, inquis, vulgi pars ultima nostri,  
Quorum nemo queat patriam monstrare parentis:  
Ast ego Cecropides. Vivas, & originis hujus  
Gaudia longa feras: tamen ima plebe Quiritem  
Facundum invenies; solet hic defendere causas.  
Nobilis indocti; veniet de plebe togata,  
Qui juris nodos, & legum aenigmata solvat.  
Hic petit Euphraten juvenis, domitique Batavi  
Custodes aquilas, armis industrius: at tu  
Nil, nisi Cecropides, truncoque simillimus Hermae.  
Nullo quippe alio vincis discrimine, quam quod  
Illi marmoreum caput est, tua vivit imago.  
Dic mihi, Teucrorum proles, animalia muta  
Quis generosa putet, nisi fortia? nempe volucrem  
Sic laudamus equum, facili cui plurima palma  
Fervet, & exultat rauco victoria Circo.  
Nobilis hic, quocunque venit de gramine, cujus  
Clara fuga ante alios, & primus in aequore pulvis:  
Sed venale pecus Corythae, posteritas &  
Hirpini, si rara jugo victoria sedit.

Nil ibi majorum respectus, gratia nulla  
Umbrarum, dominos precii mutare jubentur  
Exiguus, trito ducunt epirhedra collo  
Segnipedes, dignique molam versare Nepotis.  
Ergo, ut miremur te, non tua; primum aliquid da,  
Quod possim titulis incidere praeter honores,  
Quos illis damus, & dedimus, quibus omnia debes.  
Haec satis ad juvenem, quem nobis fama superbum  
Tradit, & inflatum, plenumque Nerone propinquo.  
Rarus enim ferme sensus communis in illa  
Fortuna, sed te cenferi laude tuorum,  
Pontice, noluerim, sic ut nihil ipse futurae  
Laudis agas. MISERUM est aliorum incumbere famae,  
Ne collapsa ruant subductis tecta columnis.  
Stratus humi palmes viduas desiderat ulmos.  
Esto bonus miles, tutor bonus, arbiter idem  
Integer; ambiguae si quando citabere testis  
Incertaeque rei, Phalaris licet imperet, ut sis  
Falsus, & admoto dictet perjuriam tauro,  
SUMMUM crede nefas animam praeferre pudori,  
Et propter vitam vivendi perdere causas,  
Dignus morte perit, coenet licet ostrea centum

Gaurana, & Cosmi toto mergatur aeno.  
Exspectata diu tandem provincia cum te  
Rectorem accipiet, pone irae fraena, modumque,  
Pone & avaritiae: miserere inopum sociorum.  
Ossa vides regum vacuis exsucta medullis.  
Respice, quid moneant leges, quid curia mandat,  
Praemia quanta bonos maneant, quam fulmine iusto  
Et Capito, & Numitor ruerint, damnante senatu,  
Peiratae Cilicum. Sed quid damnatio confert,  
Cum Panfa eripiat, quidquid tibi Natta reliquit?  
Praeconem Chaerippe tuis circumspice pannis,  
Jamque tacet. Furor est post omnia perdere naulum.  
Non idem gemitus olim, neque vulnus erat par  
Damnorum, sociis florentibus, & modo victis.  
Plena domus tunc omnis, & ingens stabat acervus  
Nummorum, Spartana chlamys, conchyliæ Coa,  
Et cum Parrhasii tabulis, signisque Myronis  
Pheidiacum vivebat ebur, necnon Polycteti  
Multus ubique labor: raræ sine Mentore mensæ.  
Inde Dolabella est, atque hinc Antonius, inde  
Sacrilegus Verres; referebant navibus altis  
Occulta spolia, & plureis de pace triumphos.

Cum fuerit, clara Lateranus luce flagellum  
Sumet, & occursum nunquam trepidabit amici  
Jam senis, ac virga prior annuet, atque maniplos  
Solvat, & infundet jumentis hordea lassis.  
Interea, dum lanatas, torvumque juvencum  
More Numae caedit Jovis ante altaria, jurat  
Solam Eponam & facies olida ad praesepia pictas.  
Sed cum pervigiles placet instaurare popinas;  
Obvius assiduo Syrophoenix udus amomo  
Currit, Idumaeae Syrophoenix incola portae,  
Hospitis affectu dominum, regemque salutat,  
Et cum venali Cyane succincta lagena.

Defensor culpa dicet mihi, fecimus & nos  
Haec juvenes. Esto; desisti nempe, nec ultra  
Fovisti errorem. Breve sit, quod turpiter audes.  
Quaedam cum prima refecentur crimina barba,  
Indulge veniam pueris. Lateranus ad illos  
Thermarum calices, inscriptaque linthea vadit,  
Maturus bello, Armeniae Syriaeque tuendis  
Amnibus, & Rheno, atque Istro praestare Neronem  
Securum valet haec aetas. Mitte ostia, Caesar,  
Mitte: sed in magna legatum quaere popina.

Invenies aliquo cum percussore jacentem,  
Permistum nautis, & furibus, ac fugitivis,  
Inter carnifices, & fabros sandapilarum,  
Et resupinati cessantia tympana Galli:  
Aequa ibi libertas, communia pocula, lectus  
Non alius cuiquam, nec mensa remotior ulli.  
Quid facias talem fortitus, Pontice, servum?  
Nempe in Lucanos, aut Tusca ergastula mittas,  
At vos Trojugenae vobis ignoscitis, & quae  
Turpia cerdoni, Volesos, Brutumque decebunt.  
Quid, si nunquam adeo foedis, adeoque pudendis  
Utimur exemplis, ut non pejora supersint?  
Consumtis opibus vocem, Damasippe, locasti  
Sipario, clamorū ageres ut Phasma Catulli.  
Laureolum velox etiam bene Lentulus egit,  
Judice me, dignus vera cruce; nec tamen ipsi  
Ignoscas populo: populi frons durior hujus,  
Qui sedet, & spectat triscurria patriciorum:  
Planipedes audit Fabios, ridere potest qui  
Mamercorum alapas. Quanti sua funera vendant,  
Quid refert? vendunt nullo cogente Nerone,  
Nec dubitant Celsi Praetoris vendere ludis.



Finge tamen gladios inde, atque hinc pulpita pone:  
Quid fatius? mortem sic quisquam exhorruit: ut sit  
Zelotypus Thymeles, stupidi collega Corinthi?  
Res haud mira tamen, citharoedo principe mimus  
Nobilis. Haec ultra, quid erit nisi ludus? & illic  
Dedecus urbis habes; nec mirmillonis in armis,  
Nec clypeo Gracchum pugnantem, aut falce supina,  
(Damnatur enim taleis habitus; sed damnatur, & odit)  
Nec galea faciem abscondit; movet ecce tridentem,  
Postquam librata pendentia retia dextra  
Nequidquam effudit, nudum ad spectacula vultum  
Erigit, & tota fugit agnoscendus arena.  
Credamus tunicae, de faucibus aurea cum se  
Porrigit, & longo jactetur spira galero.  
Ergo ignominiam graviolem pertulit omni  
Vulnere, cum Graccho jussus pugnare secutor.

Libera si dentur populo suffragia, quis tam  
Perditus, ut dubitet Senecam praeferre Neroni;  
Cujus supplicio non debuit una parari  
Simia, nec serpens unus, nec culeus unus?  
Par Agamemnonidae crimen: sed causa facit rem  
Dissimilem; quippe ille Deis auctoribus ultor

•Patris erat caesi media inter pocula : sed nec  
Electrae jugulo se polluit , aut Spartani  
Sanguine conjugii , nullis aconita propinquis  
Miscuit ; in scena nunquam cantavit Orestes,  
Troica non scripsit. Quid enim Virginius armis  
Debit ulcisci magis , aut cum Vindice Galba ?  
Quid Nero tam saeva , crudaque tyrannide fecit ?  
Haec opera , atque hae sunt generosi principis artes ,  
Gaudentis foedo peregrina ad pulpita cantu  
Prostitui , Grajaeque apium meruisse coronae.  
Majorum effigies habeant insignia vocis ,  
Ante pedes Domiti longum tu pone Thyestae  
Syrma , vel Antigoniae , seu personam Menalippes ,  
Et de marmoreo citharam suspende colosso.  
Quid , Catilina , tuis natalibus , atque Cethegi  
Inveniet quisquam sublimius ? arma tamen vos  
Nocturna , & flammis domibus , templisque parastis ,  
Ut Braccatorum pueri , Senonumque minores ,  
Ausi , quod liceat tunica punire molesta.  
Sed vigilat consul , vexillaque vestra coercet.  
Hic novus Arpinas , ignobilis , & modo Romae  
Municipalis eques galeatum ponit ubique

Praesidium attonitis, & in omni gente laborat.  
Tantum igitur muros intra toga contulit illi  
Nominis, & tituli; quantum non Leucade, quantum  
Thessaliae campis Octavius abstulit udo  
Caedibus assiduus gladio; sed Roma parentem,  
Roma patrem patriae Ciceronem libera dixit.  
Arpinas alius Volscorum in monte solebat  
Poscere mercedes alieno lassus aratro,  
Nodosam post haec frangebat vertice vitem,  
Si lentus pigra muniret castra dolabra:  
Hic tamen & Cimbros, & summa pericula rerum  
Excipit, & solus trepidantem protegit Urbem.  
Atque ideo, postquam ad Cimbros, stragemque vola-  
bant,  
Qui nunquam attigerant majora cadavera, corvi,  
Nobilis ornatur lauro collega secunda.  
Plebejae Deciorum animae, plebeja fuerunt  
Nomina: pro totis legionibus hi tamen, & pro  
Omnibus auxiliis, atque omni pube Latina  
Sufficiunt Dis infernis, Terraeque parenti.  
Pluris enim Decii, quam quae servantur ab illis.  
Ancilla natus trabeam, & diadema Quirini,

Et fasceis meruit regum ultimus ille bonorum.  
 Prodit laxabant portarum claustra tyrannis  
 Exsulibus iuvenes ipsius consulis, & quos  
 Magnum aliquid dubia pro libertate deceret,  
 Quod miraretur cum Coclite Mucius, & quæ  
 Imperii fineis Tiberinum virgo natavit.  
 Occulta ad patres produxit crimina servus  
 Matronis lugendus: at illos verbera iustis  
 Afficiunt poenis, & legum prima securis.

Malo pater tibi sit Therfites, dummodo tu sis  
 Aeacidae similis, Vulcaniaque arma capeffas,  
 Quam te Therfitæ similem producat Achilles.  
 Et tamen, ut longe repetas longeque revolvās  
 Nomen, ab infami gentem deducis asylo.  
 Majorum primus quisquis fuit ille tuorum,  
 Aut pastor fuit, aut illud, quod dicere nolo.

S A T Y R A IX.

Scire velim, quare toties mihi, Naevole, tristis  
 Occurras fronte obducta, ceu Marsya victus.

Quid tibi cum vultu , qualem deprensus habebat  
Ravola , dum Rhodopes uda terit inguina barba ?  
Nos colaphum incutimus lambenti crustula servo.  
Non erat hac facie miserabilior Creperejus  
Pollio , qui triplicem usuram praestare paratus  
Circuit , & fatuos non invenit. Unde repente  
Tot rugae ? certe modico contentus agebas  
Vernam equitem , conviva joco mordente facetus :  
Et salibus vehemens intra pomeria natis.  
Omnia nunc contra : vultus gravis , horrida siccae  
Silva comae , nullus tota nitor in cute , qualem  
Bruttia praestabat calidi tibi fascia visci.  
Sed fruticante pilo neglecta , & squalida crura.  
Quid macies aegri veteris , quem tempore longo  
Torret quarta dies , olimque domestica febris ?  
Deprendas animi tormenta latentis in aegro  
Corpore , deprendas & gaudia : sumit utrumque  
Inde habitum facies ; igitur flexisse videris  
Propositum , & vitae contrarius ire priori.  
Nuper enim , ut repeto , fanum Iſidis , & Ganymedem ,  
Pacis , & adveſtae ſecreta palatia Matris ,  
Et Cererem ( nam quo non proſtat foemina templo ? )

Notior Aufidio moechus scelerare solebas,  
Quodque taces, ipsos etiam inclinare maritos.  
Utile & hoc multis vitae genus: at mihi nullum  
Inde operae precium. Pingueis aliquando lacernas,  
Munimenta togae, duri, crassique coloris,  
Et male percussas textoris pectine Galli  
Accipimus, tenue argentum, venaeque secundae.  
Fata regunt homines: fatum est & partibus illis,  
Quas sinus abscondit. Nam, si tibi sidera cessant,  
Nil faciet longi mensura incognita nervi,  
Quamvis te nudum spumanti Virro labello  
Viderit, & blandae assidue densaeque tabellae  
Sollicitent, αὐτὸς γὰρ ἐφέλκεται ἄνδρα κίμαιδος.  
Quod tamen ulterius monstrum, quam mollis avarus?  
Haec tribui, deinde illa dedi, mox plura tulisti.  
Computat, ac cevet; ponatur calculus, adsint  
Cum tabula pueri. Numera sestertia quinque  
Omnibus in rebus; numerentur deinde labores.  
An facile & primum est agere intra viscera penem  
Legitimum, atque illic hesternae occurrere coenae?  
Servus erit minus ille miser, qui foderit agrum,  
Quam dominum, sed tu sane tenerum & puerum te,

Et pulcrum, & dignum cyatho, coeloque putabas.

Vos humili adseculae, vos indulgebitis unquam

Cultori, jam nec morbo donare parati?

En, cui tu viridem umbellam, cui succina mittas

Grandia, natalis quoties redit, aut madidum ver

Incipit: & strata positus, longaue cathedra

Munera foemineis tractas secreta Kalendis.

Dic passer, cui tot monteis, tot praedia servas

Apula, tot milvos intra tua pascua lassos?

Te Trifolinus ager foecundis vitibus implet,

Suspectumque jugum Cumis, & Gaurus inanis.

Nam quis plura linit victuro dolia musto?

Quantum erat exhausti lumbos donare clientis

Jugeribus paucis? meliusne hic rusticus infans

Cum matre, & casulis, & conlusore catello

Cymbala pulsantis legatus fiet amici?

Improbus es, cum poscis, ait; sed pensio clamat,

Posce: sed appellat puer unicus, ut Polyphemi

Lata acies, per quam follers evasit Ulysses.

Alter emendus erit: namque hic non sufficit: ambo

Pascendi. Quid agam bruma spirante? quid, oro,

Quid dicam scapulis puerorum Aquilone Decembri,

Et pedibus? durate, atque exspectate cicadas?  
Verum, ut dissimules, ut mittas cetera, quanto  
Metiris precio, quod, ni tibi deditus essem  
Devotusque cliens, uxor tua virgo maneret?  
Scis certe, quibus ista modis, quam saepe rogaris,  
Et quae pollicitus. Fugientem saepe puellam  
Amplexu rapui: tabulas quoque ruperat, & jam  
Signabat, tota vix hoc ego nocte redemi,  
Te plorante foris. Testis mihi lectulus, & tu,  
Ad quem pervenit lecti sonus, & dominae vox.  
Instabile, ac dirimi coeptum, & jam paene solutum  
Conjugium in multis domibus servavit adulter!  
Quo te circumagas? quae prima, aut ultima ponas?  
Nullum ergo meritum est, ingratis ac perfide, nullum,  
Quod tibi filiulus, vel filia nascitur ex me?  
Tollis enim, & libris actorum spargere gaudes  
Argumenta viri. Foribus suspende coronas,  
Jam pater es: dedimus, quod famae opponere possis:  
Jura parentis habes, propter me scriberis haeres,  
Legatum omne capis, nec non & dulce caducum.  
Commoda praeterea jungentur multa caducis,  
Si numerum, si treis implevero; iusta doloris,



Naevole, caussa tui. Contra tamen ille quid adfert ?  
Negligit, atque alium bipedem sibi quaerit asellum.  
Haec soli commissa tibi celare memento,  
Et tacitus nostras intra te fige querelas.  
Nam res mortifera est inimicus pumice laevis.  
Qui modo secretum commiserat, ardet, & odit,  
Tanquam prodiderim, quidquid scio ; sumere ferrum,  
Fusse aperire caput, candelam apponere valvis  
Non dubitat. Nec contemnas, aut despicias, quod  
His opibus nunquam cara est annona veneni.  
Ergo occulta teges, ut curia Martis Athenis.  
O Corydon, Corydon, secretum divitis ullum  
Esse putas? servi ut taceant: jumenta loquentur,  
Et canis, & postes, & marmora. Claude fenestras,  
Vela tegant rimas, junge ostia, tollite lumen  
E medio, taceant omnes, prope nemo recumbat:  
Quod tamen ad cantum galli facit ille secundi,  
Proximus ante diem caupo sciet, audiet, & quae  
Finxerunt pariter librarius, archimagiri,  
Carptores. Quod enim dubitant componere crimen  
In dominos, quoties rumoribus ulciscuntur  
Baltea? nec decrit, qui te per compita quaerat

Nolentem, & miseram vinosus inebriet aurem.  
Illos ergo roges, quidquid paullo ante petebas  
A nobis; taceant illi: sed prodere malunt  
Arcanum, quam subrepti potare Falerni,  
Pro populo faciens quantum Saufeja bihebat.  
Vivendum recte est; cum propter plurima, tunc his  
Praecipue caussis, ut linguas mancipiorum  
Contemnas. Nam LINGUA mali pars pessima servi.  
Deterior tamen hic, qui liber non erit illis,  
Quorum animas & farre suo custodit, & aere.  
Iccirco ut possim linguam contemnere servi,  
Utile consilium modo, sed commune, dedisti:  
Nunc mihi quid suades post damnum temporis, & spes  
Deceptas? Festinat enim decurrere velox  
Flosculus angustae, miseraeque brevissima vitae  
Portio: dum bibimus, dum ferta, unguenta, puellas  
Poscimus, obrepat non intellecta senectus.  
Ne trepida: nunquam pathicus tibi deerit amicus,  
Stantibus & salvis his collibus, undique ad illos  
Convenient & carpentis, & navibus omnes,  
Qui digito scalpunt uno caput. Altera major  
Spes superest: tu tantum erucis imprime dentem.

Hæc exempla para felicibus: at mea Clotho  
Et Lachesis gaudent, si pascitur inguine venter.  
O parvi nostrique Lares, quos thure minuto,  
Aut farre, & tenui soleo exorare corona,  
Quando ego figam aliquid, quo sit mihi tuta senectus  
A tegete & baculo? viginti millia foenus  
Pignoribus positis, argenti vascula pari,  
Sed quae Fabricius censor notet; & duo fortes  
De grege Moesorum, qui me cervice locata  
Securum jubeant clamoso insistere Circo.  
Sit mihi praeterea curvus caelator, & alter,  
Qui multas facies fingit cito: sufficiunt haec,  
Quando ego pauper ero; votum miserabile, nec spes  
His saltem. Nam, cum pro me Fortuna rogatur,  
Adfixit ceras illa de nave petitas,  
Quae Siculos cantus effugit remige furdo.

---

## SATYRA X.

Omnibus in terris, quae sunt a Gadibus usque  
Auroram, & Gangem, PAUCI dignoscere possunt

Vera bona, atque illis multum diversa, remota  
Erroris nebula. Quid enim ratione timemus,  
Aut cupimus? quid tam dextro pede concipis, ut te  
Conatus non poeniteat, votique peracti?  
Evertere demos totas optantibus ipsis  
DI faciles; nocitura toga, nocitura petuntur  
Militia; torrens dicendi copia multis,  
Et sua mortifera est facundia; viribus ille  
Confusus periit, admirandisque lacertis.  
Sed plureis nimia congesta pecunia cura  
Strangulat, & cuncta exsuperans patrimonia census,  
Quanto delphinis balaena Britannica major.  
Temporibus diris igitur, jussuque Neronis  
Longinum, & magnos Sēnecae praedivitis hortos  
Claudit, & egregias Lateranorum obsidet aedeis  
Tota cohors: rarus venit in coenacula miles.  
Pauca licet portes argenti vascula puri,  
Nocte iter ingressus gladium contumque timebis,  
Et motae ad Lunam trepidabis arundinis umbram:  
Cantabit vacuus coram latrone viator.  
PRIMA fere vota, & cunctis notissima templis  
Divitiae, crescant ut opes, ut maxima toto

Nostra sit arca foro. Sed nulla aconita bibuntur  
Fistilibus: tunc illa time, cum pocula fumes  
Gemmata, & lato Setinum ardebit in auro.  
Jamne igitur laudas, quod de sapientibus alter  
Ridebat, quoties de limine moverat unum,  
Protuleratque pedem; flebat contrarius auctor?  
Sed facilis cuivis rigidi censura cachinni:  
Mirandum est, unde ille oculis suffecerit humor.  
Perpetuo risu pulmonem agitare solebat  
Democritus, quanquam non esset urbibus illis  
Praetexta, & trabeae, fasces, lectica, tribunal.  
Quid, si vidisset praetorem curribus altis  
Exstantem, & medio sublimem in pulvere Circi  
In tunica Jovis, & pictae Sarrana ferentem  
Ex humeris aulaea togae, magnaeque coronae  
Tantum orbem, quanto cervix non sufficit ulla?  
Quippe tenet sudans hanc publicus, & sibi Consul  
Ne placeat, curru servus portatur eodem.  
Da nunc & volucrem, sceptro quae surgit eburno,  
Illinc cornicines, hinc praecedentia longi  
Agminis officia, & niveos ad fraena Quirites,  
Defossa in oculis quos sportula fecit amicos.

Tum quoque materiam risus invenit ad omnes  
Occursus hominum; cujus prudentia monstrat,  
SUMMOS posse viros, & magna exempla daturos  
Verecundum in patria, crassoque sub aere nasci.  
Ridebat curas, nec non & gaudia vulgi;  
Interdum & lacrymas, cum Fortunae ipse minaci  
Mandaret laqueum, mediumque ostenderet anguem.  
Ergo supervacua, aut perniciofa petuntur,  
Propter quae fas est genua incutere Deorum.

Quosdam praecipitat subiecta potentia magnae  
Invidiae, mergit longa, atque insignis honorum  
Pagina, descendunt statuae restemque sequuntur.  
Ipsas deinde rotas bigarum impacta securis  
Caedit, & immeritis franguntur crura caballis.  
Jam strident ignes, jam foliis atque caminis  
Ardet adoratum populo caput, & crepat ingens  
Sejanus: deinde ex facie toto orbe secunda  
Fiunt urceoli, pelves, sartago, patellae,  
Pone domi lauros, duc in Capitolia magnum,  
Cretatumque bovem: Sejanus ducitur unco  
Spectandus: gaudent omnes. Quae labra? quis illi  
Vultus erat? nunquam, si quid mihi credis, amavi

Hunc hominem. Sed quo cecidit sub crimine? quisnam  
Delator? quibus indicibus? quo teste probavit?  
Nil horum: verbosa & grandis epistola venit  
A Capreis: bene habet; nil plus interrogo. Sed quid  
Turba Remi? Sequitur fortunam, ut semper, & odit  
Damnatos; idem populus, si Nurtia Tusco  
Favisset, si oppressa foret secura senectus  
Principis, hac ipsa Sejanum diceret hora  
Augustum. Jam pridem, ex quo suffragia nulli  
Vendimus, effudit curas; nam, qui dabat olim  
Imperium, fasceis, legiones, omnia; nunc se  
Continet, atque duas tantum res anxius optat,  
Panem & Circenseis. Perituros audio multos.  
Nil dubium: magna est fornacula: pallidulus mi  
Brutidius meus ad Martis fuit obvius aram.  
Quam timeo, victus ne poenas exigit Ajax,  
Ut male defensus! curramus praecipites, &  
Dum jacet in ripa, calcemus Caesaris hostem.  
Sed videant fervi, ne quis neget, & pavidum in jus  
Cervice obstricta dominum trahat. Hi sermones  
Tunc de Sejano, secreta haec murmura vulgi.  
Visne salutare sicut Sejanus, habere

Tantundem, atque illi summas donare curuleis?  
Illum exercitibus praeponere? tutor haberi  
Principis Augusta Caprearum in rupe sedentis  
Cum grege Chaldaeo? Vis certe pila, cohorteis,  
Egregios equites, & castra domestica? quid ni  
Haec cupias? &, qui nolunt occidere quenquam,  
Posse volunt. Sed quae praeclara, & prospera tanti,  
Ut rebus laetis par sit mensura malorum?  
Hujus, qui trahitur, praetextam sumere mavis:  
An Fidenarum, Gabiorumque esse potestas,  
Et de mensura jus dicere, vasa minora  
Frangere pannosus vacuis Aedilis Ulubris?  
Ergo quid optandum foret, ignorasse fateris  
Sejahum. Nam qui nimios optabat honores,  
Et nimias poscebat opes: numerosa parabat  
Excelsae turris tabulata, unde altior esset  
Casus, & impulsae praeceps immane ruinae.  
Quid Crassos, quid Pompejos evertit? & illum,  
Ad sua qui domitos deduxit flagra Quirites?  
Summus nempe locus nulla non arte petitus,  
Magnaque Numinibus vota exaudita malignis.  
AD generum Cereris sine caede, & vulnere pauci



Descendunt reges, & sicca morte tyranni,

Eloquium, aut famam Demosthenis, aut Ciceronis

Incipit optare, & totis Quinquatribus optat,

Quisquis adhuc uno partam colit asse Minervam,

Quem sequitur custos angustae vernula captae.

Eloquio sed uterque perit orator: utrunque

Largus, & exundans letho dedit ingenii fons.

Ingenio manus est, & cervix caesa: nec unquam

Sanguine caussidici maduerunt rostra pusilli.

O fortunatam natam me consule Romam.

Anton! gladios potuit contemnere, si sic

Omnia dixisset. Ridenda poemata malo,

Quam te conspicuae divina Philippica famae,

Volveris a prima quae proxima. Saevus & illum

Exitus eripuit, quem mirabantur Athenae

Torrentes, & pleni moderantem fraena theatri,

Dis ille adversis genitus, fatoque sinistro,

Quem pater ardentis massae fuligine lippus

A carbone, & forcipibus, gladiosque parante

Incude, & luteo Vulcano ad rhetora misit.

Bellorum exuviae, truncis affixa tropaeis

Lorica, & fracta de casside buccula pendens,

Et curtum temone jugum, victaeque triremis  
Aplustre, & summo tristis captivus in arcu,  
Humanis majora bonis creduntur: ad hoc se  
Romanus, Grajusque, ac Barbarus induperator  
Erexit: causas discriminis, atque laboris  
Inde habuit: TANTO major famae sitis est, quam  
Virtutis; QUIS enim virtutem amplectitur ipsam,  
Praemia si tollas? Patriam tamen obruit olim  
Gloria paucorum, & laudis, titulique cupido  
Haesuri saxi cinerum custodibus: ad quae  
Discutienda valent sterilis mala robora ficus:  
Quandoquidem data sunt ipsis quoque fata sepulcris.  
Expende Hannibalem: quot libras in duce summo  
Invenies? hic est, quem non capit Africa Mauro  
Percussa oceano, Niloque admota tepenti.  
Rursus ad Aethiopum populos, altosque elephantes  
Additur imperiis Hispania: Pyrenaeum  
Transilit; opposuit natura Alpemque nivemque:  
Diducit scopulos, & montem rumpit aceto.  
Jam tenet Italiam: tamen ultra pergere tendit.  
Aetum, inquit, nihil est, nisi Poeno milite portas  
Frangimus, & media vexillum pono Subura.

O quævis facies, & quali digna tabella,

**Cum Gaetula ducem portaret bellua luscum?**

**Exitus ergo quis est? o gloria: vincitur idem**

**Nempe, & in exilium praeceps fugit, atque ibi**

**magnus,**

**Mirandusque cliens fedet ad praetoria regis,**

**Donec Bithyno libeat vigilare tyranno.**

**Finem animæ, quæ res humanas miscuit olim,**

**Non gladii, non saxa dabunt, nec tela; sed ille**

**Cannarum vindex, & tanti sanguinis ultor**

**Annulus. I demens, & faevas curre per Alpeis,**

**Ut pueris placeas, & declamatio fias!**

**Unus Pellaeo juveni non sufficit orbis:**

**Aestuat infelix angusto limite mundi,**

**Ut Gyarae claufus fcopulis , parvaque Seripho.**

**Cum tamen a figulis munitam intraverit urbem,**

**Sarcophago contentus erit. MORS sola fatetur,**

**Quantula sint hominum corpuscula. Creditur olim**

**Velificatus Athos, & quidquid Graecia mendax**

**Audet in historia: conſtratum claffibus Iſdem,**

**Suppositumque rotis solidum mare; credimus altos**

**Defecisse amneis, epotaque flumina Medo**

Prandente, & madidis cantat quae Sostratus alis.

Ille tamen, qualis rediit Salamine relicta,

In corum atque eorum solitus saevire flagellis

Barbarus, Aeolio nunquam hoc in carcere passos;

Ipsum compedibus qui vinxerat Ennosigaeum?

Mitius id fane, quod non & stigmate dignum

Credidit; huic quisquam vellet servire Deorum?

Sed qualis rediit? nempè una nave, cruentis

Fluctibus, ac tarda per densa cadavera prora.

Has toties optata exegit gloria poenas!

Da spacium vitae, multos da Jupiter annos!

Hoc recto vultu solum, hoc & pallidus optas.

Sed QUAM continuis & quantis longa senectus

Plena malis: deformem, & tetrum ante omnia vultum,

Dissimilemque sui, deformem pro cute pellem,

Pendenteisque genas, & taleis adspice rugas;

Qualeis, umbriferos ubi pandit Tabraca saltus,

In vetula scalpit jam mater simia bucca.

Plurima sunt juvenum discrimina: pulcrior ille

Hoc, atque ille alio; multum hic robustior illo:

Una senum facies, cum voce trementia membra,

Et jam laeve caput, madidique infantia nati,

Frangendus misero gingiva panis inermi:

Usque adeo gravis uxori, gnatisque, sibi que,

Ut captatori moveat fastidia Cossa.

Non eadem vini, atque cibi torpente palato

Gaudia: nam coitus jam longa oblivio; vel si

Coneris, jacet exiguus cum ramice nervus;

Et, quamvis tota palpetur nocte, jacebit.

Anne aliquid sperare potest haec inguinis aegri

Canities? quid, quod merito suspecta libido est,

Quae Venerem affectat sine viribus? adspice partis

Nunc damnum alterius. Nam quae cantante voluptas,

Sit licet eximius, citharoedo, sive Seleuco,

Et quibus aurata mos est fulgere lacerna?

Quid refert, magni sedeat qua parte theatri,

Qui vix cornicines exaudiet, atque tubarum

Concentus? Clamore opus est, ut sentiat auris,

Quem dicat venisse puer, quot nuntiet horas.

Praeterea minimus gelido jam in corpore sanguis

Febre calet sola; circumfilit agmine facto

Morborum omne genus: quorum si nomina quaeras,

Promptius expediam, quot amaverit Hippiam moechos,

Quot Themison aegros autumnis occiderit uno,

Quot Basilus socios, quot circumscripserit Hirrus  
Pupillos; quot longa viros exforbeat uno  
Maura die; quot discipulos inclinet Hamillus;  
Percurram citius, quot villas possideat nunc,  
Quo tondente gravis juveni mihi barba sonabat.  
Ille humero, hic lumbis, hic coxa debilis, ambos  
Perdidit ille oculos, & luscis invidet: hujus  
Pallida labra cibum accipiunt digitis alienis.  
Ipse ad conspectum coenae diducere rictum  
Suetus, hiat tantum, ceu pullus hirundinis, ad quem  
Ore volat pleno mater jejuna. Sed omni  
Membrorum damno major dementia, quae nec  
Nomina servorum, nec vultum agnoscit amici,  
Cum quo praeterita coenavit nocte; nec illos,  
Quos genuit, quos eduxit. Nam codice saevo  
Haeredes vetat esse suos, bona tota feruntur  
Ad Phialen: tantum artificis valet halitus oris,  
Quod steterat multis in carcere fornicis annis.  
Ut vigeant sensus animi, ducenda tamen sunt  
Funera gnatorum, rogos adspiciendus amatae  
Conjugis, & fratris, plenaeque sororibus urnae.  
Haec data poena diu viventibus, ut renovata

Semper clade domus multis in luctibus, inque  
Perpetuo moerore, & nigra veste senescant.  
Rex Pylius, magno si quidquam credis Homero,  
Exemplum vitae fuit a cornice secundae.  
Felix nimirum, qui tot per secula mortem  
Distulit, atque suos jam dextra computat annos,  
Quique novum toties mustum bibit. Oro, parumper  
Attendas, quantum de legibus ipse queratur  
Fatorum, & nimio de stamine, cum vidit acris  
Antilochi barbam ardentem: cum quaerit ab omni,  
Quisquis adest socius, cur haec in tempora duret,  
Quod facinus dignum tam longo admiserit aeo?  
Haec eadem Peleus, raptum cum luget Achillem,  
Atque alius, cui fas Ithacum lugere natantem.  
Incolumi Troja Priamus venisset ad umbras  
Assaraci magnis solennibus, Hectore funus  
Portante, ac reliquis fratrum cervicibus, inter  
Iliadum lacrymas, ut primos edere planctus  
Cassandra inciperet, scissaque Polyxena palla:  
Si foret extinctus diverso tempore, quo non  
Cooperat audaces Paris aedificare carinas.  
Longa dies igitur quid contulit? omnia vidit

Everſa, & flammis Aſiam, ferroque cadentem.  
Tunc miles tremulus poſita tulit arma tiara,  
Et ruit ante aram ſummi Jovis, ut vetulus bos,  
Qui domini cultris tenue, & miſerabile collum  
Præbet, ab ingrato jam faſtiditus aratro.  
Exitus ille utcunque hominis: ſed torva canino  
Latravit riſtu, quæ poſt hunc vixerat, uxor.  
Feſtino ad noſtros, & regem tranſeo Ponti,  
Et Croeſum, quem vox juſti facunda Solonis  
RESPICERE ad longæ juſſit ſpacia ultima vitæ.  
Exſilium, & carcer, Minturnarumque paludes,  
Et mendicatus viſta Carthagine panis  
Hinc cauſas habuere. Quid illo cive tuliſſet  
Natura in terris, quid Roma beatius unquam;  
Si circumducto captivorum agmine, & omni  
Bellorum pompa, animam exhaſſet opimam,  
Cum de Teutonico vellet deſcendere curru?  
Provida Pompejo dederat Campania febreis  
Optandas: ſed multæ urbes, & publica vota  
Vicerunt. Igitur fortuna ipſius & Urbis  
Servatum viſto caput abſtulit. Hoc cruciatu  
Lentulus, hac poena caruit, ceciditque Cethegus



**Integer, & jacuit Catilina cadavere toto.**

**Formam optat modico pueris, majore puellis  
Murmure, cum Veneris fanum videt anxia mater,  
Usque ad delicias votorum. Cur tamen, inquit,  
Corripias? pulcra gaudet Latona Diana.**

**Sed vetat optari faciem Lucretia, qualem  
Ipsa habuit; cuperet Rutilae Virginia gibbum  
Accipere, atque suam Rutilae dare; filius autem  
Corporis egregii, miseros trepidosque parentes  
Semper habet. RARA est adeo concordia formae,  
Atque pudicitiae! sanctos licet horrida mores  
Tradiderit domus, ac veteres imitata Sabinos:  
Praeterea castum ingenium, vultumque modesto  
Sanguine ferventem tribuat natura benigna  
Larga manu: (quid enim puero conferre potest plus,  
Custode & cura natura potentior omni?)**

**Non licet esse viros: nam prodiga corruptoris  
Improbilas ipsos audet tentare parentes.**

**Tanta in muneribus fiducia! nullus ephebum  
Deformem saeva castravit in arce tyrannus:**

**Nec praetextatum rapuit Nero loripedem, nec  
Strumosum, atque utero pariter, gippoque tumentem.**

I nunc, & juvenis specie laetare tui! quem  
Majora expectant discrimina? fiet adulter  
Publicus, & poenas metuet, quascunque maritis  
Iratis debet: nec erit felicior astro  
Martis, ut in laqueos nunquam incidat. Exigit autem  
Interdum ille dolor plus, quam lex ulla dolori  
Concessit; necat hic ferro, fecat ille cruentis  
Verberibus, quosdam moechos & mugilis intrat.  
Sed tuus Endymion dilectae fiet adulter  
Matronae: mox cum dederit Servilia nummos,  
Fiet & illius, quam non amat: exuet omnem  
Corporis ornatum. Quid enim ulla negaverit udis  
Inguinibus, siue est haec Oppia, siue Catulla?  
Deterior totos habet illic foemina mores.  
Sed casto quid forma nocet? quid profuit immo  
Hippolyto grave propositum? quid Bellerophonti?  
Erubuit nempe haec, ceu fastidita, repulso.  
Nec Sthenoboea minus, quam Cressa excanduit, & se  
Concussere ambae. MULIER saevissima tunc est,  
Cum stimulos odio pudor admovet; elige quidnam  
Suadendum esse pudes, cui nubere Caesaris uxor  
Destinat. Optimus hic, & formosissimus idem

Gentis patriciae rapitur miser exstinguendus  
Messalinae oculis: dudum fedet illa parato  
Flameolo, Tyriusque palam genialis in hortis  
Sternitur, & ritu decies centena dabuntur.  
Antiquo: veniet cum signatoribus auspex.

\* Haec tu secreta, & paucis commissa putabas.  
Non, nisi legitime, vult nubere: quid placeat, dic:  
Ni parere velis, pereundum erit ante lucernas:  
Si scelus admittas, dabitur mora parvula, dum res  
Nota Urbi & populo contingat Principis aureis.  
Dedecus ille domus sciet ultimus: interea tu  
Obsequere imperio, sit tanti vita dierum  
Paucorum; quidquid melius, leviusque putaris,  
Praebenda est gladio pulcra haec, & candida cervix.

Nil ergo optabunt homines? Si consilium vis,  
Permites ipsis expendere numinibus, quid  
Conveniat nobis, rebusque sit utile nostris.  
Nam pro jucundis aptissima quaeque dabunt DI.  
CARIOR est illis homo, quam sibi. Nos animorum  
Impulsu, & coeca magnaue cupidine ducti,  
Conjugium petimus, partumque uxoris: at illis  
Notum, qui pueri, qualisque futura sit uxor.

Ut tamen & poscas aliquid, voveasque facellis  
Extā, & candiduli divina tomacula porci:  
ORANDUM est, ut sit mens sana in corpore sano.  
Fortem posce animum; mortis terrore carentem:  
Qui spatium vitae extremum inter munera ponat  
Naturae, qui ferre queat quoscunque labores,  
Nesciat irasci, cupiat nihil, & potiores  
Herculis aerumnas credat saevosque labores,  
Et Venere, & coenis, & pluma Sardanapali.  
Monstro, quod ipse tibi possis dare. SEMITA certe  
Tranquillae per virtutem patet unica vitae.  
Nullum numen habes, si sit prudentia, nos te  
Nos facimus, Fortuna, Deam, coeloque locamus.

---

## SATYRA XI.

Atticus eximie si coenat, lautus habetur:  
Si Rutilus, demens. Quid enim majore cachinno  
Excipitur vulgi, quam pauper Apicius? omnis  
Convictus, thermae, stationes, omne theatrum  
De Rutilo. Nam dum valida, ac juvenilia membra

Sufficiunt galeae, dumque ardens sanguine fertur;  
 Non cogente quidem, sed nec prohibente tribuno  
 Scripturus leges & regia verba lanistae.

Multos porro vides, quos saepe elusus ad ipsum  
 Creditor introitum solet expectare macelli,  
 Et quibus in solo vivendi causa palato est.

Egregius coenat, meliusque miserrimus horum,  
 Et cito casurus jam perlucente ruina.

Interea gustus elementa per omnia quaerunt,  
 Nunquam animo precii obstantibus: interius si  
 Attendas, MAGIS illa juvant, quae pluris emuntur.  
 Ergo haud difficile est, perituram arcessere summam  
 Lancibus oppositis, vel matris imagine fracta:

Et quadringentis nummis condire gulosum  
 Fictile, sic veniunt ad miscellanea ludi.

Refert ergo, quis haec eadem paret: in Rutilo nam  
 Luxuria est; in Ventidio laudabile nomen  
 Sumit, & a censu famam trahit. Illum ego jura  
 Despiciam, qui scit, quanto sublimior Atlas  
 Omnibus in Libya sit montibus: hic tamen idem  
 Ignoret, quantum ferrata distet ab arca  
 Sacculus. E coelo descendit γυνῆς σεαυτὸν,

Figendum, & memori tractandum pectore, five  
Conjugium quaeras, vel sacri in parte fenatus  
Esse velis. Nec enim loricam poscit Achillis  
Thersites, in qua se transducebat Ulysses:  
Ancipitem; seu tu magno discrimine causam  
Protegere affectas; te consule, dic tibi, quis sis,  
Orator vehemens, an Curtius & Matho buccae.  
NOSCENDA est mensura sui, spectandaque rebus  
In summis, minimisque: etiam cum piscis emetur,  
Ne mullum cupias, cum sit tibi gobio tantum  
In oculis. Quis enim te deficiente crumena,  
Et crescente gula, manet exitus; aere paterno;  
Ac rebus meris in ventrem, foenoris atque  
Argenti gravis, & pecorum, agrorumque capacem?  
Talibus a dominis post cuncta novissimus exit  
Annulus, & digito mendicat Pollio nudo.  
Non praematuri cineres, nec funus acerbum  
Luxuriae; sed morte magis metuenda senectus.  
Hi plerunque gradus: conducta pecunia Romae,  
Et coram dominis consumitur; inde ubi paullum,  
Nescio quid, superest, & pallet foenoris aucter;  
Qui vertere solum, Bajas, & ad ostrea currunt.

Cedere namque foro jam non est deterius, quam  
Esquílias a ferventi migrare Subura.

Ille dolor solus patriam fugientibus, illa  
Moestitia est, caruisse anno Circensibus uno.

Sanguinis in facie non haeret gutta: morantur  
Pauci ridiculum effugientem ex Urbe pudorem.

Experire hodie, nunquid pulcerrima dictu,  
Perfice, non praestem vita vel moribus, & re:  
Sed laudem filiquas occultus ganeo, pultes  
Coram aliis dictem puero; sed in aure, placentas.  
Nam cum sis conviva mihi promissus, habebis  
Evandrum, venies Tirinthius, aut minor illo  
Hospes, & ipse tamen contingens sanguine coelum:  
Alter aquis, alter flammis ad sidera missus.

Fercula nunc audi nullis ornata macellis.

De Tiburtino veniet pinguis agros

Hoedulus, & toto grege mollior, infcius herbae,  
Necdum ausus virgas humilis mordere salicti,

Qui plus lactis habet, quam sanguinis; & montani  
Asparagi, posito quos legit villica fuso.

Grandia praeterea, tortoque calentia foeno

Ova adsunt ipsis cum matribus, & servatae

Parte

Parte anni, quales fuerant in vitibus, uvae:  
Signinum Syriumque pirum, de corbibus Isdem  
Aemula Picenis, & odoris mala recentis,  
Nec metuenda tibi, siccatum frigore postquam  
Autumnum, & crudi posuere pericula succi.  
Haec olim nostri jam luxuriosa senatus  
Coena fuit. Curius, parvo quae legerat horto,  
Ipse focus brevibus ponebat oluscula: quae nunc  
Squalidus in magna fastidit compede fossor,  
Qui meminit, calidae sapiat quid vulva popinae.  
Sicci terga suis, rara pendentia crate,  
Moris erat quondam festis servare diebus,  
Et natalitium cognatis ponere lardum,  
Accedente nova, si quam dabat hostia, carne.  
Cognatorum aliquis titulo ter Consulis, atque  
Castrorum imperiis, & Dictatoris honore  
Functus, ad has epulas solito maturius ibat,  
Erectum domito referens a monte ligonem.  
Cum tremarent autem Fabios, durumque Catonem,  
Et Scauros, & Fabricios, postremo severos  
Censoris mores etiam collega timeret:  
Nemo inter curas, & seria duxit habendum,



Qualis in Oceani fluctu testudo nataret,  
Clarum Trojugenis factura, ac nobile fulcrum:  
Sed nudo latere, & parvis frons aerea lectis  
Vile coronati caput ostendebat aselli,  
Ad quod lascivi ludebant ruris alumni.  
Tales ergo cibi, qualis domus, atque supellex.  
Tunc rudis, & Grajas mirari nescius artem,  
Urbibus everfis praedarum in parte reperta  
Magnorum artificum frangebat pocula miles,  
Ut phaleris gauderet equus, caelataque cassis  
Romuleae simulacra ferae mansuescere jussae  
Imperii fato, geminos sub rupe Quirinos,  
Ac nudam effigiem clypeo venientis, & hasta,  
Pendentisque Dei perituro ostenderet hosti.  
Argenti quod erat, solis fulgebat in armis.  
Ponebant igitur Tusco farrata catino  
Omnia tunc: quibus invidetas, & lividulus sis.  
Templorum quoque majestas praesentior, & vox  
Nocte fere media, mediamque audita per Urbem  
Litore ab Oceani Gallis venientibus, & Dis  
Officium vatis peragentibus, his monuit nos.  
Hanc rebus Latiis curam praestare solebat

Fistilis, & nullo violatus Jupiter auro.  
Illa domi natas, nostraque ex arbore menfas  
Tempora viderunt: hoc lignum stabat ad usus,  
Annosam si forte nucem dejecerat Eurus.  
At nunc divitibus coenandi nulla voluptas,  
Nil rhombus, nil dama sapit: putere videntur  
Unguenta, atque rosae; latos nisi sustinet orbeis  
Grande ebur, & magno sublimis pardus hiatu,  
Dentibus ex illis, quos mittit porta Syenes,  
Et Mauri celeres, & Mauro obscurior Indus,  
Et quos deposuit Nabathaeo bellua saltu,  
Jam nimios, capitique graveis. Hinc surgit orexis,  
Hinc stomacho vires: nam pes argenteus illis,  
Annulus in digito quod ferreus. Ergo superbum  
Convivam caveo, qui me sibi comparat, & res  
Despicit exiguas. Adeo nulla uncia nobis  
Est eboris, nec tessellae, nec calculus ex hac  
Materia: quin ipsa manubria cultellorum  
Ossea: non tamen his ulla unquam obsonia fiunt  
Rancidula, aut ideo pejor gallina secatur.  
Sed nec structor erit, cui cedere debeat omnis  
Pergula, discipulus Trypheri doctoris, apud quem

Sumine cum magno lepus, atque aper, & pygargus,  
Et Scythicae volucres, & phoenicopterus ingens,  
Et Gaetulus oryx, hebeti lautissima ferro  
Caeditur, & tota sonat ulmea coena Subura.  
Nec frustum capreae subducere, nec latus Afrae  
Novit avis noster tirunculus, ac rudis omni  
Tempore, & exiguae furtis imbutus ofellae.  
Plebejos calices & paucis assibus emtos  
Porriget incultus puer, atque a frigore tutus;  
Non Phryx, aut Lycius, non a mangone petitus  
Quisquam erit in magno: cum posces, posce Latine.  
Idem habitus cunctis, tonsi, rectique capilli,  
Atque hodie tantum propter convivia pexi.  
Pastoris duri est hic filius: ille bubulci  
Suspirat longo non visam tempore matrem,  
Et casulam, & notos tristis desiderat hoedos.  
Ingenui vultus puer, ingenuique pudoris,  
Qualeis esse decet, quos ardens purpura vestit;  
Nec pugillareis defert in balnea raucus  
Testiculos, nec vellendas jam praebeuit alas,  
Crassa nec opposito pavidus tegit inguina gutto:  
Hic tibi vina dabit, diffusa in montibus illis,

A quibus ipse venit, quorum sub vertice lufit:  
Namque una, atque eadem est vini patria, atque  
ministri.

Forſitan exſpectes, ut Gaditana canoro  
Incipiat prurire choro, plaufuque probatae  
Ad terram tremulo descendant clune puellae;  
Irritamentum Veneris languentis, & acres  
Divitis urticae: major tamen iſta voluptas  
Alterius ſexus: magis ille extenditur, & mox  
Auribus, atque oculis concepta urina movetur.  
Non capit has nugas humilis domus: audiat ille  
Teſtarum crepitus cum verbis, nudum olido ſtans  
Fornice mancipium quibus abſtinet, ille fruatur  
Vocibus obſcoenis, omnique libidinis arte,  
Qui Lacedaemonium pytiſmate lubricat orbem:  
Namque ibi fortunae veniam damus. Alea turpis,  
Turpe & adulterium mediocribus: haec eadem illi  
Omnia cum faciant, hilares, nitidique vocantur.  
Noſtra dabunt alios hodie convivia ludos:  
Conditor Iliados cantabitur, atque Maronis  
Altiſoni dubiam facientia carmina palmam.  
Quid refert, tales verſus qua voce legantur?

Sed nunc dilatis averte negotia curis,  
Et gratam requiem dona tibi, quando licebit  
Per totam cessare diem; non fœnoris ulla  
Mentio, nec, prima si luce egressa, reverti  
Nocte solet, tacito bilem tibi contrahat uxor,  
Humida suspectis referens multicia rugis,  
Vexataeque comas, & vultum, auremque calentem.  
Protinus ante meum, quidquid dolet, exue limen:  
Pone domum, & fervos, & quidquid frangitur illis,  
Aut perit: ingratos ante omnia pone sodaleis.

Interea Megalesiacae spectacula mappae,  
Idaeum sollenne colunt, similisque triumpho  
Praeda caballorum Praetor sedet, ac, mihi pace  
Immensae nimiaeque licet si dicere plebis,  
Totam hodie Romam circus caput, & fragor aurem  
Percutit, eventum viridis quo colligo panni.  
Nam, si deficeret, moestam, attonitamque videres  
Hanc urbem, veluti Cannarum in pulvere victis  
Consulibus. Spectent juvenes, quos clamor, & audax  
Sponsio, quos cultae decet assedisse puellae:  
Spectent hoc nuptae juxta recubante marito,  
Quod pudeat narrasse aliquem praesentibus ipsi:

Nostra bibat verum contracta cuticula solem,  
Effugiatque togam. Jam nunc in balnea, salva  
Fronte, licet vadas, quanquam solida hora super sit  
Ad sextam; facere hoc non possis quinque diebus  
Continuis: quia sunt talis quoque taedia vitae  
Magna. VOLUPTATES commendat rarior usus.

---

## SATYRA XII.

Natali, Corvine, die mihi dulcior haec lux,  
Qua festas promissa Deis animalia cespes  
Exspectat: niveam Reginae caedimus agnam.  
Par vellus dabitur pugnanti Gorgone Maura.  
Sed procul extensum petulans quatit hostia funem,  
Tarpejo fervata Jovi, frontemque coruscat:  
Quippe ferox vitulus, templis maturus, & arae,  
Spargendusque mero, quem jam pudet ubera matris  
Ducere, qui vexat nascenti robora cornu.  
Si res ampla domi, similisque adfœcibus esset,  
Pinguior Hispulla traheretur taurus, & ipsa  
Mole piger, nec finitima nutritus in herba;

Laeta sed ostendens Clitumni pascua sanguis  
Iret, & a grandi cervix ferienda ministro,  
Ob reditum trepidantis adhuc; horrendaque passu  
Nuper, & incolumem sese mirantis amici.  
Nam praeter pelagi casus, & fulguris ictum  
Evassi, densae coelum abscondere tenebrae  
Nube una, subitusque antennas impulit ignis;  
Cum se quisque illo percussus crederet, & mox  
Attonitus nullum conferri posse putaret  
Naufragium velis ardentibus. Omnia fiunt  
Talia, tam graviter, si quando poetica surgit  
Tempeestas; genus ecce aliud discriminis: audi,  
Et miserere iterum, quanquam sint cetera fortis  
Ejusdem: pars dira quidem, sed cognita multis,  
Et quam votiva testantur fana tabella  
Plurima. Pictores quis nescit ab Iside pasci?  
Accidit & nostro similis fortuna Catullo.  
Cum plenus fluctu medius foret alveus, & jam,  
Alternum puppis latus evertentibus undis  
Arboris incertae, nullam prudentia cani  
Rektoris conferret opem: decidere iactu  
Coepit cum ventis, imitatus Castora, qui se

Eunuchum ipse facit, cupiens evadere damno  
Testiculorum: adeo medicatum intelligit inguen.  
Fundite, quae mea sunt, dicebat, cuncta Catullus,  
Praecipitare volens etiam pulcerrima, vestem  
Purpuream teneris quoque Maecenatibus aptam,  
Atque alias, quarum generosi graminis ipsum  
Infecit natura pecus, sed & egregius fons  
Viribus occultis, & Baeticus adjuvat aer.  
Ille nec argentum dubitabat mittere, lances  
Parthenio factas, urnae cratera pacem,  
Et dignum sitiente Pholo, vel conjuge Fusci.  
Adde & bascaudas, & mille escaria, multum  
Caelati, biberat quo callidus emtor Olynthi.  
Sed quis nunc alius, qua mundi parte, quis audet  
Argento praeferre caput, rebusque salutem?  
Non propter vitam faciunt patrimonia quidam,  
Sed vitio coeci propter patrimonia vivunt.  
Jactatur rerum utilium pars maxima: sed nec  
Damna levant. Tunc, adversis urgentibus, illuc  
Recidit, ut malum ferro summitteret, ac se  
Explicat angustum, discriminis ultima quando  
Praesidia afferimus, navem factusa minorem.



I nunc, & ventis animam committe, dolato  
Confusus ligno, digitis a morte remotus  
Quatuor, aut septem, si sit latissima taeda!  
Mox cum reticulis, & pane, & ventre lagenae  
Adspice fumendas in tempestate secureis.  
Sed postquam jacuit planum mare, tempora postquam  
Prospera vectoris, fatumque valentius Euro,  
Et pelago; postquam Parcae meliora benigna  
Pensa manu ducunt hilares, & staminis albi  
Lanificae: modica nec multum fortior aura  
Ventus adest: inopi miserabilis arte cucurrit  
Vestibus extentis, &, quod superaverat, unum,  
Velo prora suo: jam deficientibus Austris,  
Spes vitae cum sole redit: tum gratus Julo,  
Atque novercali sedes praelata Lavino,  
Conspicitur sublimis apex: cui candida nomen  
Scrofa dedit, laetis Phrygibus mirabile fumen,  
Et nunquam visis triginta clara mamillis.  
Tandem intrat positas inclusa per aequora moles,  
Tyrrhenamque Pharon, porrectaque brachia rursus,  
Quae pelago currunt medio, longeque relinquunt  
Italiam. Non sic igitur mirabere portus,

Quos natura dedit: sed trunca puppe magister  
Interiora petit Bajanae pervia cymbae  
Tuti stagna sinus. Gaudent ibi vertice raso  
Garrula securi narrare pericula nautae.  
Ite igitur pueri, linguis, animisque faventes,  
Sertaque delubris, & farra imponite cultris,  
Ac molleis ornate focos, glebamque virentem:  
Jam sequar, & sacro, quod praestat, rite peracto,  
Inde domum repetam, gracileis ubi parva coronas  
Accipiunt fragili simulacra nitentia cera.  
Heic nostrum placabo Jovem, Laribusque paternis  
Thura dabo, atque omneis violae jactabo colores.  
Cuncta nitent, longos erexit janua ramos,  
Et matutinis operitur festa lucernis.  
Nec suspecta tibi sint haec, Corvine: Catullus,  
Pro cujus reditu tot pono altaria, parvos  
Tres habet haeredes. Libet expectare, quis aegram  
Et claudentem oculos gallinam impendat amico  
Tam sterili. Verum haec nimia est impensa: coturnix  
Nulla unquam pro patre cadet. Sentire calorem  
Si coepit locuples Gallita, & Paccius, orbi:  
Legitime fixis vestitur tota tabellis

Porticus; existunt, qui promittant hetacomben :  
Quatenus heic non sunt, nec venales elephantis,  
Nec Latio, aut usquam sub nostro fidere talis  
Bellua concipitur: sed furva gente petita  
Arboribus Rutulis, & Turni pascitur agro  
Caesaris armentum, nulli servire paratum  
Privato; siquidem Tyrio parere solebant  
Hannibali, & nostris ducibus, regique Molosso,  
Horum majores, ac dorso ferre cohorteis,  
Partem aliquam belli, & euntem in praelia turrem.  
Nulla igitur mora per Novium, mora nulla per Istrum  
Pacuvium, quin illud ebur ducatur ad aras,  
Et cadat ante Lareis Gallitae victima sola,  
Tantis digna Deis, & captatoribus horum.  
Alter enim, si concedas mactare, vovebit  
De grege fervorum magna aut pulcerrima quaeque  
Corpora, vel pueris, & frontibus ancillarum  
Imponet vittas, &, si qua est nubilis illi  
Iphigeneia domi, dabit hanc altaribus; etsi  
Non sperat tragicae furtiva piacula cervae.  
Laudo meum civem, nec comparo testamento  
Mille rates: nam si Libitinam evaserit aeger,

Delebit tabulas, inclusus carcere nassae,  
Post meritum sane mirandum, atque omnia soli  
Forſan Pacuvio breviter dabit. Ille ſuperbus  
Incedet victis rivalibus. Ergo vides, quam  
Grande operae precium faciat jugulata Mycenis.

Vivat Pacuvius, quaeso, vel Nestora totum:  
Possideat, quantum rapuit Nero: montibus aurum  
Exaequet, nec amet quenquam, nec ametur ab ullo!

---

## S A T Y R A XIII.

Exemplo quodcunque malo committitur, ipſe  
Diſplicet auctori. PRIMA eſt haec ultio, quod, ſe  
Judice, nemo nocens absolvitur, improba quamvis  
Gratia fallaci praetoris vicerit urna.  
Quid ſentire putas omneis, Calvine, recenti  
De ſcelere, & fidei violatae crimine? ſed nec  
Tam tenuis cenſus tibi contigit, ut mediocriſ  
Jaſturae te mergat onus: nec rara videmus,  
Quae pateris; caſus multis hic cognitus, ac jam  
Tritus, & e medio Fortunae ductus acervo.

Ponamus nimios gemitus: flagrantior aequo  
Non debet dolor esse, viri, nec vulnere major.  
Tu, quamvis levium minimam, exiguamque malorum  
Particulam vix ferre potes, spumantibus ardens  
Visceribus, sacrum tibi, quod non reddat amicus  
Depositum. Stupet haec, qui jam post terga reliquit  
Sexaginta annos, Fontejo consule natus?  
An nihil in melius tot rerum proficit usu?  
Magna quidem, sacris quae dat praecepta libellis,  
VICTRIX Fortunae Sapientia. Ducimus autem  
Hos quoque felices, qui ferre incommoda vitae,  
Nec jactare jugum vita didicere magistra,  
Quae tam festa dies, ut cesset prodere furem,  
Perfidiam, fraudes, atque omni ex crimine lucrum  
Quaesitum, & partos gladio, vel pyxide nummos?  
RARI quippe boni: numerus vix est totidem, quot  
Thebarum portae, vel divitis ostia Nili.  
Nona aetas agitur, pejoraque secula ferri  
Temporibus: quorum scelери non invenit ipsa  
Nomen, & a nullo posuit natura metallo.  
Nos hominum Divumque fidem clamore ciemus,  
Quanto Faesidium laudat vocalis agentem

Sportula. Dic senior bulla dignissime, nescis,  
Quas habeat Veneres aliena pecunia? nescis,  
Quem tua simplicitas risum vulgo moveat, cum  
Exigis a quoquam, ne pejeret: & putet ullis  
Esse aliquod numen templis, araeque rubenti?  
Quondam hoc indigenae vivebant more, prius quam  
Sumeret agrestem posito diademate falcem  
Saturnus fugiens; tunc, cum virguncula Juno,  
Et privatus adhuc Idaeis Jupiter antris.  
Nulla super nubes convivia Coelicolarum,  
Nec puer Iliacus, formosa nec Herculis uxor  
Ad cyathos, etiam ficcato nectare tergens  
Brachia Volcanus Liparaea nigra taberna.  
Prandebat sibi quisque Deus, nec turba Deorum  
Talis, ut est hodie, contentaque sidera paucis  
Numinibus miserum urgebant Atlanta minori  
Pondere. Nondum aliquis sortitus triste profundi  
Imperium, aut Sacula torvus cum conjuge Pluton.  
Nec rota, nec Furiae, nec saxum, aut vulturis atri  
Poena: sed infernis hilares sine regibus umbrae.  
Improbis illo fuit admirabilis aevo.  
Credebant hoc grande nefas, & morte piandum,

Si juvenis vetulo non affurrexerat, & si  
Barbato cuicunque puer; licet ipse videret  
Plura domi fraga, & majores glandis acervos.  
Tam venerabile erat praecedere quatuor annis,  
Primaque par adeo facrae lanugo senectae!  
Nunc, si depositum non inficietur amicus,  
Si reddat veterem cum tota aerugine follem,  
Prodigiola fides, & Tuscis digna libellis,  
Quaeque coronata lustrari debeat agna.  
Egregium, sanctumque virum, si cerno, bimembri  
Hoc monstrum puero, vel mirandis sub aratro  
Piscibus inventis, & foetae comparo mulae  
Sollicitus, tanquam lapides effuderit imber,  
Examenque apium longa confederit uva  
Culmine delubri, tanquam in mare fluxerit amnis  
Gurgitibus miris, & lactis vortice torrens.  
Intercepta decem quereris sestertia fraude  
Sacrilega? quid si bis centum perdidit alter  
Hoc arcana modo? majorem tertius illa  
Summam, quam patulae vix ceperat angulus arcae?  
Tam facile & pronum est superos contemnere testeis,  
Si mortalis idem nemo sciat! Adspice, quanta

Voce

Voce neget, quae sit ficti constantia vultus?  
Per folis radios, Tarpejaque fulmina jurat,  
Et Martis frameam, & Cirrhaei spicula vatis.  
Per calamos venatricis pharetramque puellae,  
Perque tuum, pater Aegei Neptune, tridentem:  
Addit & Herculeos arcus, hastamque Minervae,  
Quidquid habent telorum armamentaria coeli.  
Si vero & pater est: comedam, inquit, flebile gnati  
Sinciput elixi, Pharioque madentis aceto.

Sunt, in fortunae qui casibus omnia ponant,  
Et nullo credant mundum rectore moveri,  
Natura volvente vices & lucis, & anni,  
Atque ideo intrepidi quaecunque altaria tangunt.  
Est alius metuens, ne crimen poena sequatur:  
Hic putat esse Deos, & pejerat, atque ita secum:  
Decernat, quodcunque volet de corpore nostro  
Ilis, & irato feriat mea lumina sistro,  
Dummodo vel coecus teneam, quos abnego, nummos,  
Et phthisis, & vomicae putres, & dimidium crus  
Sunt tanti? pauper locupletem optare podagram  
Nec dubitet Ladas, si non eget Anticyra, nec  
Archigene. Quid enim velocis gloria plantae



Praestat, & esuriens Pisanae ramus olivae?

Ut sit magna, tamen certe LENTA ira Deorum est.

Si curant igitur cunctos punire nocentes,

Quando ad me venient? sed & exorabile numen

Fortasse experiar, solet his ignoscere. MULTI

Committunt eadem diverso crimina fato:

Ille crucem sceleris precium tulit, hic diadema.

Sic animum dirae trepidum formidine culpa

Confirmant; tunc te sacra ad delubra vocantem

Praecedit, trahere immo ultro, ac vexare paratus.

Nam, CUM magna malae superest audacia caussae,

Creditur a multis fiducia. Mimic agit ille,

Urbani qualem fugitivus scurra Catulli:

Tu miser exclamas, ut Stentora vincere possis,

Vel potius, quantum Gradivus Homericus: audis

Jupiter haec, nec labra moves, cum mittere vocem

Debueras, vel marmoreus, vel aeneus? aut cur

In carbone tuo charta pia thura soluta

Ponimus, & sectum vituli jecur, albaque porci

Omenta? ut video, nullum discrimen habendum est

Effigies inter vestras, statuamque Vagelli.

Accipe, quae contra valeat solatia ferre,

Et qui nec Cynicos, nec Stoica dogmata legit  
A Cynicis tunica distantia, non Epicurum  
Suspicit exigui laetum plantaribus horti.  
Curentur dubii medicis majoribus aegri;  
Tu venam vel discipulo committe Philippi.  
Si nullum in terris tam detestabile factum  
Ostendis, taceo, nec pugnīs caedere pectus  
Te veto, nec plana faciem contundere palma:  
Quandoquidem accepto claudenda est janua damno,  
Et majore domus gemitu, majore tumultu  
Planguntur nummi, quam funera. Nemo dolorem  
Fingit in hoc casu, vestem diducere summam  
Contentus, vexare oculos humore coacto.  
Ploratur lacrimis amissa pecunia veris.  
Sed si cuncta vides simili fora plena querela:  
Si, decies lectis diversa parte tabellis,  
Vana supervacui dicunt cheirographa ligni,  
Arguit ipforum quos littera: gemmaque princeps  
Sardonium, oculis quae custoditur eburnis:  
Te nunc delicias extra communia censes  
Ponendum: qui tu gallinae filius albae;  
Nos viles pulli nati infelicibus ovis!

Rem pateris modicam, & mediocri bile ferendam,  
Si flectas oculos majora ad crimina. Confer  
Conductum latronem, incendia sulfure coepta,  
Atque dolo, primos cum janua colligit igneis:  
Confer & hos, veteris qui tollunt grandia templi  
Pocula adorandae robiginis, & populorum  
Dona, vel antiquo positas a rege coronas.  
Haec ibi si non sunt, minor exstat sacrilegus, qui  
Radat inaurati femur Herculis, & faciem ipsam  
Neptuni; qui bracteolam de Castore ducat.  
An dubitet solitus totum conflare tonantem?  
Confer & artifices, mercatoremque veneni,  
Et deducendum corio bovis in mare, cum quo  
Clauditur adversis innoxia simia fatis.  
Haec quota pars scelerum, quae custos Gallicis Urbis  
Usque a Lucifero, donec lux occidat, audit?  
Humani generis mores tibi nosse volenti  
Sufficit una domus; paucos consume dies, &  
Dicere te miserum, postquam illinc veneris, aude.  
Quis tumidum guttur miratur in Alpibus? aut quis  
In Meroe crasso majorem infante mamillam?  
Caerula quis stupuit Germani lumina, flavam

Caesariem , & madido torquentem cornua cirro ?

Nempe quod haec illis natura est omnibus una.

Ad subitas Thracum volucres, nubemque sonoram

Pygmaeus parvis currit bellator in armis :

Mox impar hosti , raptusque per aera curvis

Unguibus a saeva fertur grue. Si videas hoc

Gentibus in nostris, risu quatiare : sed illic ,

Quanquam eadem assidue spectentur praelia, ridet

Nemo , ubi tota cohors pede non est altior uno.

Nullane perjuri capitis, fraudisque nefandae

Poena erit ? abreptum crede hunc graviore catena

Protinus, & nostro (quid plus velit ira ?) necari.

Arbitrio. Manet illa tamen jactura, nec unquam

Depositum tibi sospes erit : sed corpore trunca

Invidiosa dabit minimus solatia sanguis.

At VINDICTA bonum vita jucundius ipsa :

Nempe hoc indocti , quorum praecordia nullis

Interdum , aut levibus videas flagrantia causis.

Quantulacunque adeo est occasio, sufficit irae.

Chrysippus non dicet idem , nec mite Thaletis

Ingenium , dulcique senex vicinus Hymetto,

Qui partem acceptae saeva inter vincla cicutae

Accusatori nollet dare. Plurima felix  
Paullatim vitia, atque errores exuit omneis,  
Prima docet rectum sapientia: quippe MINUTI  
Semper, & infirmi est animi, exiguique voluptas  
Ultio: continuo sic collige, quod vindicta  
Nemo magis gaudet, quam foemina. Cur tamen hos tu  
Evasisse putes: quos diri conscia facti  
Mens habet attonitos, & furdo verberare caedit  
Occultum quatiente animo tortore flagellum?  
Poena autem vehemens, ac multo saevior illis,  
Quae & Caeditius gravis invenit, & Rhadamanthus,  
Nocte dieque suum gestare in pectore testem.  
Spartano cuidam respondit Pythia vates:  
Haud impunitum quondam fore, quod dubitaret  
Depositum retinere, & fraudem jure tueri  
Jurando: quaerebat enim, quae Numinis esset  
Mens, & an hoc illi facinus suaderet Apollo?  
Reddidit ergo metu, non moribus, & tamen omnem  
Vocem adyti dignam templo, veramque probavit:  
Exstinctus tota pariter cum prole, domoque,  
Et, quamvis longa deductis gente, propinquis.  
Has patitur poenas peccandi sola voluntas,

Nam scelus intra se tacitum qui cogitat ullum,  
Facti crimen habet. Cedo, si conata peregit?  
Perpetua anxietas nec mensae tempore cessat,  
Faucibus ut morbo ficcis, interque molareis  
Difficili crescente cibo. Sed vina misellus  
Exspuit: Albani veteris preciosa senectus  
Displicet. Ostendas melius, densissima ruga  
Cogitur in frontem, velut acri ducta Falerno.  
Nocte brevem si forte indulsit cura soporem,  
Et toto versata toro jam membra quiescunt:  
Continuo templum, & violati Numinis aras,  
Et, quod praecipuis mentem sudoribus urget,  
Te videt in somnis. Tua sacra & majorum imago  
Humana turbat pavidum, cogitque fateri.  
Hi sunt, qui trepidant, & ad omnia fulgura pallent,  
Cum tonat: exanimes primo quoque murmure coeli;  
Non quasi fortuitus, nec ventorum rabie, sed  
Iratus cadat in terras, & judicet ignis.  
Illa nihil nocuit, cura graviore timetur  
Proxima tempestas: velut hoc dilata sereno.  
Praeterea, lateris vigili cum febre dolorem  
Si coepere pati, missum ad sua corpora morbum

Infesto credunt a Numine : faxa Deorum  
Haec & tela putant. Pecudem spondere facello  
Balantem , & Laribus cristam promittere galli  
Non audent. Quid enim sperare nocentibus aegris  
Concessum ? vel quae non dignior hostia vita ?  
Mobilis , & varia est ferme natura malorum.  
Cum scelus admittunt, superest constantia : quod fas  
Atque nefas , tandem incipiunt sentire peractis  
Criminibus. Tamen AD mores natura recurrit  
Damnatos , fixa , & mutari nescia. Nam quis  
Peccandi finem posuit sibi ? quando recepit  
Ejectum semel attrita de fronte ruborem ?  
Quisnam hominum est,quem tu contentum videris uno  
Flagitio ? dabit in laqueum vestigia noster  
Perfidus , & nigri patietur carceris uncum,  
Aut maris Aegaei rupem , scopulosque frequentis  
Exfulibus magnis. Poena gaudebis amara  
Nominis invisi, tandemque fatebere laetus  
Nec surdum , nec Teiresiam quenquam esse Deorum.

---

## SATYRA XIV.

**P**lurima sunt, Fuscine, & fama digna sinistra,  
Et nitidis maculam haesuram figentia rebus,  
Quae monstrant ipsi pueris, traduntque parentes.  
Si damnosa senem juvat alea: ludit & haeres  
Bullatus, parvoque eadem movet arma fritillo.  
Nec melius de se cuiquam sperare propinquo  
Concedet juvenis, qui radere tubera terrae,  
Boletum condire, & eodem jure natanteis  
Mergere ficedulas didicit nebulone parente,  
Et cana monstrante gula. Cum septimus annus  
Transferit puerum, nondum omni dente renato,  
Barbatos licet admoveas mille inde magistros,  
Hinc totidem, cupiet lauto coenare paratu  
Semper, & a magna non degenerare culina.  
Mitem animum, & mores modicis erroribus aequos  
Praecipit, atque animas servorum & corpora, nostra  
Materia constare putat, paribusque elementis:  
An saevire docet Rutilus? qui gaudet acerbo  
Plagarum strepitu, & nullam Seirena flagellis.



Ergo miser trepidas, ne stercore foeda canino  
Atria displiceant oculis venientis amici,  
Ne perfusa luto sit porticus, & tamen uno  
Semodio scobis haec emendat fervulus unus:  
Illud non agitas, ut sanctam filius omni  
Adspiciat sine labe domum, vitioque carentem?  
Gratum est, quod patriae civem, populoque dedisti;  
Si facis, ut patriae sit idoneus, utilis agris,  
Utilis & bellorum, & pacis rebus agendis.  
Plurimum enim intererit, quibus artibus, & quibus

hunc tu

Moribus instituas. Serpente ciconia pullos  
Nutrit, & inventa per devia rura lacerta:  
Illi eadem sumtis quaerunt animalia pinnis.  
Vultur jumento, & canibus, crucibusque relictis,  
Ad foetus properat, partemque cadaveris affert.  
Hic est ergo cibus magni quoque vulturis, & se  
Pascentis, propria cum jam facit arbore nidos.  
Sed leporem aut capream famulae Jovis, & generosae  
In saltu venantur aves: hinc praeda cubili  
Ponitur: inde autem, cum se matura levarit  
Progenies stimulante fame, festinat ad illam,

Quam primum praedam rupto gustaverat ovo.

Aedificator erat Cetronius, & modo curvo  
Littore Cajetae, summa nunc Tiburis arce,  
Nunc Praenestinis in montibus alta parabat  
Culmina villarum, Graecis longeque petitis  
Marmoribus vincens Fortunae atque Herculis aedem:  
Ut spado vincebat Capitolia nostra Posides.  
Dum sic ergo habitat Cetronius, imminuit rem,  
Fregit opes, nec parva tamen mensura relictæ  
Partis erat: totam hanc turbavit filius amens,  
Dum meliore novas attollit marmore villas.

Quidam fortiti metuentem sabbata patrem,  
Nil praeter nubes, & coeli numen adorant:  
Nec distare putant humana carne suillam,  
Qua pater abstinuit, mox & praeputia ponunt.  
Romanas autem soliti contemnere leges,  
Judaicum ediscunt, & servant, ac metuunt jus,  
Tradidit arcano quodcunque volumine Moses.  
Non monstrare vias, eadem nisi sacra colenti;  
Quaesitum ad fontem solos deducere verpos.  
Sed pater in causa, cui septima quaeque fuit lux  
Ignava, & partem vitae non attigit ullam.

Sponte tamen juvenes imitantur cetera: solam  
Inviti quoque avaritiam exercere jubentur.  
FALLIT enim vitium specie virtutis & umbra,  
Cum sit triste habitu vultuque & veste severum,  
Nec dubie, tanquam frugi, laudetur avarus,  
Tanquam parcus homo, & rerum tutela suarum  
Certa magis, quam si fortunas servet easdem  
Hesperidum serpens aut Ponticus. Adde quod hunc, de  
Quo loquor, egregium populus putat acquirendi  
Artificem: quippe his crescunt patrimonia fabris.  
Sed crescunt quocunque modo, majoraque fiunt.  
Incude assiduà, semperque ardente camino.  
Et pater ergo animi felices credit avaros,  
Qui miratur opes, qui nulla exempla beati  
Pauperis esse putat: juvenes hortatur, ut illam  
Ire viam pergant, & eidem incumbere sectae.  
SUNT quaedam vitiorum elementa: his protinus illos  
Imbuit, & cogit minimas ediscere sordes:  
Mox acquirendi docet infatiabile votum.  
Servorum ventres modio castigat iniquo,  
Ipse quoque esuriens: neque enim omnia sustinet  
unquam

Mucida coerulei panis consumere frustra,  
Hesternum solitus medio servare minutal  
Septembri, nec non differre in tempora coenae  
Alterius, conchem aestivam cum parte lacerti  
Signatam, vel dimidio, putrique filuro,  
Filaque festivi numerata includere porri.  
Invitatus ad haec aliquis de ponte negavit.  
Sed quo divitias haec per tormenta coactas,  
CUM furor haud dubius, cum sit manifesta phrenesis,  
Ut locuples moriaris, egentis vivere fato?  
Interea pleno cum turget sacculus ore,  
Crescit amor nummi, quantum ipsa pecunia crevit,  
Et minus hanc optat, qui non habet. Ergo paratur  
Altera villa tibi, cum rus non sufficit unum,  
Et proferre libet fineis, majorque videtur,  
Et melior vicina seges. Mercaris & hanc, &  
Arbusta, & densa montem qui canet oliva.  
Quorum si precio dominus non vincitur ullo,  
Nocte boves macri, lassoque famelica collo  
Jumenta ad virideis hujus mittentur aristas;  
Nec prius inde domum, quam tota novalia faevos  
In ventres abeant, ut credas falcibus actum.

Dicere vix possis, quàm multi talia plorent,  
Et quot venaleis injuria fecerit agros.  
Sed qui sermones? quam foedae buccina famae?  
Quid nocet haec, inquit. Tunitam mihi malo lupinae,  
Quam si me toto laudet vicinia pago,  
Exigui ruris paucissima farra secantem.  
Scilicet & morbis, & debilitate carebis,  
Et luctum & curam effugies, & tempora vitae  
Longa tibi post haec fato meliore dabuntur:  
Si tantum culti solus possederis agri,  
Quantum sub Tatio populus Romanus arabat.  
Mox etiam fractis aetate, ac Punica passis  
Praelia, vel Pyrrhum immanem, gladiosque Molossos,  
Tandem pro multis vix jugera bina dabantur  
Vulneribus. Merces haec sanguinis atque laboris  
Nullis visa unquam meritis minor, aut ingratae  
Curta fides patriae. Saturabat glebula talis  
Patrem ipsum, turbamque casae: qua foeta jacebat  
Uxor, & infantes ludebant quatuor, unus  
Vernula, tres domini: sed magnis fratribus horum  
A scrobe, vel fulco redeuntibus, altera coena  
Amplior, & grandes fumabant pultibus ollae.

Nunc

Nunc modus hic agri nostro non sufficit horto.  
INDE fere scelerum causae, nec plura venena  
Miscuit, aut ferro grassatur saepius ullum  
Humanae mentis vitium, quam saeva cupido  
Immodici census. Nam dives qui fieri vult,  
Et cito vult fieri. Sed quae reverentia legum,  
Quis metus, aut pudor est unquam properantis avari?  
Vivite contenti casulis, & collibus istis,  
O pueri, Marfus dicebat & Hernicus olim,  
Vestinusque senex, panem quaeramus aratro,  
Quis satis est mensis: laudant hoc Numina ruris,  
Quorum ope & auxilio, gratae post munus aristae,  
Contingunt homini veteris fastidia quercus.  
Nil veritum fecisse volet, quem non pudet alto  
Per glaciem perone tegi, qui summovet euros  
Pellibus inversis. Peregrina ignotaque nobis  
Ad scelus, atque nefas, quaecunque est, purpura ducit.

Haec illi veteres praecepta minoribus: at nunc  
Post finem autumnii media de nocte supinum  
Clamorus juvenem pater excitat: accipe ceras,  
Scribe puer, vigila, causas age, perlege rubras  
Majorum leges, aut vitem posce libello.

Sed caput intactum buxo, naresque pilosas

Adnotet, & grandes miretur Laelius alas.

Dirae Maurorum attegias, castella Brigantum,

Ut locupletem aquilam tibi sexagesimus annus

Afferat; aut, longos castrorum ferre labores

Si piget, & trepidum solvunt tibi cornua ventrem

Cum lituis audita, pares, quod vendere possis

Pluris dimidio, nec te fastidia mercis

Ullius subeant ablegandae Tiberim ultra,

Neu credas ponendum aliquid discriminis inter

Unguenta, & corium. LUCRI bonus est odor ex re

Qualibet. Illa tuo sententia semper in ore

• Versetur, DIs atque ipso Jove digna, poetae:

UNDE habeas, quaerit nemo, sed oportet habere.

Hoc monstrant vetulae pueris repentibus assae:

Hoc discunt omnes ante alpha & beta puellae.

Talibus instantem monitis quemcunque parentem

Sic possem adfari: dic, o vanissime, quis te

Festinare jubet? meliorem praesto magistro

Discipulum; securus abi: vinceris, ut Ajax

Praeteriit Telamonem, ut Pelea vicit Achilles.

Parcendum est teneris; nondum implere medullas

Maturae mala nequitiae. Ast cum pectere barbam  
Coeperit, & longi mucronem admittere cultri,  
Falsus erit testis, vendet perjuria summa  
Exigua, & Cereris tangens aramque pedemque.  
Elatam jam crede nurum, si limina vestra  
Mortifera cum dote subit. Quibus illa premetur  
Per fomnum digitis! Nam quae terraque marique  
Acquirenda putas, brevior via conferet illi.  
NULLUS enim magni sceleris labor; haec ego nunquam  
Mandavi, dices olim, nec talia suasi:  
Mentis causa malae tamen est, & origo penes te.  
Nam quisquis magni census praecepit amorem,  
Et laevo monitu pueros producit avaros,  
Et qui per fraudes patrimonia conduplicare  
Dat libertatem, & totas effundit habenas  
Curriculo: quem si revoces, subsistere nescit,  
Et te contempto rapitur, metisque relictis.  
Nemo satis credit tantum delinquere, quantum  
Permittas: adeo indulgent sibi latius ipsi.  
Cum dicis juveni: stultum, qui donet amico,  
Qui paupertatem levet, attollatque propinqui:  
Et spoliare doces, & circumscribere, & omni



Crimine divitias adquirere, quarum amor in te,

Quantus erat patriae Deciorum in pectore, quantum

Dilexit Thebas, si Graecia vera, Menoeceus:

In quorum fulcis legiones dentibus anguis

Cum clypeis nascuntur, & horrida bella capeffunt

Continuo, tanquam & tubicen surrexerit una.

Ergo ignem, cujus scintillas ipse dedisti,

Flagrantem late, & rapientem cuncta videbis.

Nec tibi parceret misero, trepidumque magistrum

In cavea magno fremitu leo tollet alumnus.

Nota mathematicis genesis tua: sed grave tardas

Exspectare colus. Morieris stamine nondum

Abrupto. Jam nunc obitas, & vota moraris:

Jam torquet juvenem longa & cervina senectus.

Ocyus Archigenem quaere, atque eme, quod Mithri-

dates

Composuit, si vis aliam decerpere ficum,

Atque alias tractare rosas. Medicamen habendum est,

Sorbere ante cibum quod debeat & pater & rex.

Monstro voluptatem egregiam; cui nulla theatra,

Nulla aequare queas praetoris pulpita lauti;

Si spectes, quanto capitis discrimine consistit

Incrementa domus, aerata multus in arca  
Fiscus, & ad vigilem ponendi Castora nummi,  
Ex quo Mars ultor galeam quoque perdidit, & res  
Non potuit servare suas. Ergo omnia Florae,  
Et Cereris licet, & Cybeles aulaea relinquo:  
Tanto majores humana negotia ludi.

An magis oblectant animum jactata petauro  
Corpora, quique solet rectum descendere funem;  
Quam tu, Corycia semper qui puppe moraris,  
Atque habitas, coro semper tollendus & austro,  
Perditus, ac vilis sacci mercator olentis:  
Qui gaudes pingue antiquae de littore Cretae  
Passum, & municipes Jovis advexisse lagenas?  
Hic tamen ancipiti figens vestigia planta  
Victum illa mercede parat, brumamque, famemque  
Illa recte cavet: tu propter mille talenta,  
Et centum villas temerarius aspice portus,  
Et plenum magnis trabibus mare: plus hominum,  
est jam

In pelago. Veniet classis, quocunque vocarit  
Spes lucri, nec Carpathium Gaetulaque tantum  
Aequora transiliet: sed longe Calpe relicta,

Audiet Herculeo stridentem gurgite solem.

Grande operae precium est, ut tenso folle reverti

Inde domum possis, tumidaque superbus aluta

Oceani monstra, & juvenes vidisse marinos.

Non unus menteis agitat furor: ille fororis

In manibus vultu Eumenidum terretur, & igni:

Hic bove percusso mugire Agamemnona credit,

Aut Ithacum. Parcat tunicis licet atque lacernis,

Curatoris eget, qui navem mercibus implet

Ad summum latus, & tabula distinguitur unda:

Cum sit caussa mali tanti & discriminis hujus,

Concisum argentum in titulos faciesque minutas.

Occurrunt nubes & fulgura: solvite funem

Frumenti dominus clamat, piperisque coemti.

Nil color hic coeli, nil fascia nigra minatur:

Aestivum tonat. Infelix, hac forsitan ipsa

Nocte cadet fractis trabibus, fluctuque premetur

Obrutus, & zonam laeva, morsequae tenebit.

Sed, cujus votis modo non suffecerat aurum,

Quod Tagus, & rutila volvit Pactolus arena,

Frigida sufficient velantes inguina panni,

Exiguusque cibus, mersa rate naufragus assem

Dum rogat, & picta se tempestate tuetur.

Tantis parva malis, cura majore metuque

Servantur. MISERA est magni custodia census.

Dispositis praedives hamis vigilare cohortem

Servorum noctu Licinus jubet, attonitus pro

Electro, signisque suis, Phrygiaque columna,

Atque ebore, & lata testudine. Dolia nudi

Non ardent Cynici: si fregeris, altera fiet

Cras domus, aut eadem plumbo commissa manebit.

Sensit Alexander, testa cum vidit in illa

Magnum habitatorem, quanto felicior hic, qui

Nil cuperet, quam qui totum sibi posceret orbem,

Passurus gestis aequanda pericula rebus.

Nullum numen habes, si sit prudentia: NOS te,

Nos facimus, Fortuna, Deam. Mensura tamen quae

Sufficiat census, si quis me consulat, edam:

In quantum sitis, atque fames, & frigora poscunt,

Quantum, Epicure, tibi parvis suffecit in hortis,

Quantum Socratici ceperunt ante penates.

Nunquam aliud Natura, aliud Sapiencia dicit.

Acribus exemplis videor te cludere; misce

Ergo aliquid nostris de moribus: effice summam

Bis septem ordinibus, quam lex dignatur Othonis.  
Haec quoque si rugam trahit, extenditque labellum:  
Sume duos equites, fac tertia quadringenta.  
Si nondum implevi gremium, si panditur ultra:  
Nec Croesi fortuna unquam, nec Perfica regna  
Sufficiant animo, nec divitiae Narcissi;  
Indulset Caesar cui Claudius omnia, cujus  
Paruit imperiis uxorem occidere jussus.

---

## SATYRA XV.

Quis nescit, Volusi Bithynice, qualia demens  
Aegyptus portenta colat? crocodilon adorat  
Pars haec: illa pavet saturam serpentibus ibin.  
Effigies facti nitet aurea cercopitheci,  
Dimidio magicae resonant ubi Memnone chordae,  
Atque vetus Thebe centum jacet obruta portis.  
Illic coeruleos, heic piscem fluminis, illic  
Oppida tota canem venerantur, nemo Dianam.  
Porrum & cepe nefas violare, & frangere morsu.  
O sanctas genteis, quibus haec nascuntur in hortis

Numina! Lanatis animalibus abstinet omnis  
Mensa. Nefas illic foetum jugulare capellae:  
Carnibus humanis vesci licet. Attonito cum  
Tale super coenam facinus narraret Ulysses  
Alcinoo, bilem aut risum fortasse quibusdam  
Moverat, ut mendax aretalogus, In mare nemo  
Hunc abicit, saeva dignum veraque Charybdi,  
Fingentem immaneis Laestrygonas, atque Cyclopas?  
Nam citius Scyllam, vel concurrentia saxa  
Cyaneis, plenos & tempestatibus utreis  
Crediderim, aut tenui percussum verbere Circes,  
Et cum remigibus grunnisse Elpenora porcis.  
Tam vacui capitis populum Phaeaca putavit?  
Sic aliquis merito nondum ebrius, & minimum qui  
De Corcyraea temetum duxerat urna:  
Solutus enim hoc Ithacus nullo sub teste canebat.  
Nos miranda quidem, sed nuper consule Junio  
Gesta super calidae referemus moenia Copti,  
Nos vulgi scelus, & cunctis graviora cothurnis.  
Nam scelus aPyrrha, quanquam omnia firmata volvas,  
Nullus apud tragicos populus facit. Accipe, nostro  
Dira quod exemplum feritas produxerit aevo.

Inter finitimos vetus atque antiqua simultas,  
Immortale odium & nunquam sanabile vulnus  
Ardet adhuc Ombos & Tentyra; summus utrinque  
Inde furor vulgo, quod numina vicinorum  
Odit uterque locus, cum solos credat habendos  
Esse Deos, quos ipse colit. Sed tempore festo  
Alterius populi rapienda occasio cunctis  
Visa inimicorum primoribus ac ducibus: ne  
Laetum hilaremque diem, ne magnae gaudia coenae  
Sentirent positis ad templa, & compita mensis.  
Pervigiliq̃ue toro, quē nocte ac luce jacentem  
Septimus interdum sol invenit. Horrida fane  
Aegyptus: sed luxuria, quantum ipse notavi,  
Barbara famoso non cedit turba Canopo.  
Adde, quod & facilis victoria de madidis, &  
Blaefis atque mero titubantibus. Inde virorum  
Saltatus nigro tibicine, qualiacunque  
Unguenta, & flores, multaeque in fronte coronae:  
Hinc jejunum odium. Sed jurgia prima sonare  
Incipiunt animis ardentibus: haec tuba rixae.  
Dein clamore pari concurritur, & vice telī  
Saevit nuda manus: paucae sine vulnere malae;

Vix cuiquam, aut nulli toto certamine natus  
Integer; aspiceres jam cuncta per agmina vultus  
Dimidios, alias facies, & hiantia ruptis  
Ossa genis, plenos oculorum sanguine pugnosc.  
Ludere se credunt ipsi tamen, & puerileis  
Exercere acies, quod nulla cadavera calcent:  
Et sane quo tot rixandis millia turbae,  
Si vivunt omnes? Ergo acrior impetus, & jam  
Saxa inclinatis per humum quaesita lacertis  
Incipiunt torquere, domestica seditioni  
Tela; nec hunc lapidem, qualeis & Turnus, & Ajax,  
Vel quo Tydides percussit pondere coxam  
Aeneae: sed quem valeant emittere dextrae  
Illis dissimiles, & nostro tempore natae.  
Nam genus hoc vivo jam decrefcebat Homero.  
TERRA malos homines nunc educat, atque pusillos.  
Ergo Deus, quicumque adspexit, ridet & odit.  
A diverticulo repetatur fabula. Postquam  
Subsidiis ausi pars altera promere ferrum  
Audet, & infestis pugnam instaurare sagittis:  
Terga fugae celeri praestantibus omnibus, instant,  
Qui vicina colunt umbrosae Tentyra palmae.



Labitur hinc quidam, nimia formidine cursum  
Praecipitans, capiturque: ast illum in plurima sectum  
Frustra & particulas, ut multis mortuus unus  
Sufficeret, totum corrosis ossibus edit  
Victrix turba, nec ardenti decoxit aheni,  
Aut verubus: longum usque adeo tardumque putavit  
Expectare focos, contenta cadavere crudo.  
Heic gaudere libet, quod non violaverit ignem,  
Quem summa coeli raptum de parte Prometheus  
Donavit terris; elemento gratulor, & te  
Exsultare reor. Sed qui mordere cadaver  
Sustinuit, nil unquam hac carne libentius edit.  
Nam scelere in tanto ne quaeras, & dubites, an  
Prima voluptatem gula senferit; ultimus autem,  
Qui stetit absumto jam toto corpore, ductis  
Per terram digitis, aliquid de sanguine gustat.  
Vascones, haec fama est, alimentis talibus olim  
Produxere animas; sed res diversa, sed illic  
Fortunae invidia est, bellorumque ultima, casus  
Extremi, longae dira obsidionis egestas.  
Hujus enim, quod nunc agitur, miserabile debet  
Exemplum esse cibi. Sicut modo dicta mihi gens

Post omnes herbas, post cuncta animalia, quidquid  
Cogebat vacui ventris furor, hostibus ipsis  
Pallorem ac maciem & tenuis miserantibus artus,  
Membra aliena fame lacerabant, esse parati  
Et sua. Quisnam hominum veniam dare, quisve Deorum  
Viribus abnuerit dira atque immania passis,  
Et quibus illorum poterant ignoscere Manes,  
Quorum corporibus vescebantur? Melius nos  
Zenonis praecepta monent; nec enim omnia, quaedam  
Pro vita facienda putat. Sed Cantaber unde  
Stoicus, antiqui praefertim aetate Metelli?  
Nunc totus Grajas nostrasque habet orbis Athenas;  
Gallia caussidicos docuit facunda Britannos,  
De conducendo loquitur jam rhetore Thule.  
Nobilis ille tamen populus, quem diximus, & par  
Virtute atque fide; sed major clade Saguntus.  
Tale quid excusat? Maeotide saevior ara  
Aegyptus; quippe illa nefandi Taurica sacri  
Inventrix homines, ut jam, quae carmina tradunt,  
Digna fide credas, tantum immolat, ulterius nil,  
Aut gravius cultro timet hosti. Quis modo casus  
Impulit hos? quae tanta fames, infestaque vallo

Labitur hinc quidam, nimia formidine cursum.  
Praecipitans, capiturque: ast illum in plurima sectum  
Frustra & particulas, ut multis mortuus unus  
Sufficeret, totum corrosis ossibus edit  
Vixitrix turba, nec ardenti decoxit ahenis,  
Aut verubus: longum usque adeo tardumque putavit  
Exspectare focos, contenta cadavere crudo.  
Heic gaudere libet, quod non violaverit ignem,  
Quem summa coeli raptum de parte Prometheus  
Donavit terris; elemento gratulor, & te  
Exsultare reor. Sed qui mordere cadaver  
Sustinuit, nil unquam hac carne libentius edit.  
Nam scelere in tanto ne quaeras, & dubites, an  
Prima voluptatem gula senserit; ultimus autem,  
Qui stetit absorto jam toto corpore, ductis  
Per terram digitis, aliquid de sanguine gustat.  
Vascones, haec fama est, alimentis talibus olim  
Produxere animas: sed res diversa, sed illic  
Fortunae invidia est, bellorumque ultima, casus  
Extremi, longae dira obsidionis egestas.  
Hujus enim, quod nunc agitur, miserabile debet  
Exemplum esse cibi. Sicut modo dicta mihi gens

Post omnes herbas, post cuncta animalia, quidquid  
Cogebat vacui ventris furor, hostibus ipsis  
Pallorem ac maciem & tenuis miserantibus artus,  
Membra aliena fame lacerabant, esse parati  
Et sua. Quisnam hominum veniam dare, quisve Deorum  
Viribus abnuerit dira atque immania passis,  
Et quibus illorum poterant ignoscere Manes,  
Quorum corporibus vescebantur? Melius nos  
Zenonis praecepta monent; nec enim omnia, quaedam  
Pro vita facienda putat. Sed Cantaber unde  
Stoicus, antiqui praesertim aetate Metelli?  
Nunc totus Grajas nostrasque habet orbis Athenas;  
Gallia caussidicos docuit facunda Britannos,  
De conducendo loquitur jam rhetore Thule.  
Nobilis ille tamen populus, quem diximus, & par  
Virtute atque fide; sed major clade Saguntus.  
Tale quid excusat? Maeotide saevior ara  
Aegyptus; quippe illa nefandi Taurica sacri  
Inventrix homines, ut jam, quae carmina tradunt,  
Digna fide credas, tantum immolat, ulterius nil,  
Aut gravius cultro timet hosti. Quis modo casus  
Impulit hos? quae tanta fames, infestaque vallo

Arma coegerunt, tam detestabile monstrum  
Audere? anne aliam, terra Memphitide sicca,  
Invidiam facerent nolenti surgere Nilo?  
Qua nec terribiles Cimbri, nec Britones unquam,  
Sauromataeq̃ue truces, aut immanes Agathyrsi,  
Hac faevit rabie imbellē & inutile vulgus,  
Parvula fistilibus solitum dare vela phaselis,  
Et brevibus pictae remis incumbere testae.  
Nec poenam sceleri invenies, nec digna parabis  
Supplicia his populis, in quorum mente pares sunt  
Et similes ira atque fames. Mollissima corda  
Humano generi dare se Natura fatetur,  
Quae lacrymas dedit, haec nostri pars optima sensus.  
Plorare ergo jubet causam dicentis amici,  
Squaloremque rei, pupillum ad jura vocantem  
Circumscriptorem, cujus mansantia fletu  
Ora puellares faciunt incerta capilli.  
Naturae imperio gemimus, cum funus adultae  
Virginis occurrit, vel terra clauditur infans,  
Et minor igne rogi. Quis enim bonus & face dignus  
Arcana, qualem Cereris vult esse sacerdos,  
Ulla aliena sibi credat mala? Separat hoc nos

A grege mutorum, atque ideo venerabile foli  
Sortiti ingenium, divinorumque capaces,  
Atque exercendis capiendisq̃ue artibus apti.  
Sensum a coelesti demissum traximus arce,  
Cujus egent prona & terram spectantia. Mundi  
Principio indulsit communis conditor illis  
Tantum animas, nobis animum quoque, mutuus ut nos  
Adfectus petere auxilium & praestare juberet,  
Disperfos trahere in populum, migrare vetusto  
De nemore, & proavis habitatas linguere silvas:  
Aedificare domos, Laribus conjungere nostris  
Testum aliud, tutos vicino limite somnos  
Ut collata daret fiducia: protegere armis  
Lapsum, aut ingenti nutantem vulnere civem,  
Communi dare signa tuba, defendier Isdem  
Turribus, atque una portarum clave teneri.  
Sed jam serpentum major concordia: parcit  
Cognatis maculis similis fera. Quando leoni  
Fortior eripuit vitam leo? quo nemore unquam  
Exspiravit aper majoris dentibus apri?  
Indica tigris agit rabida cum tigride pacem  
Perpetuam: saevis inter se convenit ursis.

Ast homini ferrum lethale incude nefanda  
Produxisse parum est, cum rastra & sarcula tantum  
Adfueti coquere, & marris ac vomere lassī  
Nescierint primi gladios extendere fabris  
Adspicimus populos, quorum non sufficit irae  
Occidisse aliquem: sed pectora, brachia, vultum  
Crediderint genus esse cibi. Quid diceret ergo,  
Vel quo non fugeret, si nunc haec monstra videret  
Pythagoras: cunctis animalibus abstinuit qui  
Tanquam homine, & ventri indulsit non omne le-  
gumen?

---

## SATYRA XVI.

Quis numerare queat felicitis praemia, Galle,  
Militiae? nam si subeuntur prospera castra,  
Me pavidum excipiat tironem porta secundo  
Sidere: PLUS etenim fati valet hora benigni,  
Quam si nos Veneris commendet epistola Marti,  
Et Samia genetrix, quae delectatur arena.

Commoda traitemus primum communia, quorum

Haud

Haud minimum illud erit, ne te pulsare togatus  
Audeat; immo & si pulsetur, dissimulet, nec  
Audeat excussos praetori ostendere denteis,  
Et nigram in facie tumidis livoribus offam,  
Atque oculum medico nil promittente relictum.  
Bardaicus judex datur haec punire volenti  
Calceus, & grandes magna ad subsellia furae,  
Legibus antiquis castrorum, & more Camilli  
Servato, miles ne vallum litiget extra  
Et procul a signis. Justissima Centurionum  
Cognitio est igitur de milite, nec mihi deerit  
Ultio, si justae defertur caussa querelae.  
Tota cohors tamen est inimica, omnesque manipuli  
Consensu magno efficiunt, curabilis ut sit  
Vindicta & gravior, quam injuria: dignum erit ergo  
Declamatoris mulino corde Vagellî,  
Cum duo crura habeas, offendere tot caligas, tot  
Millia clavorum. Quis tam procul absit ab Urbe?  
Praeterea quis tam Pylades, molem aggeris ultra  
Ut veniat? lacrymae siccentur protinus, & se  
Excusaturos non sollicitemus amicos.  
Da testem, judex cum dixerit: audeat ille,  
Nescio quis, pugnos qui vidit, dicere: vidi,  
Et credam dignum barba, dignumque capillis  
Majorum. Citius falsum producere testem  
Contra paganum possis, quam vera loquentem,  
Contra fortunam armati, contraque pudorem.



Praemia nunc alia, atque alia emolumenta notemus  
 Sacramentorum. Convallem ruris aviti  
 Improbis, aut campum mihi si vicinus ademit,  
 Et sacrum effodit medio de limite saxum,  
 Quod mea cum patulo coluit puls annua libo;  
 Debitor aut sumtos pergit non reddere nummos,  
 Vana supervacui dicens chirographa ligni:  
 Exspectandus erit, qui lites inchoat, annus  
 Totius populi: sed tunc quoque mille ferenda  
 Taedia, mille morae, toties subsellia tantum  
 Sternuntur, tum facundo ponente lacernas  
 Caedicio, & Fusco jam micturiente, parati  
 Digredimur, lentaque fori pugnamus arena.  
 Ast illis, quos arma tegunt, & balteus ambit,  
 Quod placitum est, ipsis praestatur tempus agendi,  
 Nec res atteritur longo subflamine litis.

Solis praeterea testandi militibus jus  
 Vivo patre datur: nam, quae sunt parta labore  
 Militiae, placuit non esse in corpore census,  
 Omne tenet cujus regimen pater. Ergo Coranum  
 Signorum comitem castrorumque aera merentem,  
 Quamvis jam tremulus, capiat pater: hunc labor aequus  
 Provehit, & pulcro reddit sua dona labori.  
 Ipsi certe ducis hoc referre videtur,  
 Ut, qui fortis erit, sit felicissimus idem,  
 Ut laeti phaleris omnes, & torquibus omnes.







AULI  
PERSII  
FLACCI  
SATYRARUM  
LIBER.

---

EX RECENSIONE .  
ISAACI CASAUBONI  
FIDELITER EXPRESSUS.

---

MANNHEMII  
Cura & Sumptibus Societatis litteratae.  
MDCCLXXX





# AULI PERSII FLACCI SATYRAE.

---

## PROLOGUS

**N**EC fonte labra prolui Caballino :  
Nec in bicipiti somniasse Parnasso.  
Memini, ut repente sic Poeta pròdirem.  
Heliconiadasque, pallidamque Pirenen.  
Illis remitto, quorum imagines lambunt  
Hederae sequaces : ipse semipaganus,  
Ad sacra vaturn carmen affero nostrum.  
Quis expedit pŕittaco suum χαῖρε,  
Picasque docuit verba nostra conari?  
Magister artis, ingeniiq̃ue largitor  
Venter, negatas artifex sequi voces.  
Quod si dolosi spes refulserit nummi,  
Corvos poetas, & poetrias picas  
Cantare credas Pegaseium melos.

---

## SATYRA I.

**O** CURAS hominum! o quantum est in rebus inane!  
Quis leger haec? min' tu istud ais? nemo hercule. nemo?  
Vel duo, vel nemo. turpe & miserabile. quare?  
Ne mihi Polydamas, & Troiades Labeonem  
Praetulerint. nugae. non, si quid turbida Roma  
Eleuet, accedas: examenve improbum in illa  
Castiges trutina: nec te quaesiveris extra.  
Nam Romae est quis non? ac, si fas dicere: sed fas  
Tunc, cum ad caniciem, & nostrum istud vivere triste  
Aspexi, & nucibus facimus quaecunque relictis,  
Cum sapimus patruos: tunc, tunc. ignoscite. Nolo:  
Quid faciam? sed sum petulanti splene cachinno.

Scribimus inclusi, numeros ille, hic pede liber,  
Grande aliquid, quod pulmo animae praelargus an-  
helet.

Scilicet haec populo, pexusque togaque recenti,  
Et natalitia tandem cum fardonyche albus,  
Sede leges celsa, liquido cum plasmate guttur  
Mobile conlueris, patranti fractus ocello.  
Heic, neque more probo videas, neque voce serena,

Ingentes trepidare Titos, cum carmina lumbum  
Intrant, & tremulo scalpuntur ubi intima versu.  
Tun' vetule auriculis alienis colligis escas?  
Auriculis, quibus & dicas cute perditus, ohe.  
Quo didicisse, nisi hoc fermentum, & quae semel intus  
Innata est, rupto jecore exierit caprificus?  
En pallor, seniumque. o mores! usque adeone  
Scire tuum nihil est, nisi te scire hoc sciat alter?  
At pulchrum est digito monstrari, & dici, hic est.  
Ten' cirratorum centum dictata fuisse  
Pro nihilo pendas? ecce inter pocula quaerunt  
Romulidae saturi, quid dia poemata narrent.  
Heic aliquis, cui circum humeros hyacinthina laena est,  
Rancidulum quiddam balba de nare locutus,  
Phyllidas, Hypsipylas, vatum & plorabile si quid,  
Eliquat; & tenero supplantat verba palato.  
Assensere viri. Nunc non cinis ille poetae  
Felix? non levior cippus nunc imprimit ossa?  
Laudant convivae. Nunc non e manibus illis,  
Nunc non e tumulo, fortunataque favilla,  
Nascentur violae? rides, ait, & nimis uncis  
Naribus indulges. An erit, qui velle recuset



Os populi meruisse : & cedro digna locutus,  
Linquere nec scombr̄os metuentia carmina, nec thus ?  
Quisquis es, o modo quem ex adverso dicere feci,  
Non ego, cum scribo, si forte quid aptius exit,  
Quando haec rara avis est, si quid tamen aptius exit,  
Laudari metuam : neque enim mihi cornea fibra est :  
Sed recti, finemque, extremumque, esse recuso  
*Euge* tuum, & *belle*. nam belle hoc excute totum :  
Quid non intus habet ? Non heic est Ilias Atti  
Ebria veratro ? non si qua elegidia crudi  
Dictarunt proceres ? non quicquid denique lectis  
Scribitur in citreis ? calidum scis ponere fumen :  
Scis comitem horridulum trita donare lacerna :  
Et, Verum, inquis, amo ; verum mihi dicite de me.  
Quī pote ? vis dicam ? nugaris, cum tibi, calve,  
Pinguis aqualiculus propenso sesquipede extet.  
O Jane, a tergo, quem nulla ciconia pinxit,  
Nec manus auriculas imitata est mobilis albas,  
Nec linguae, quantum fitiat canis Appula, tantae.  
Vos o patricius sanguis, quos vivere fas est  
Occipiti caeco, posticae occurrite fannae.  
Quis populi sermo est ? quis enim ? nisi carmina molli

Nunc demum numero fluere, ut per laeve severos  
Effundat junctura ungues. Scit tendere versum  
Non secus, ac si oculo rubricam dirigat uno:  
Sive opus in mores, in luxum, in prandia regum,  
Dicere res grandes nostro dat Musa poetae.

Ecce modo heroas sensus afferre docemus  
Nugari solitos Graece, nec ponere lucum  
Artifices, nec rus saturum laudare, ubi corbes,  
Et focus, & porci, & fumosa Palilia foeno:  
Unde Remus, fulcoque terens dentalia, Quinti,  
Quum trepida ante boves Dictatorem induit uxor:  
Et tua aratra domum lictor tulit. Euge poeta.  
Est nunc Brisaei quem venosus liber Acci,  
Sunt quos Pacuviusque, & verrucosa moretur  
Antiopa, aerumnis cor lustrificabile fulta.  
Hos pueris monitus patres infundere lippos  
Cum videas, quaerisne, unde haec fartago loquendi  
Venerit in linguas? unde istud dedecus, in quo  
Trossulus exultat tibi per subsellia laevis?  
Nilne pudet, capiti non posse pericula cano  
Pellere, quin tepidum hoc optes audire? *decenter!*  
Fur es, ait Pedio. Pedius quid? crimina rasis

Librat in antithetis. doctas posuisse figuras  
 Laudatur: bellum hoc. hoc bellum? an Romule ceves?  
 Men' moveat quippe, & cantet si naufragus, assem  
 Protulerim? cantas cum fracta te in trabe pictum  
 Ex humero portes? verum, nec nocte paratum  
 Plorabit, qui me volet incurvasse querela.

Sed numeris decor est, & junctura addita crudis.  
 Claudere sic versum didicit: „Berecynthus Attin,  
 „Et qui caeruleum dirimebat Nerea delphin,  
 „Sic costam longo subduximus Apennino.

*Arma virum*, nonne hoc spumofum & cortice pingui  
 Ut ramale vetus praegrandi subere coctum.

Quidnam igitur tenerum, & laxa cervice legendum?  
 „Torva Mimalloneis implerunt cornua bombis,  
 „Et raptum vitulo caput ablatura superbo  
 „Bassaris, & lyncem Maenas flexura corymbis  
 „Evion ingeminat: reparabilis adsonat Echo.

Haec fierent, si testiculi vena ulla paterni  
 Viveret in nobis? summa delumbe saliva  
 Hoc narat in labris; & in udo est Maenas, & Attin:  
 Nec pluteum caedit, nec demorfos sapit ungues.

Sed quid opus teneras mordaci radere vero

Aurículas? vide sis, ne majorum tibi forte  
Limina frigescant: sonat heic de nare canina  
Littera. Per me quidem sint omnia protinus alba:  
Nil moror. euge, omnes, omnes bene mirae eritis res.  
Hoc juvat: heic, inquis, veto quisquam faxit oletum.  
Pinge duos angues: pueri, facer est locus: extra  
Mejite. discedo. Secuit Lucilius Urbem,  
Te Lupe, te Muti, & genuinum fregit in illis:  
Omne vafer vitium ridenti Flaccus amico  
Tangit, & admissus circum praecordia ludit,  
Callidus excusso populum suspendere naso:  
Men' mutire nefas, nec clam, nec cum scrobe? nusquam.  
Heic tamen infodiam. Vidi, vidi ipse, libelle:  
Aurículas asini Mida rex habet. Hoc ego opertum,  
Hoc ridere meum tam nil, nulla tibi vendo  
Iliade. Audaci quicunque afflate Cratino,  
Iratum Eupolidem praegrandi cum sene palles,  
Adspice & haec, si forte aliquid decoctius audis.  
Inde vaporata lector mihi ferveat aure.  
Non hic, qui in crepidas Grajorum ludere gestit  
Sordidus, & lusco qui poscit dicere, lusce;  
Sese aliquem credens, Italo quod honore supinus

**Fregerit heminas Areti aedilis iniquas :**

**Nec qui abaco numeros, & fectō in pulvere metas**

**Scit risisse vafer, multum gaudere paratus,**

**Si Cynico barbam petulans Nonaria vellat.**

**His mane edictum, post prandia Calliroën do.**

SATYRA' II.

**HANC, Macrine, diem numera meliore lapillo,**

**Qui tibi labentes apponit candidus annos.**

**Funde merum Genio. Non tu prece poscis emaci,**

**Quae nisi seductis nequeas committere divis.**

**At bona pars procerum tacita libabit acerra.**

**Haud cuivis promptum est, murmurque, humilesque  
susurros .**

**Tollere de templis, & aperto vivere voto.**

**Mens bona, fama, fides, haec clare, & ut audiat hospes :**

**Illā sibi introrsum, & sub lingua immurmurat: Quid si**

**Ebullit patrum praeclarum funus! & O si**

**Sub raŝtro crepet argenti mihi ŝeria dextro**

**Hercule! Pupillumve utinam, quem proximus heres**

**Impello, expungam ! Namque est scabiosus, & acri**

Bile tumet. Nerio jam tertia ducitur uxor.  
Haec sancte ut poscas, Tiberino in gurgite mergis  
Mane caput bis, terque & noctem flumine purgas.  
Heus age, responde, minimum est quod scire laboro:  
De Jove quid sentis? Estne, ut praeponere cures  
Hunc. cuinam? cuinam? Vis Staio? An scilicet haeres?  
Quis potior iudex, puerisve quis aptior orbis?  
Hoc igitur, quo tu Jovis aurem impellere tentas,  
Dic agetum Staio: pro Juppiter o bone, clamet.  
Juppiter! at sese non clamet Juppiter ipse?  
Ignovisse putas, quia cum tonat, ocyus ilex  
Sulfure discutitur sacro, quam tuque, domusque?  
An quia non fibris ovium, Ergennaque jubente,  
Triste jaces lucis, evitandumque bidental,  
Idcirco stolidam praebet tibi vellere barbam  
Juppiter? aut quidnam est, qua tu mercede deorum  
Emeris auriculas? pulmone, & lactibus unctis?  
Ecce avia, aut metuens divum matertera, cunis  
Exemit puerum, frontemque, atque uda labella  
Infami digito, & lustralibus ante salivis  
Expiat, urentes oculos inhibere perita.  
Tunc manibus quatit, & spem macram supplice voto

Nunc Licini in campos, nunc Crassi mittit in aedes.

Hunc optent generum rex & regina: puellae

Hunc rapiant: quicquid calcaverit hic, rosa fiat.

Ast ego nutrici non mando vota: negato

Juppiter haec illi, quamvis te albata rogarit.

Poscis opem nervis, corpusque fidele senectae:

Esto, age: sed grandes patinae, tucetaque crassa

Annuere his superos vetuere, Jovemque morantur.

Rem struere exoptas caeso bove, Mercuriumque

Arcessis fibra: da fortunare penates,

Da pecus, & gregibus foetum. Quo, pessime, pacto,

Tot tibi cum in flammis junicum omenta liquecant?

Et tamen hic extis, & opimo vincere ferto

Intendit: jam crescit ager, jam crescit ovile,

Jam dabitur, jamjam: donec deceptus, & exspes

Nequicquam fundo suspiret nummus in imo.

Si tibi crateras argenti, incusaque pingui

Auro dona feram, fudes, & pectore laevo

Excutias guttas, laetari praetrepidum cor:

Hinc illud subiit, auro sacras quod ovato

Perducis facies. Nam fratres inter aënos,

Somnia pituita qui purgatissima mittunt,

Praecipui sumto, sitque illis aurea barba.

Aurum, vasa Numae, Saturniaque impulit aesa,  
Vestalesque urnas, & Tuscum fictile mutat.

O curvae in terris animae, & caelestium inanes!  
Quid juvat hoc, templis nostros immittere mores,  
Et bona diis ex hac scelerata ducere pulpa?

Haec sibi corrupto casiam dissolvit olivo:

Et Calabrum coxit vitiato murice vellus:

Haec baccam conchae rasisse, & stringere venas

Ferventis massae crudo de pulvere jussit.

Peccat & haec, peccat: vitio tamen utitur: at vos  
Dicite, pontifices, in sancto quid facit aurum?

Nempe hoc, quod Veneri donatae a virgine puppae.

Quin damus id superis, de magna quod dare lance

Non possit magni Messalae lippa propago:

Compositum jus fasque animo, sanctosque recessus

Mentis, & incoctum generoso pectus honesto?

Haec cedo, ut admoveam templis, & farre litabo,



## SATYRA III.

**N**EMPE haec assidue. Jam clarum mane fenestras  
Intrat, & angustas extendit lumine rimas :  
Sertimus indomitum quod despumare Falernum  
Sufficiat, quinta dum linea tangitur umbra.  
En quid agis? fittas infana canicula menses  
Jam dudum coquit, & patula pecus omne sub ulmo est.  
Unus ait comitum: verumne? itane? ocyus adfit  
Huc aliquis. Nemon'? turgescit vitrea bilis:  
Findor: ut Arcadiae pecuaria rudere credas.

Jam liber, & bicolor positis membrana capillis,  
Inque manus chartae, nodosaeque venit arundo.  
Tunc queritur, crassus calamo quod pendeat humor,  
Nigra quod infusa vanescat sepiæ lymphæ;  
Dilutas queritur geminet quod fistula guttas.

O miser! inque dies ultra miser, huccine rerum  
Venimus? At cur non potius, teneroque columbo,  
Et similis regum pueris, pappare minutum  
Poscis, & iratus mammae lallare recusas?

An tali studeam calamo? Cui verba? Quid istas  
Succinis ambages? Tibi luditur: effluis amens.

Contemnere, sonat vitium percussa, maligne

Respondet viridi non cocta fidelia limo.

Udum & molle lutum es, nunc, nunc properandus,

& acri

Fingendus fine fine rota: sed rure paterno

Est tibi far modicum, purum & sine labe salinum.

Quid metuas? cultrixque foci secura patella est.

Hoc satis? an deceat pulmonem rumpere ventis,

Stemmata quod Tusco ramum millesime ducis,

Censoreme tuum vel quod trabeate salutas?

Ad populum phaleras: ego te intus, & in cute novi.

Non pudet ad morem discincti vivere Nattae?

Sed stupet hic vitio, & fibris increvit opimum

Pingue: caret culpa: nescit, quid perdat: & alte

Demersus, summa rursus non bullit in unda.

Magne pater divum, saevos punire tyrannos

Haud alia ratione velis, cum dira libido

Moverit ingenium ferventi tincta veneno,

Virtutem videant, intabescantque relictæ.

Anne magis Siculi gemuerunt aera juvenci,

Et magis auratis pendens laquearibus ensis

Purpureas subter cervices terruit, Imus,

Imus praecipites, quam si sibi dicat, & intus  
Palleat infelix; quod proxima nesciat uxor?  
Saepe oculos, memini, tangebam parvus olivo,  
Grandia si nollem morituri verba Catonis  
Dicere, non sano multum laudanda magistro,  
Quae pater adductis sudans audiret amicis:  
Jure: etenim id summum, quid dexter senio ferret  
Scire, erat in voto: damnosa canicula quantum  
Raderet, angustae collo non fallier orcae:  
Neu quis callidior buxum torquere flagello.  
Haud tibi inexpertum curvos deprendere mores,  
Quaeque docet sapiens braccatis inlita Medis  
Porticus infomnis, quibus & detonsa juvenus  
Invigilat, filiquis, & grandi pasta polenta.  
Et tibi quae Samios diduxit littera ramos,  
Surgentem dextro monstravit limite callem.  
Stertis adhuc? laxumque caput compage soluta  
Oscitat hesternum, dissutis undique malis?  
Est aliquid quo tendis, & in quod dirigis arcum?  
An passim sequeris corvos, testaque, lutoque,  
Securus quo pes ferat, atque ex tempore vivis?  
Helleborum frustra, cum jam cutis aegra tumebit,

Poscentes videas: venienti occurrere morbo.  
Et quid opus Cratero magnos promittere montes?  
Discite o miseri, & causas cognoscite rerum,  
Quid sumus, & quidnam victuri gignimur, ordo  
Quis datus, aut metae quam mollis flexus, & unde:  
Quis modus argento, quid fas optare, quid asper  
Utile nummus habet: patriae, carisque propinquis  
Quantum elargiri deceat: quem te Deus esse  
Jussit, & humana qua parte locatus es in re.  
Disce: nec inideas, quod multa fidelia putet  
In locuplete penu, defensis pinguibus Umbris,  
Et piper, & pernae, Marfi monumenta clientis:  
Maenaeque quod prima nondum defecerit orca.  
Heic, aliquis de gente hircosa centurionum  
Dicat, quod sapio, fatis est mihi: non ego curo  
Esse quod Arcefilas, aerumnosique Solones,  
Obstipo capite, & figentes lumine terram,  
Murmura cum secum, & rabiosa silentia rodunt,  
Atque exporrecto trutinantur verba labello,  
Aegroti veteris meditantes somnia, gigni  
De nihilo nihilum, in nihilum nil posse reverti.  
Hoc est, quod palles: cur quis non prandeat, hoc est.

His populus ridet, mustumque torosa juvenus  
Ingeminat tremulos naso crispante cachinnos.  
Inspice: nescio quid trepidat mihi pectus, & aegris  
Faucibus exsuperat gravis halitus, inspice, fodes,  
Qui dicit medico; jussus requiescere, postquam  
Tertia compositas vidit nox currere venas,  
De majore domo modice sitiente lagena  
Lenia loturo sibi Surrentina rogavit.  
Heus bone, tu palles. Nihil est. Videas tamen istud,  
Quicquid id est: surgit tacite tibi lutea pellis.  
At tu deterius palles: ne sis mihi tutor:  
Jam pridem hunc sepeli: tu restas. Perge, tacebo,  
Turgidus hic epulis, atque albo ventre, lavatur,  
Guttore sulfureas lente exhalante mephites.  
Sed tremor inter vina subit, calidumque triental  
Excutit e manibus: dentes crepuere retexti.  
Uncta cadunt laxis tunc pulmentaria labris.  
Hinc tuba, candelae: tandemque beatulus alto  
Compositus lecto, crassisque lutatus amomis,  
In portam rigidos calces extendit: at illum  
Hesterni capite induto subiere Quirites.  
Tange miser venas, & pone in pectore dextram,

Nil calet hic, summosque pedes attinge, manusque.  
Non frigent. Visa est forte pecunia, sive  
Candida vicini subrisit molle puella,  
Cor tibi rite salit? Positum est argente catino  
Durum olus, & populi cribro decussa farina.  
Tentemus fauces: tenero latet ulcus in ore  
Putre, quod haud deceat plebeja radere beta.  
Alges, cum excussit membris timor albus aristas:  
Nunc face supposita fervescit sanguis, & ira  
Scintillant oculi; dicisque, facisque, quod ipse  
Non fani esse hominis, non sanus juret Orestes.

---

## SATYRA IV.

Rem populi trahas? barbatum haec crede magistrum  
Dicere, forbitio tollit quem dira cicutae.  
Quo fretus? dic hoc magni pupille Pericli.  
Scilicet ingenium, & rerum prudentia velox  
Ante pilos venit: dicenda, tacendaque calles.  
Ergo ubi commota fervet plebecula bile,  
Fert animus calidae fecisse silentia turbae  
Majestate manus: quid deinde loquere? Quirites,

Hoc, puto, non justum est, illud male, rectius illud.  
Scis etenim justum gemina suspendere lance  
Ancipitis librae: rectum discernis, ubi inter  
Curva subit, vel cum fallit pede regula varo:  
Et potis es nigrum vitio praefigere theta.  
Quin tu igitur summa nequicquam pelle decorus  
Ante diem blando caudam jactare popello  
Definis, Anticyras melior sorbere meracas?  
Quae tibi summa boni est? uncta vixisse patella  
Semper & assiduo curata cuticula sole.  
Exspecta: haud aliud respondeat haec anus. Inunc.  
Dinomaches ego sum, suffla, sum candidus. Esto:  
Dum ne deterius sapiat pannucea Baucis,  
Cum bene discincto cantaverit ocyma vernae,  
Ut nemo in sese tentat descendere, nemo:  
Sed praecedenti spectatur mantica tergo.  
Quaesieris. Nostin? Vestidi praedia? cujus?  
Dives arat Curibus quantum non milvus oberret:  
Hunc ais? hunc diis iratis, genioque sinistro:  
Qui quandoque jugum pertusa ad compita figit,  
Seriolae veterem metuens deradere limum,  
Ingemit, hoc bene sit: tunicatum cum sale mordens

Caepe: & farrata pueris plaudentibus olla,  
Pannosam faecem morientis sorbet aceti?  
At si unctus cesses, & figas in cute solem,  
Est prope te ignotus, cubito qui tangat, & acre  
Despuat in mores: penemque arcanaque lumbi  
Runcantem, populo marcentes pandere vulvas.  
Tu cum maxillis balanatum gausape pectas,  
Inguinibus quare detonsus gurgulio extat?  
Quinque palaestritae licet haec plantaria vellant,  
Elixasque nates labefactent forcipe adunca,  
Non tamen ista filix ullo mansuescit aratro.  
Caedimus, inque vicem praebemus crura sagittis.  
Vivitur hoc pacto, sic novimus. Ilia subter  
Caecum vulnus habes: sed lato balteus auro  
Praetegit: ut mavis, da verba, & decipe nervos,  
Si potes. Egregium cum me vicinia dicat,  
Non credam? viso si palles improbe nummo,  
Si facis, in penem quicquid tibi venit amarum,  
Si Puteal multa cautus vibice flagellas:  
Nequicquam populo bibulas donaveris aures.  
Respue, quod non es: tollat sua munera cerdo:  
Tecum habita: noris quam sit tibi curta supellex.



## SATYRA V.

Vatibus hic mos est, centum sibi poscere voces.  
Centum ora & linguas optare in carmina centum:  
Fabula seu moesto ponatur hianda tragoedo,  
Vulnera seu Parthi ducentis ab inguine ferrum:  
Quorsum haec? aut quantas robusti carminis offas  
Ingeris, ut par sit centeno gutture niti?  
Grande locuturi, nebulas Helicone legunto:  
Si quibus aut Procnes, aut si quibus olla Thyestae  
Fervebit, saepe insulso coenanda Glyconi.  
Tu neque anhelanti, coquitur dum massa camino,  
Folle premis ventos: nec clauso murmure raucus  
Nescio, quid tecum grave cornicaris inepte,  
Nec stloppo tumidas intendis rumpere buccas.  
Verba togae sequeris, junctura callidus acri,  
Ore teres modico: pallentes radere mores  
Doctus, & ingenuo culpam defigere ludo.  
Hinc trahe, quae dicas: mensasque relinque Mycenis  
Cum capite & pedibus: plebejaque prandia noris.  
Non equidem hoc studeo, bullatis ut mihi nugis  
Pagina turgescat, dare pondus idonea fumo.

Secreti loquimur : tibi nunc hortante Camena  
Excutienda damus praecordia ; quantaque nostrae  
Pars tua sit Cornutae animae , tibi dulcis amice  
Ostendisse juvat : pulsa , dignoscere cautus  
Quid solidum crepet , & pictae testoria linguae.  
His ego centenas ausim deposcere voces :  
Ut quantum mihi te sinuoso in pectore fixi ,  
Voce traham pura : totumque hoc verba resignent,  
Quod latet arcana non enarrabile fibra.  
Cum primum pavido custos mihi purpura cessit,  
Bullaque succinctis laribus donata pependit :  
Cum blandi comites , totaque impune Suburra  
Permisit sparsisse oculos jam candidus umbo :  
Cumque iter ambiguum est , & vitae nescius error  
Diducit trepidas ramosa in compita mentes ,  
Me tibi supposui : teneros tu suscipis annos  
Socratico, Cornute, sinu : tunc fallere follers  
Apposita intortos extendit regula mores :  
Et premitur ratione animus , vincique laborat,  
Artificemque tuo ducit sub pollice vultum.  
Tecum etenim longos memini consumere soles ,  
Et tecum primas epulis decerpere noctes.

Unum opus, & requiem pariter disponimus ambo,  
Atque verecunda laxamus seria mensa.  
Non equidem hoc dubites, amborum foedere certo  
Consentire dies, & ab uno fidere duci.  
Nostra vel aequali suspendit tempora libra  
Parca tenax veri, seu nata fidelibus hora  
Dividit in geminos concordia fata duorum:  
Saturnumque gravem nostro Jove frangimus una.  
Nescio quod, certe est, quod me tibi temperat, astrum.  
Mille hominum species, & rerum discolor usus:  
Velle suum cuique est, nec voto vivitur uno.  
Mercibus hic Italis mutat sub sole recenti  
Rugosum piper, & pallentis grana cumini:  
Hic satur, irriguo mavult turgescere somno:  
Hic campo indulget: hunc alea decoquit: ille  
In Venerem putret: sed cum lapidosa chiragra  
Fregerit articulos veteris ramalia fagi,  
Tunc crassos transisse dies, lucemque palustrem,  
Et sibi jam feri vitam ingemuere relictam.  
At te nocturnis juvat impallescere chartis.  
Cultor enim es juvenum: purgatas inferis aures  
Fruge Cleanthea: petite hinc juvenesque senesque

Finem animo certum, miserisque viatica canis.  
Cras hoc fiet. Idem cras fiet, quid? quasi magnum  
Nempe diem donas, sed cum lux altera venit,  
Jam cras hesternum consumimus: ecce aliud cras  
Egerit hos annos, & semper paulum erit ultra.  
Nam quamvis prope te, quamvis temone sub uno  
Vertentem sese, frustra festabere canthum,  
Cum rota posterior curras, & in axe secundo.  
Libertate opus est: non hac, qua ut quisque Velina  
Publius emeruit scabiosum tesserula far  
Possidet. Heu steriles veri, quibus una Quiritem  
Vertigo facit: hic Dama est non tressis agaso,  
Vappa, & lippus, & in tenui farragine mendax.  
Verterit hunc dominus, momento turbinis exit  
Marcus Dama, papae! Marco spondente recusas  
Credere tu nummos? Marco sub iudice palles?  
Marcus dixit: ita est, adsigna Marce tabellas.  
Haec mera libertas, hoc nobis pilea donant.  
An quisquam est alius liber, nisi ducere vitam  
Cui licet, ut voluit? licet, ut volo, vivere: non sim  
Liberior Bruto? mendose colligis, inquit  
Stoicus hic, aurem mordaci lotus aceto.

Hoc, (reliquum accipio) licet illud, &, ut volo, tolle.  
Vindicta, postquam meus a praetore recessi,  
Cur mihi non liceat, jussit quodcunque voluntas,  
Excepto, si quid Masuri rubrica vetavit?  
Disce: sed ira cadat naso, rugosaeque fanna,  
Dum veteres avias tibi de pulmone revello.  
Non praetoris erat stultis dare tenuia rerum  
Officia, atque usum rapidae permittere vitae.  
Sambucam citius caloni aptaveris alto.  
Stat contra ratio, & secretam garrit in aurem,  
Ne liceat facere id, quod quis vitiabit agendo.  
Publica lex hominum, naturaeque continet hoc fas,  
Ut teneat vetitos inscitia debilis actus.  
Diluis helleborum certo compescere puncto  
Nescius examen: vetat hoc natura medendi.  
Navem si poscat sibi peronatus arator  
Luciferi rudis, exclamet Melicerta perisse  
Frontem de rebus. Tibi recto vivere talo  
Ars dedit? & veri speciem dignoscere calles,  
Ne qua subaerato mendosum tinniat auro?  
Quaeque sequenda forent, quaeque evitanda vicissim,  
Illa prius creta, mox haec carbone notasti?

Es modicus voti, presso lare, dulcis amicis?  
Jam nunc adstringas, jam nunc granaria laxes:  
Inque luto fixum possis transcendere nummum:  
Nec gluto forbere salivam Mercurialem?  
Haec mea sunt, teneo, cum vere dixeris, esto  
Liberque, ac sapiens, praetoribus, ac Jove dextro.  
Sin tu, cum fueris nostrae paulo ante farinae,  
Pelliculam veterem retines, & fronte politus  
Astutam vapido fervas sub pectore vulpem:  
Quae dederam supra repeto, funemque reduco.  
Nil tibi concessit ratio, digitum exere, peccas:  
Et quid tam parvum est? sed nullo thure litabis,  
Haereat in stultis brevis ut semuncia recti.  
Haec miscere nefas: nec cum sis caetera fossor,  
Treis tantum ad numeros satyri moveare Bathylli.  
Liber ego, unde datum hoc fumis tot subdite rebus?  
An dominum ignoras, nisi quem vindicta relaxat?  
I puer, & strigiles Crispini ad balnea defer.  
Si increpuit, cessas nugator? servitium acre  
Te nihil impellit: nec quicquam extrinsecus intrat,  
Quod nervos agitet. Sed si intus, & in jecore aegro  
Nascantur domini, qui tu impunitior exis,

Atque hic, quem ad strigiles scutica, & metus egit  
herilis?

Mane piger stertis: surge, inquit avaritia: eja  
Surge. Negas. Instat, surge, inquit. Non queo. Surge.  
Et quid agam? rogitas? saperdas advehe Ponto,  
Castoreum, stuppas, hebenum, thus, lubrica Coa:  
Tolle recens primus piper e sitiēte camelo.  
Verte aliquid; jura. Sed Jupiter audiet: eheu!  
Varo, regustatum digito terebrare salinum  
Contentus perages, si vivere cum Jove tendis.  
Jam pueris pellem succinctus, & oenophorum aptas  
Ocyus ad navem: nihil obstat, quin trabe vasta  
Aegaeum rapias, nisi follers luxuria ante  
Seductum moneat: quo deinde insane ruis? quo?  
Quid tibi vis? calido sub pectore mascula bilis  
Intumuit, quam non extinxerit urna cicutae.  
Tun' mare transilias? tibi torta cannabe fulto  
Coena sit in transtro, Vejentanumque rubellum  
Exhalet vapida laesum pice sessilis obba?  
Quid petis? ut nummi, quos hic quincunce modesto  
Nutrieras, pergant avidos sudare deunces?  
Indulge genio, carpamus dulcia: nostrum est,

Quod

Quod vivis: cinis, & manes, & fabulâ fies.

VIVE MEMOR LETI: fugit hora: hoc, quod loquor,  
inde est.

En quid agis; duplici, in diversum scinderis hamo:  
Hunc cine, an hunc sequeris? subeas alternus oportet  
Ancipiti obsequio dominos: alternus oberres.

Nec tu, cum obstiteris semel instantique negaris  
Parere imperio, rupi jam vincula, dicas.

Nam & luctata canis nodum abripit: attamen illi,  
Cum fugit, a collo trahitur pars longa catenae.

Dave, cito, hoc credas jubeo, finire dolores  
Praeteritos meditor: (crudum Chaerestratus unguem  
Abrodens ait haec) an ficcis dedecus obstem

Cognatis? an rem patriam rumore sinistro  
Limen ad obscenum frangam, dum Chrysidis udae  
Ebrius ante fores extincta cum face canto?

Euge puer, sapias, diis depellentibus agnam  
Percute. Sed censen', plorabit, Dave, relicta?  
Nugaris: solea, puer, objurgabere rubra.

Ne trepidare velis, atque arctos rodere casses.  
Nunc ferus, & violens: at si vocet, haud mora, dicas,  
Quidnam igitur faciam? ne nunc, cum accersat, & ultro



Supplicet, accedam? Si totus & integer illinc  
Exieras, nec nunc, hic hic, quem quaerimus, hic est:  
Non in festuca, listor quam jactat ineptus.  
Jus habet ille sui palpo, quem ducit hiantem  
Cretata ambitio? Vigila, & ciceringere large  
Rixanti populo, nostra ut Floralia possint  
Aprici meminisse senes: quid pulcrius? At cum  
Herodis venere dies, unctaque fenestra  
Dispositae pinguem nebulam vomuere lucernae  
Portantes violas, rubrumque amplexa catinum  
Cauda natat thynni, tumet alba fidelia vino:  
Labra moves tacitus, recutitaque sabbata palles.  
Tunc nigri lemures, ovoque pericula rupto:  
Hinc grandes Galli, & cum sistro lusca sacerdos,  
Incussere deos inflantes corpora, si non  
Praedictum ter mane caput gustaveris all.  
Dixeris haec inter varicosos centuriones,  
Continuo crassum ridet Vulfenius ingens,  
Et centum Graecos curto centusse licetur.

---

## SATYRA VI.

**A**dmovit jam bruma foco te, Basse, Sabino?  
Jamne lyra, & tetrico vivunt tibi pectine chordae?  
Mire opifex numeris veterum primordia rerum,  
Atque marem strepitum fidis intendisse Latinae,  
Mox juvenes agitare jocos, & pollice honesto  
Egregios luisse senes? Mihi nunc Ligus ora  
Intepet, hibernatque meum mare, qua latus ingens  
Dant scopuli, & multa litus se valle receptat.  
Lunai portum est operae cognoscere, cives.  
Cor jubet hoc Enni, postquam destertuit esse  
Mæonides Quintus pavone ex Pythagoreo.  
Heic ago securus vulgi, & quid praeparet Auster  
Infelix pecori: securus, & angulus ille  
Vicini, nostro quia pinguior: & si adeo omnes  
Ditescant orti pejoribus, usque recusem  
Curvus ob id minui senio, aut coenare sine uncto,  
Et signum in vapida naso tetigisse lagena.  
Discrepet his alius. Geminos horoscope varo  
Producis genio. Solis natalibus, est qui  
Tingat olus siccum muria vaser in calice empta,

**Ipse sacrum inrorans patinae piper: hic bona dente  
Grandia magnanimus peragit puer: utar ego, utar?  
Nec rhombos ideo libertis ponere lautus,  
Nec tenuem solers turdorum nosse salivam.  
Messe tenus propria vive: & granaria (fas est)  
Emole. Quid metuas? occa & seges altera in herba est.  
Ast vocat officium: trabe rupta, Bruttia saxa  
Prendit amicus inops: ramque omnem, furdaque vota  
Condidit Ionio: jacet ipse in littore, & una  
Ingentes de puppe Dei: jamque obvia mergis  
Costa ratis lacerae: nunc & de cespite vivo  
Frange aliquid: largire inopi, ne pictus oberret,  
Caerulea in tubula. Sed coenam funeris heres  
Negliget, iratus quod rem curtaveris: urnae  
Ossa inodora dabit: seu spirent cinnama surdum,  
Seu ceraso peccent casiae, nescire paratus.  
Tunc bona incolumis minuas? & Bestius urget  
Doctores Grajos. Ita fit, postquam sapere Urbi  
Cum pipere & palmis venit nostrum hoc maris experts,  
Foenisecae crasso vitiarunt unguine pultes.  
Haec cinere ulteriore metuas! at tu, meus heres,  
Quisquis eris, paulum a turba seductior audi.**

O bone, num ignoras? missa est a Caesare laurus  
Insignem ob cladem Germanae pubis, & aris  
Frigidus excutitur cinis: ac jam postibus arma,  
Jam chlamydes regum, jam lutea gaufapa captis,  
Effedaque, ingentesque locat Caesonia Rhenos:  
Diis igitur, genioque ducis centum paria, ob res  
Egregie gestas, induco: quis vetat? aude.

Vae, nisi connives: oleum, artocreasque popello  
Largior: an prohibes? dic clare: Non adeo, inquis,  
Exossatus ager juxta est. Age, si mihi nulla  
Jam reliqua ex amitis, patruelis nulla, proneptis  
Nulla manet patruui, sterilis matertera vixit,  
Deque avia nihilum superest: accedo Bovillas,  
Clivumque ad Virbi: praesto est mihi Manius heres.  
Progenies terrae? quaere ex me, quis mihi quartus  
Sit pater: haud prompte, dicam tamen, adde etiam

unum,


Unum etiam, terrae est jam filius: & mihi ritu  
Manius hic generis prope major avunculus exit.  
Qui prior es, cur me in decursu lampada poscas?  
Sum tibi Mercurius: venio deus huc ego, ut ille  
Pingitur: an renuis? vin' tu gaudere relictis?

Deest aliquid summae : minui mihi : sed tibi totum est,  
 Quicquid id est. Ubi sit, fuge quaerere, quod mihi  
 quondam

Legarat Tadius : neu dicta reponere paterna :  
 Foenoris accedat merces : hinc exime sumtus.  
 Quid reliquum est ? reliquum ? nunc nunc impensius  
 unge,

Unge puer caules. Mihi festa luce coquatur  
 Urtica , & fissa fumosum sinciput aure :  
 Ut tuus iste nepos olim satur anseris extis,  
 Cum morosa vago singultiet inguine vena ,  
 Patriciae immejat vulvae ? mihi trama figurae  
 Sit reliqua : ast illi tremat omento popa venter ?  
 Vende animam lucro, mercare, atque excute solers  
 Omne latus mundi : ne sit praestantior alter,  
 Cappadocas rigida pingues plaussisse catasta.  
 Rem duplica. Feci : jam triplex : jam mihi quarto,  
 Jam decies redit in rugam. Depunge , ubi sistam.  
 Inventus , Chrysispe , tui finitor acervi.





# S U L P I C I A E S A T Y R A,

D E

STATU REIPUB. TEMPORIBUS DOMI-  
TIANI PRAESERTIM CUM EDICTO  
PHILOSOPHOS URBE EXE-  
GISSET.

---

**M**USA, quibus numeris heroas & arma frequentas,  
Fabellam permitte mihi detexere paucis.  
Nam tibi secessi, tecum penetrale retractans  
Consilium. Quare nec carmine curro Phaleuco,  
Nec trimetro jambo, nec qui pede fractus eodem  
Fortiter irasci didicit, duce Clazomenio.  
Cetera quin etiam, quot denique milia lusi,  
Primaque Romanas docui contendere Grajis,  
Et salibus variare novis, constanter omitto:  
Teque, quibus, princeps & facundissima, calles,  
Adgredior. Precibus descende clientis, & audi.

Dic mihi, Calliope, quidnam pater ille deorum  
Cogitat? an terras, & patria faecula mutat?  
Quasque dedit quondam, morientibus eripit artes?  
Nosque jubet tacitos, & jam rationis egenos,  
Non aliter, primo quam quum surreximus aevo,  
Glandibus & purae rursus procumbere lymphae?  
An reliquas terras conservat amicus & urbes,  
Sed genus Ausonium, Remulique exturbat alumnos?  
Quid reputemus enim? Duo sunt, quibus extulit  
ingens

Roma caput, virtus belli, & sapientia pacis.  
Sed virtus agitata domi, & socialibus armis,  
(Cetera quae imperia, & totum simul abstulit orbem)  
In freta Sicaniae, & Carthaginis exiit arces,  
Deinde, velut stadio victor qui solus Achaeo  
Languet, & immota secum virtute fatiscit:  
Sic itidem Romana manus, contendere postquam  
Destitit, & pacem longis frenavit habenis,  
Ipsa domi leges, & Graja inventa retractans,  
Omnia bellorum terra quaesita, marique  
Praemia consilio, & molli ratione regebat.  
Stabat in his, neque enim poterat constare sine ipsis:

Aut frustra uxori, mendaxque Diespiter olim,  
Imperium sine fine dedi, dixisse probatur.  
Nunc igitur, qui res Romanas imperat inter,  
Non trabe, sed tergo prolapsus, & ingluvie albus,  
Et studia, & sapiens hominum nomenque genusque,  
Omnia abire foras, atque Urbe excedere jussit.  
Quid facimus? Grajos, hominumque relinquimus  
urbes,

Ut Romana foret magis his instructa magistris.  
Nunc Capitolino veluti turbante Camillo,  
Ensis, & trutina Galli fugere relicta:  
Sic nostri palare senes dicuntur, & ipsi  
Ut fersale suos onus extirpare libellos.  
Ergo Numantinus, Libycusque erravit in isto  
Scipio, qui Rhodio crevit formante magistro,  
Cetera & illa manus bello fecunda secundo,  
Quos inter Prisci sententia dia Catonis  
Scire adeo magni fecisset, utrumne secundis,  
An magis adversis staret Romana propago?  
Scilicet adversis. Nam quum defendier armis  
Suadet amor patriae, & captiva penatibus uxor:  
Convenit, ut vespis, quarum domus arce Monetae,



Dic mihi, Calliope, quidnam pater ille deorum  
Cogitat? an terras, & patria faecula mutat?  
Quasque dedit quondam, morientibus eripit artes?  
Nosque jubet tacitos, & jam rationis egenos,  
Non aliter, primo quam quum surreximus aevo,  
Glandibus & purae rursus procumbere lymphae?  
An reliquas terras conservat amicus & urbes,  
Sed genus Ausonium, Remulique exturbat alumnos?  
Quid reputemus enim? Duo sunt, quibus extulit  
ingens

Roma caput, virtus belli, & sapientia pacis.  
Sed virtus agitata domi, & socialibus armis,  
(Cetera quae imperia, & totum simul abstulit orbem)  
In freta Sicaniae, & Carthaginiis exiit arces,  
Deinde, velut stadio victor qui solus Achaeo  
Languet, & immota secum virtute fatiscit:  
Sic itidem Romana manus, contendere postquam  
Destitit, & pacem longis frenavit habenis,  
Ipsa domi leges, & Graja inventa retractans,  
Omnia bellorum terra quaesita, marique  
Praemia consilio, & molli ratione regebat.  
Stabat in his, neque enim poterat constare sine ipsis:

**Convenit, ut vespis, quarum domus arce Monetae,**

Turba rigens strictis per lutea corpora telis.

Ast ubi apes secura redit, oblita favorum

Plebs, materque una somno moriuntur obeso.

Romulidarum igitur longa & gravis, exitium, pax.

Hoc fabella modo pausam facit. Optima posthac

Musa velim moneas, sine qua mihi nulla voluptas

Vivere, uti quondam Lydus dum Smyrna peribat,

Nunc itidem migrare velint. Vel denique quidvis,

Ut dea, quaere aliud. Tantum Romana Caleno

Moenia, jucundos pariterque averte Sabinos.

Haec ego. Tum paucis dea me dignarier inquit:

Pone metus aequos, cultrix mea. Summa tyranno

Haec instant odia, & nostro periturus honore est.

Nam laureta Numae, fontesque habitamus eosdem,

Et comite Egeria ridemus inania coepta.

Vive, vale, manet hunc pulchrum sua fama dolorem.

Musarum spondet chorus, & Romanus Apollo.



A D  
IUVENALIS ET PERSII  
SATYRAS.

---





# VITA JUVENALIS,

AUCTORE, UT PUTATUR, SUETONIO TRAN-  
QUILLO, EX VET. COD. MS. IS. VOS-  
SII AUCTION.

**J**UNIUS JUVENALIS, libertini locupletis incer-  
tum filius, an alumnus, ex Aquinio Volschorum op-  
pido oriundus, temporibus Claudii Neronis ad me-  
diam fere aetatem declamavit, animi magis caussa,  
quam quod scholae se aut fore praepararet. Dein-  
de ad Poetices se applicavit, & postquam diu ta-  
cuit, uberiori vitiorum jam gliscente contagione, ab  
indignatione incepit: *Semper ego auditor tantum?*  
Dehinc paucorum versuum Satyra non absurde com-  
posita in Paridem, Domitiani pantomimum, poe-  
tamque P. Statiū, ejus semestribus militiolis tu-  
mentem, hoc genus scripturae industrie excoluit;  
& tamen bene diu ne modico quidem auditorio quic-  
quam committere est ausus: mox magna frequentia,  
magnoque successu bis ac ter auditus est, ut ea quo-  
que, quae prima fecerat, inferciret novis scriptis:

*Ille & militiae multis largitur honorem,  
 Quod non dant Proceres, dabit histrio. Tu Ca-  
 merinos,*

*Et Bareas, tu nobilium magna atria curas?*

*Praefectos Pelopea facit, Philomela tribunos!*

Erat tum in deliciis aulae histrio, multique fautorum ejus quotidie provehebantur. Venit ergo Juvenalis in suspicionem, quasi tempora praesentia figurate notasset, ac statim per honorem militiolae, quanquam octogenarius, Urbe summotus, missusque ad praefecturam cohortis, in extremam Aegypti partem tendentis. Id supplicii genus placuit, ut levi atque joculari delicto par esset. Verum intra brevissimum tempus Θεός αὐτὸς adscribitur Divorum choro, revertiturque Juvenalis Romam, qui tandem ad Nervae & Trajani principatum supervivens, senio & taedio vitae confectus, properantem spiritum cum tussi expuit.

## SATYRA I.

*Prima docet Satyrae causam, formamque libelli.*

SYNOPSIS. Offensus Juvenalis importuna scripturientium recitatione poeticam facete profectur, eo scilicet, ut par pari referat; quippe qui bonarum artium omni supellectile satis superque instructus: verum caeteris Poeseos generibus Satyram antefert, quod neutiquam vitiorum major copia, quae nunc, in praecipiti stetit, cuique nihil est, quod addant posterius, unicum certe & verum Satyrae ὑποκείμενον γένος, quo sibi proposito vix est, ut quisquam erraret: nam si natura negat, facit indignatio versum. Verum quia non sine periculo, ut olim, viventium scabies scalpitur, solos fato functos, jam jamque compositos, ut qui non mordeant, tangere velle, caute & callide confitetur.

## SATYRA II.

*Arguitur Satyra probitas simulata secunda.*

SYNOPSIS. Philosophorum hypocrisin lacescit, qui non proficere, sed conspici cupientes, simulant Curios, & Bacchanalia vivunt; nec propter-



ea a vitiorum reprehensione cessant, quibus similis Domitianus de adulteriis obsoletas leges revocat, ipsemet tragicus adulter. Sed ejusmodi reprehensionum, quoniam facta dictis discrepant, cassus & inutilis conatus, & quem ipsae irrident mulierculae. Quid autem mirum, si haec Philosophi? cum e contrario Caussidici, imo ipsi Judices vestibibus nil celantibus induantur; paullatim (nemo etenim fit repente turpissimus) femineas vestes induturi, ut nuper Otho, qui mediis in castris lacte asinino faciem lautus, pro clypeo, speculo utebatur: Imo & dote data nubent, ut jam nupsit cornicini Gracchus nobilis, idemque sanguine conjunctus alteri Graccho, qui sese paullo ante exauctoraverat. Quorum omnium primariae causae, tum inferorum incredulitas, tum malorum conversatio.

### SATYRA III.

*Effugit Umbricius diversa pericula vitans.*

SYNOPSIS. Umbricius sibi familiarem Roma discedentem, & discessus sui rationem perorantem inducit, nimirum mathematicos, fortilegos, & ceteros

teros ejusmodi magni fieri, unaque cum ipsis Graeculos adulatores libidinosos, & ingentium scelerum conscios. Honestarum vero artium professoribus nullum heic locum, nulla emolumenta laborum; imo iis praeripi a ditioribus unicam, quae supererat solatium vitae, sportulam; quae vitae necessaria, quae in tanta populi frequentia haud parvo constant, sibi comparare solebant: hinc ubique ridiculi, passimque rejeſti, & ne quidem ultimis codicillorum ceris haeredes scripti, quibus nulla quies interdiu, nullus somnus noctu, nulla in utroque securitas propter reſtorum assiduos lapsus, frequentia incendia, cautorum infinitam multitudinem, juvenum procacium petulantiam, quibus pauper pulsatus rogat, & pugnis concisus adorat grassatorum copiam, qui media in urbe, in ipsis plateis, unumquemque impune spoliant.

## SATYRA IV.

*Vitam Crispinus landat, ventremque Neronts.*

SYNOPSIS. Crispinum, qui mullum ~~se~~ emerat millibus aequantem paribus sestertia libris, denuo

perstringit: itemque Flavium Domitianum sub nomine Calvi Neronis, cujus consilium super coquendo portentosae magnitudinis rhombo joculariter depingit; ad quod tanquam de Cattis, tortisque Sicambris dicturi accurrunt procures, quibus proponit, an integer, an concisus apparari debeat? tandemque Montani sententia vicit, qui integrum focis apponendum censuit, proindeque continuo a figulis patinam piscis magnitudini aequalem effingi jubet; & deinceps, ut rem maxime necessariam, cum reliquo commeatu figulos castra sequi. Postremo longe meliora concludit ejusmodi ludicra crudelibus consiliis crudelissimae istiusmodi bestiae, qui non prius periit, quam prorsus nobilitate consumpta jam cerdonibus & infimo popello timendus esse coeperat.

## SATYRA V.

*Quot mala sustineat parasitica vita notato.*

SYNOPSIS. Tangit sub persona Trebii beatiorum asseclas, quorum solum & summum bonum est aliena vivere quadra, variisque rationibus pate-

facit multo satius illis fore, si mēdicarent: ita etenim miserrimi clientes a regibus suis male habiti, ut una eadem mensa recumbentibus alia aqua, vinum, panis, piscis, ceteraque obsoniorum genera, oleum, poma, boleti, imo & ministri, & pocula dissimilia porrigantur: quod non faciunt, ut impensae parcant; sed quod hinc suos dolere invitatos noverint, quibus nullus mimus, nulla comoedia melior, plorante gula. Verum, cum talia perpetuantur, digni, qui longe iniquiora sustineant.

## SATYRA VI.

*Sexta haec infidas mulieres monstrat abunde.*

SYNOPSIS. Dialogismus Poetae, & Lucii Fufedii Posthumi, quo dehortatur Posthumum a ductenda uxore; cum mors, quantumvis ignominiosa, matrimonio praefenda sit, ob mulierum libidinem, superbiam, procacitatem, prodigalitatem, temulentiam, crudelitatem, superstitionem, & cetera id genus vitia, quae tanquam in tabula Apellaea ab ingenioso Poeta repraesentantur.

## SATYRA VII.

*Mendicant artes, sic Roma coegit avara.*

**SYNOPSIS.** In Trajano Caesare unicam studiorum, & studiosorum spem repositam. Ceteros Proceres tantum admirari, & laudare disertos indignatur; qui, ne quid labori Poetarum indulgeant, versum versu rependunt: unde succurrit ei occasio recensendi, non solum illorum miseriam, sed & Historicorum, Caussidicorum, Rhetorum, Sophistarum, Grammaticorum, quos potissimum poenituit, semperque poenitebit vanæ sterilisque cathedrae. Multis etenim exantlatis laboribus, vix sine lite, exiguam & sibi indignam mercedulam consequuntur: cum tamen gladiatoribus aut factionum victoribus populus summas auri immensas lubens conferat.

## SATYRA VIII.

*Nobilitas propria est virtus, non acta parentum.*

**SYNOPSIS.** In nobiles invehit, quorum stemmata nil prodesse ostendit, si vita labat, cum nobilitas in sola virtute consistat; ideoque nomine prae-

claro tantum insignes, nobiles non existimandos, siquidem nani, Atlantes; Aethiopes, cycni; pigri, & scabie vetusta laeves canes, tigridis, leonis, pardi nomine appellitentur. Nihilominus tamen, quamvis nil ipsimet fecerint, propter quod eos potius conciperet, quae sanguine fulget Juli, quam quae ventoso conducta sub aggere texit, sintque prorsus ignari, & Hermarum truncis quam simillimi, unumquenque e plebe armis industrium & divitis indocti causas defendentem pro nihilo habent: quasi sibi, propter majorum gloriam omnia jure vindicantes. Secus quam suis in equis, qui, si segnipedes, quantumvis velocibus parentibus orti, protinus exiguo precio dominos mutare jubentur, sine ullo respectu, nullaque majorum gratia. Quare ipsos admonet, quoniam miserum est alienae incumbere famae, ut ipsimet aliquid futurae laudis agant: inprimisque sint boni milites, bonique arbitri, irae & avaritiae fraena imponant, & si quando a Principe aliqua eis provincia demandata fuerit, socio- rum inopum miserescant: quorum miseram conditionem & deplorandum statum latius depingit. Id

autem debere facere eos potissimum suadet, quod majorum virtus claram faciem praefert pudendis, quodque tanto conspectius crimen est, quanto, qui peccat, major habetur. Deinde sub persona Laterani nobilium vitia subagitat, ut qui perpetuo cum percussoribus, fugitivis, & ceteris ejusmodi, in popinis versentur; nullumque aliud numen adorent, praeter Eponam, equorum deam, quibus alendis cum omnia consumserint, scenae se locant, arenae funera vendunt, nec mirum, talia faciente principe. Postremo novos cum patriciis & multarum imaginum hominibus confert, & exemplo Ciceronis, Marii, Deciorum, Servii Tullii, Vindicii longe praestantiores novos illos concludit: unde merito ratiocinatur, patre Thersite Achilli similem multo melius nasci, quam si Thersitae similem nos producat Achilles: neque tamen esse, unde suum genus jactitent nobiles Romani, qui, si nobilitatem suam revolvant, ad humilitatem, imo ad infamiam devenient, cum primus eorum parens, Quirinus, aut pastor fuit, aut is, quem prae pudore dicere recusat.

## SATYRA IX.

*Furpia qui tolerant, nona carpuntur iniqui.*

SYNOPSIS. Cum vultus tristitiae & hilaritatis index sit, Naevolum ad Cereris & Iſidis, ubi proſtant foeminae, fronte obducta obvium, ſuper triſtitudine interrogat: cui reſpondet, vitae anteaſtae genus flagitioſum penitusque tacendum, ceteris alioquin perutile, nihil ſibi omnino prodeſſe, idque accidere tum malignitate fati, quod etiam regnat in partibus illis, quas ſinus abſcondit, tum mollium avaritia. Hinc Drauci cujuſdam & Naevoli beneficiorum ſeu potius veneficiorum mutua exprobratio Poetae a Naevolo declarata, ea lege, ut commiſſum ſecretum celare meminerit, quod divitibus nuſquam cara ſit annona veneni. Nullum vero divitibus ſecretum, ipſaque potius jumenta loqui, ſi ſervi tacent, reſpondet Poeta; proinde recte vivendum, potiſſimum ut murmura vitemus mancipiorum, quorum lingua pars cum ſit peſſima, domini tamen, qui prave vivunt, deteriores. Hoc conſilium utile fatetur Naevolus, verum quoniam flos vitae feſtinat decurrere, & bibendo obrepat non intellecta ſenec-



tus, voluptatibus reliquum vitae transigendum delib-  
berat; huic desiderio nunquam defuturos stante Ro-  
ma Pathicos denuo respondet Juvenalis. At Nae-  
volus haec felicibus, non sibi, speranda dicit, pro  
quo si aliquando fortuna rogatur, haec, tanquam  
in Siculo mari alter Ulysses, cera aures suas obdurat.

## SATYRA X.

*Arguit haec satyra & curas & inania vota.*

**SYNOPSIS.** Vota, quae in templis quotidie susci-  
piunt homines, reprehendit; potissimum illa, quae sunt  
divitiarum, honorum, eloquentiae, militaris glo-  
riae, longaevitatis, & formae: quae omnia & su-  
pervacua, & perniciofa probat. Ad quid enim  
opes, ut crescant, exoptantur, si nimia congesta  
pecunia cura multos strangulat, & aconita timenda,  
cum gemmata pocula sumuntur: nullus contra ficti-  
libus timor veneni? Ad quid insignis honorum pa-  
gina postulatur, si nos ut plurimum subiecta poten-  
tia magnae invidiae praecipitat? quod olim suo ma-  
lo experti sunt Sejanus, Crassi, Pompeji, Caesar:  
pauci etenim reges sine sanguine descendunt ad ge-

nerum Cereris. Ad quid eloquium Ciceronis, aut Demosthenis, efflagitatur, si uterque periit eloquio? Ad quid tropaea humanis creduntur majora bonis, si illa peritura sint, si mors faxis cineribusque veniat, si exitus tantorum ducum prorsus lamentabilis esse videatur, qualis Annibalis, Alexandri, Xerxis; quibus cum totus non sufficeret orbis, farcophago contenti sunt. Ad quid Jovem spatium vitae & longos annos expostulamus, si longa senectus omnibus ferme malis referta sit, si senes deformes, quibus pellis pro cute, rugae in vultu, vox, ipsaque tremencia membra, laeve caput, madidi infantia nasi, si edentuli, surdi, coeci, manci, febriculosi, uxoribus, liberis, ipsisque suis captatoribus graves, omni morborum genere circumsepti, dementes, obliviosi, quae omnia etsi iis non acciderent, tamen funera gnatorum, conjugis, fratrum & amicorum ducenda essent. Sic Nestor Antilochum, Peleus Achillem, Priamus Hectorem extulerunt. Nec tantis malis circumventi fuissent Mithridates, Croesus, Marius, Pompejus, si juvenes extincti, ut Lentulus, Cethegus & Catilina. Ad quid for-

mam pueris & puellis matres exoptant, si corpora egregii filius trepidos semper habeat parentes, cum raram faciant mixturam forma & pudicitia: si tyranni nullos exsecant loripedes, strumosos, gibbosos; adde adulterorum poenas: imo formosos, quamvis castos, sua poena manet. Quod claret in Hippolyto, Bellerophonte, Cajo Silio, cui Messalina nupsit, cuique, si paruisset, sive non, semper moriendum fuisset. Unde cum vera bona, atque illis diversa homines dignoscere nequeant; nil optare debere, sed numinibus, quae illis convenientia sint, expendenda permittere concludit: aut, si quid possint, orent, ut sit mens sana in corpore sano; animum fortem, mortis impavidum, laboris patientem, minime iracundum, nihili cupidum expostulent; sic enim tranquillam vitam ducere poterunt, cujus semita per virtutem unica patet, adversus quam nil potest fortuna, licet eam inter deos coelo locaverimus.

SATYRA XI.

*Lauta reprobamus convivium, parca probamus.*

SYNOPSIS. Crispino convivae promisso Romanorum intolerandam narrat consuetudinem, quibus viri patricii & beatuli reges, quantumvis diffluentes & luxui dediti, lauti habentur: mediocres contra fortunae homines, qui eadem fecerint, dementes, & ubique locorum cachinno excepti. Quamvis ut plurimum condiendis gulosis fictilibus, ceterisque impensis coenarum reguli illi omnia sua consumserint, nil animis precio obstantibus, cura solum eos juvet, quod plaris emitur; imo tanto aere obruti alieno, ut creditoribus multoties elusis vertere solum cogantur, nec majori afficiantur pudore, dum foro cedunt, quam si frequenti & populosa Suburra migrarent Esquilias: attamen quanto quisque miserrimus, tanto egregius, & lautius coenat, donec ad mendicitatem redacti, jam mori habent in votis. Ejusmodi etenim decoctoribus Apiciis & nepotibus Nattis morte multo magis festus metuenda. Hos autem merito despicit, ut qui non memori pectore fixerint illud coelo lapsura

γυνῶντι σεαυτὸν, quo monemur, in minimis suminisque  
 nostris actionibus nosmet cognoscere, nostrique  
 mensuram indagare. At, ut experiatur Crispinus,  
 num Poeta praestet re & moribus haec pulcerrima  
 dictu, coenam, ad quam eum pridem vocavit, sup-  
 pellectile, ministris, cibis, secundis mensis, ludis  
 instructam, qualis futura est, describit. Primum-  
 que mensam non citream, sed domi natam: non  
 fulcrum eburneum, ut cui nulla suppetat uncia ebo-  
 ris, ipsaque cultellorum manubria ossea sint: non  
 gemmatos calices, sed plebejos, & paucis assibus  
 emtos: non ministros Phrygas, aut Lycios, aut a  
 mángone petitos, non structores; sed vernulas, &  
 tirunculos, qui nec latus avis Afrae subducere no-  
 runt: non vinum transmarinum, sed Tiburtinum:  
 non apros, pygargos, phoenicopteros, sed hoedu-  
 lum, gallinas, ova, esparagos, uvas, quales in  
 vitibus, fervatas, signina pyra, Syriaque, & mala  
 Picens aemula, eaque omnia inemta, & in villa  
 Tiburtina nata habere dicit. Non denique Gadita-  
 nas mulieres prurire canoro choro, nec lasciva &  
 obscœna verba proferre sua in coena, sed legi so-

lita Homeri, & altifoni Maronis carmina. Tum, ut omnem deponat sollicitudinem, monet, & dum ludis Circensibus Roma occupata est, quamvis hora supersit, ad sextam subire balnea non erubescat; aliquando enim genio indulgendum: & quae fastidia movent iis, qui convivii continuo indulgent, ipsos delectabunt. Voluptates enim commendat rarior usus.

## SATYRA XII.

*Arguit haec avidos nimium, nimiumque rapaces.*

SYNOPSIS. Ob reditum Catulli amici, medio in mari horrenda passi, fereque naufragi, ni contra fui temporis hominum consuetudinem, quibus ipsa carior vita pecunia, propter quam unam vivunt, Castora imitatus, qui se eunuchum ipse facit, vestium, preciosaeque supellestilis jacturam fecisset, vix tenui fragilique ligno, quo quatuor aut septem digitis a morte remotus, Junoni agnam niveam, parque vellus Minervae, Jovi vitulum, majores hostias, si res ampla domi, similisque affectibus esset, immolaturus Poeta pueros suos hortatur, ut linguis

animisque faveant, & cetera, quae ad futurum sacrificium necessaria, peragant. Quod quidem non est, cur haec suspicetur Corvinus, captandae hereditatis gratia istiusmodi sacrificium suscepisse, cum tres habeat haeredes Catullus, nullusque sit tam demens captator, qui patribus ne aegram quidem gallinam impendere velit. Longe autem secus in orbis, qui, si vel minimum calorem senserint, ubique vota affixa, hic hecatomben, ille, si permittas, greges servorum, imo aliquis Novius aut Pacuvius, captatores celeberrimi, propriam filiam altaribus daturi sunt, quod mutatis tabulis, si aegri Libitinam evaserint, solos se fore haeredes sperant. Qua de re indignatus merito Juvenalis ejusmodi captatoribus Nestoris vitam, aureos montes optat, ea lege, ut nec ament quenquam, nec amentur ab ullo.

## SATYRA XIII.

*Mors cruciat pravos: sapiens fert damna modeste.*

SYNOPSIS. Depositum sibi amico interceptum, Calvinum querentem consolari nititur; tum,

quod non sit adeo tenuis fortunæ, ut tantillae iacturæ ipsum mergat onus; tum quod multi similes, imo multo majores summas eadem fraude deperdant, hæcque Saturno regnante stupenda fuisse, cujus aevo improbitas fuit admirabilis: non autem hac aetate, quæ ferrea multo pejor est, a nullo metallo nomen habens, in qua numerus bonorum ita exiguus est, ut vix totidem sint boni, quot Thebarum portæ, aut divitis ostia Nili: ubi omnia vitiorum genera regnant, quæ tanta constantia vultus a facinorosis denegantur, ut per omnes deos audacissime pejerent. Quod quidam faciunt, quod nullo rectore moveri mundum, sed omnia fortunæ nutu agi credant. Alii providentiam deorum fætentur, poenamque crimina secuturam, sed nummos ipsis, quantumvis gravibus, suppliciis præponunt, ipsamque iram deorum, ut poenam, ita lentam arbitrantur, nec si velint, omnes punire facinorosos coelestes, tam cito ad illos perventuros: deinde sibi numina fore exorabilia persuadent, cum illis ignoscere peculiare sit: multique diverso fato eadem committunt crimina, ita, ut, qui unum idem-



que commiserit crimen cum alio, diademate coronetur, alius cruci suffigatur. Quae cum ita sint, gemitus deponere admonet, cum viri flagrantior aequo dolor esse non debeat, claudendaque sit janua accepto damno, ne similis videatur iis, qui majore tumultu plangunt nummos, quam funera, in quibus pleraque ficta; at in hoc casu ploratur lacrimis amissa pecunia veris; nec tanti criminis ultionem requirere undique, cum semper depositi jactura maneret, vindictaque exigui foemineique animi voluptas, non hominis Philosophi, ut videre est in Chrysippo, Thalete, Socrate, qui accusatori partem acceptae cicutae dare nolisset. Satis esse poenarum homini scelerato animum conscium, cujus sola voluntas patitur poenas, & crimen intra se conceptum facti crimen habeat; quanto magis igitur, si conata peregerit. Licet enim a praetore absolutus sit, tamen se judice nemo nocens absolvitur, & prima est ultio hominis facinorosi, quod primum ipsi proprium displicet crimen: quamvis, praeter hanc conscientiae poenam, a diis jam missa gravior poena malos maneat, potissimum eos, qui fraude sacrile-

ga sibi depositum abnegant: quod probat exemplo  
 cuiusdam Glauci Spartani, qui tota cum prole ex-  
 stinctus non solum, quod non reddiderit depositum,  
 sed quod aliquid cogitaverit de eo non reddendos.  
 Unde concludit hunc perfidum perfidiae & sacrilegae  
 fraudis poenam subiturum, eumque tunc istius poe-  
 na amara gavisurum, & ingenue fassurum, deos nec  
 coecos, nec surdos esse, sed oculos & aures atten-  
 tas habere ad ea, quae sunt hominum.

## SATYRA XIV.

*His docet exemplis natos mala vita parentum.*

SYNOPSIS. Cum citius juvenes exempla do-  
 mestica corrumpant, parentes hortatur, ut damnan-  
 dis abstineant; imprimisque aleam, popinas, & fac-  
 vitiam in servos fugiant, ne suos haeredes luso-  
 res, popinatores, trepidique laris Antiphatas, & Poly-  
 phemos videant. Si etenim senem juvat alea, lu-  
 dit & haeres bullatus; nec expectandum, ut Larga  
 adulterae pudica sit filia, cum imitandis turpibus  
 ac pravis ab infantia ipsa dociles simus, lubentius-  
 que aemulemur Catilinam, quam aut Brutum, aut

Bruti avunculum Catonem. Quare imprimit admo-  
 net, ut procul a limine puerorum fiat impudica &  
 obscœna verba, procul puellae lenonumque pueri;  
 & si tantam curam impendunt, ut in domo venturis  
 hospitibus omnia munda & nitida appareant, multo  
 magis invigilare debent, ut filii domos suas sine labe,  
 vitioque carentes aspiciant. Sic etenim, quae te-  
 neris ediscuntur, perpetuo inhaerent; unde cicco-  
 niae, & vultures, quod parentibus serpentum &  
 cadaverum frustis in nido enutriuntur, grandes  
 factae ad serpentes & cadavera currunt. Aquilae  
 contra, generosae illae Jovis ministrae, lepores ca-  
 preasque insequuntur, quod leporibus & capreis a  
 nativitate a matribuseductae sint. Sic aedificatorem  
 Centronium imitatur filius, sic, Judaeum qui nactus  
 est patrem, Judaicum servat & metuit jus. sicque  
 juvenes cetera id genus vitia sponte imitantur, uni-  
 cam tantum avaritiam vel inviti exercentes. Cujus  
 miseriam reliquo Satyrae cursu describit. Tandem-  
 que concludit, mensuram census eam fasscere, in-  
 quantum sitis, fames, & frigora poscunt: quibus  
 non contenti sumas, Croesi, Narcissi, Persarum-  
 que regum gazas animo nusquam satisfacturas.

## SATYRA XV.

*Obtinet Aegyptus perversos impia ritus.*

**SYNOPSIS.** Mores Aegyptiorum reprehendit, quorum alii crocodilum, alii ibides, cercopithecus, canes, porra & cetera, quae nascuntur in hortis, pro Numinibus habent: quisque, cum lanatis animalibus abstineant, humanis vesci carnibus licitum putant: unde odium atrocius, & antiquae crudeliores pro religione similitudines: (nam eorum quisque solos habendos esse deos credit, quos ipse colit). Quae ne quis similia iis, quae Aleinoo super coenam narrabat Ulysses, arbitretur, proelium a se visum inter Ombitas & Tentyritas nuper commissum narrat, in quo, cum fugatis Ombitis, Tentyraei fugientibus instarent, cum unus ex Ombitis, nimia formidine cursum praecipitans, laberetur, captus a Tentyraeis, sectusque est in diversa frustra & particulas, ut pluribus sufficeret, & ab ipsis tanta aviditate devoratus, ut corrosis ossibus ipso consumto, ductis digitis super terram, effusum sanguinem gustarent: quae nec Vascones, nec Saguntini, ad extremam miseriam redacti, non Cimbri, nec Brit-

nes, Sauromatae, aut immanes fecerunt usquam Agathyrsi; nec Taurici, qui tantum homines immolant, nil ulterius molientes. Sed quamvis natura ad humanitatem mutuumque nascamur auxilium, pejus convenit inter nos, quam inter belluas ferocissimas; quae nunquam saeviunt in compar genus: tanta vero quorundam hominum atrocitas est, ut non contenti mutua caede, se ipsos devorent.

## SATYRA XVI.

*Militiae mores & commoda magna videre.*

SYNOPSIS. Militum conditionem longe meliorem, quam ea, quae paganorum est, ostendit, quod eos tegati pulsare non audeant, quia proprios habent judices; nec ex lege Camilli, extra vallum litigent, idque sine ullo taedio & mora, & quoties illis libitum fuerit: quod solis militibus testandi libertas vivo patre datur, quodque ducis referre videtur, ut, quo quis strenuissimus, eo sit felicissimus. Paganis vero omnia contra.



## VITA PERSII.

**A**ULVS PERSIUS FLACCUS natus est Volaterris in Hetruria, circa vicesimum imperii Tiberii Caesaris annum, a Christo passo fere secundum, patre Flacco Equite Romano, quem sexennis amisit, matre Fulvia Sifennia, in quam pietate fuit insigni, quemadmodum & erga sorores. Cum annorum esset duodecim, venit Romam, ubi Remmiam Palaemonem Grammaticum audivit, Rhetorem vero Virginium Flavium, aliis Flaccum. Annos natus sexdecim operam dedit Annaeo Cornuto, Stoicæ Philosophiæ antesignano, quem etiam mirifice coluit, ab ipso pariter amatus, ut patet ex Satyra quinta. Quin & ei legavit non mediocrem numerorum copiam, nimirum festerchia centum, aut, sicut alii volunt, argenti facti pondo viginti, præter bibliothecam suam, in qua numerant aliqui libros Chrysippi septingentos. At Cornutus hoc quidem accepit, pecuniam autem reliquit Persii so-

teribus, quas heredes ille fecerat. Obiit ex stomachi vitio, in ipso aetatis flore, anno scilicet vigesimo octavo, aut non multo secus, & imperii Neronis circiter octavo, quicquid alii dicant, ipseque Hieronymus, quod egregie, ut omnia, Casaubonus observat. Fuisse revera Persium, ut Probus refert, verecundia virginali, animo sincero, impense erudito, acri certe & vitiorum impatienti, & Lucilii & Horatii imitatore assiduam, probant satis ejus Satyrae, doctrina refertae & Stoam sapientes. De his porro id notandum, in antiquis membranis sine ulla distinctione aliquando reperiri, quasi liber esset unus & continuus, quod & agnoscunt Priscianus, Quintilianus, alique, dum non quidem Satyrae Persii, sed librum appellant. Quintilianus lib. X institut. orat. cap. I ita: *Multum & vitae gloriatur, quamvis uno libro, Persius meruit.* In quibusdam tamen Satyrae duntaxat quinque numerantur, quarta ad tertiam adjuncta. Scripserat juvenis, inquiunt, Praetextam fabulam, ὁδοιπορικὸν librum unum, & alia quaequam, ut ajunt veteres glossae: Sed abolevit ea Fulvia mater, ex consilio

Cornuti praeceptoris, qui etiam Satyras, antequam ederentur, recensuit.

• Ceterum quanquam videtur Persius noluisse intellegi, atque adeo debere neglegi, ut aiebat D. Ambrosius, at, quod ait magnus Scaliger, jam a nobis intelligitur, neque proinde negligendus a quoquam. Ecce enim ita laudatus fuisset a summis viris, si nec legi dignus esset? Testes sint Eusebius, D. Hieronymus, S. Augustinus, Lactantius, Quintilianus & alii prope innumeri: ex poetis autem Lucanus, qui pariter, ut Persius, Cornuti auditor fuit, ejus autem poemata nunquam sine admiratione & praeconiis recitari audiebat, ut affirmat vetus Interpres, quin exclamaret, haec vera esse Poemata. Martialis autem posteritati consignavit Persii memoriam his versibus:

*Saepius in libro memoratur Persius uno,  
Quam levis in tota Marsus Amazonide.*



## P R O L O G U S.

**SYNOPSIS.** Irridet Persius vanitatem poetarum, qui sese jactant afflatos ab Appolline & Musis, imitari volentes Hesiodum, qui se divina cœmendi facultate a Musis donatum gloriatur. Saepè venter famelicus artem dat, quam natura negavit.

## SATYRA I.

**SYNOPSIS.** Dialogismus est inter poetam, Satyras scribere aventem, & monitorem quemdam, qui conatur eum detertere a scribendo; unde in quibusdam libris reperies appositas literas P & M. in aliis P & A. id est, Persium & monitorem, aut Persium & amicum. At non conveniunt omnes, quae sint assignanda poetae, quae monitori; sed suum quisque ad arbitrium versus & personas illas distribuit. Ceterum eadem Satyra poetas ineptos, moresque saeculi sui perditos Persius perstringit.

## SATYRA II.

**SYNOPSIS.** Gratulatur Macrino, amico suo, diem natalem, & quae vota, quae sacrificia Diis grata, quaeque eis indigna sint, pulcre docet.

SATYRA III.

SYNOPSIS. Satyra haec tota reprehensio est desidiae juvenum, bona studia negligentium. Haec autem studia virtutis, omnibus fortunae donis praeferendae, contra ignaviam ignorantiae & omnium vitiorum matrem esse, poeta scite declarat.

SATYRA IV.

SYNOPSIS. Jam Satyra II Persius imitatus erat Platonem in dialogo, cui titulus, *Alcibiades Secundus*. In hac vero Satyra ejusdem Alcibiadem •Primum, Periclis discipulum, imitatur, indeque materiam omnem ac personas assumit, ut Neroni, quem insectatur, lateat. Hic itaque per Alcibiadem Nero, libidinum magister, intelligendus, post Socratem (barbatum magistrum) Persius, qui juvenum, rempublicam male capeffentium, redarguit imperitiam, temeritatem ac turpitudinem.

SATYRA V.

SYNOPSIS. Scita & elegans inprimis haec Satyra duas habet partes. In priori, quid debeat Cornuto praeceptori, Stoicae philosophiae tum

professori celeberrimo, luculenter & officiose prestatetur. In altera, quae incipit a versu 73, in quo vera libertas consistat, graviter explicat, atque ex placito Stoicorum egregie asserit, solum sapientem esse liberum adeoque felicem.

## SATYRA VI.

**SYNOPSIS.** Avaros potissimum, stultissimos hominum, Persius hac exagitat satyra, quam ad Bassum amicum, in Sabinis hiemanter & lucubranda causa fecedentem, scribit, ipse apud oram Ligusticam eodem consilio receptus & Roma digressus.

~~10083~~

## D E S U L P I C I A

## EJUSQUE SATYRA.

**S**ULPICIA Poetria, Juvenali, Statio & Martiali aequalis, sub Domitiano, Nerva & Trajano imperatoribus floruit, libros amorum & epistolarum scripsit, qui temporum iniquitate sunt intercepti. Praeterea heroico carmine & satyrico scribendi genere Domitiani, pessimi Principis, tempora deflevit, sumpta scribendi occasione ex eo, quod Domitianus philosophos & bonarum omnium artium professores crudeli edicto Urbe exegisset. Satyra haec, quae superest, unica in plerisque carminum Aufonii editionibus occurrit. Calenum Sulpiciae conjugio felicem praedicat Martialis lib. X, epigr. 38, ejusdemque pudicitiam laudibus effert epigr. 34:

*Omnes Sulpiciam legant puellae,*

*Uni quae cupiunt viro placere &c.*











